

BIBLIOTEKA

Zakł. Nar. im. Ossolińskich

XVII

7547

XVII-7547-I

151

Skowronski

Dean



IOANNIS ZONSTONT
HISTORIA
Civilis & Ecclesiastica.

*Ab orbe condito ad
annum 1633.*

Editio postrema emendata.

Amsterdam

Apud Ludovic. Elzevirium. 1657.

*Valent. ...
ohas Jacob. v. m. Hen.
bach 1682*



Hoc illud est præcipuè in co-
gnitione rerum salubre ac frugi-
ferum, omnis Te exempli docu-
menta in illustri posita monu-
mento intueri: inde tibi tuæ-
que Reip. quod imitere capias:
inde scædum inceptu, scædum
exitu quod vites. *Livius in præ-
sæc. Historia.*




1866-4-1496

Illustri & Generosissimo Domino
Juventutis in Illustri
Gymnasio Lesznensi Principi,
D^{no}. V L A D I S L A O
Comiti de LESZNO Pa-
latinidæ Belsensi;

NEC NON
Generoso & magna spei
Adolescenti
D^{no}. A L E X A N D R O
S C H L I C H T I G H,
Generosissimi & Magnifici
Domini

Dⁿⁱ. I O H A N N I S
S C H L I C H T I G H
De Bukowiec, sup. omi Terra
Vschor iudicis, filio,
Salutem & observantiam.

 V O D pauca ha-
pagella in publi-
ca fama comitium
prodeunt, Illustris
Juventutis Prin-
ceps, Generosissime Domine,
* 2 sum-

Epistola

Summus Orthodoxæ in patria nobilitatis, studii promovendi, ardor facit. Historiæ Universalis studium tam illi necessarium, ut nemo in dubium vocaverit. Nihil scire quid ante te sit a fortuna hoc est semper esse puerum, inquit Cicero. At Historia liber viventium, & tuba qua mortui revocantur ad vitam, à Nicæta dicitur. Hominis omni religio sine macula vivere, volens est Lactantii; nullus Civis verus bonus, nisi & vir, Lipsii. Ad eadem sola omnis periculi exors, optima dicendi & faciendi magistra, apud Lucianum vocatur. Vis consilii expers mole ruit sua, ait Horatius. At hæ ἀρχὴ φρονήσεως καὶ σοφίας ἀπὸ Halicarnassæum, ἡ ἀγέδαιμα τῆς εὐβουλίας apud Plutarchum nuncupatur. Vnde certe factum ut olim Alexandro Homerus Scipioni Polybius, Alphon

Dedicatoria.

Doctores mortui, *Leoni Tacitus*, *Carolo V. Cominæus*, in
summis deliciis fuerint. Brevi-
tati quod studuerim, non est
quod multis exponam. Cum enim
c studiorum genus relatione
auctorum diffusum, circumstan-
tiarum multitudine intricatum,
si exactè tradatur, à vacillan-
te in flexu ætatis iudicio, angu-
staque propter intellectum memo-
ria capi nequeat, non abs re illi
sentire videntur, qui, universa-
li Historia à speciali distincta, ru-
dimentis primò brevissimis, in
quibus series Historiæ in classes
distribuatur, ad certas Epochas
contemporanea referantur, facta
& transitus regnorum præcipui
delineantur, & τὸ Ἰστορικόν
& τῶν ἑστέρον, ut ait Polybius,
præceptoribus explicandum, obser-
vata capacitate ætatis, & com-
mendato à Rhetoribus narrationis
ordine, relinquatur, agendum

Epistola

existimant. Sanè Adolescens
brevitatem, melle memorabilium
exemplorum conditam, facilius
degustabit & concoquet, & ha-
rum rerum idea animo suo im-
pressa, tanquam in Pharo qua-
dam constitutus, universum τὸ
πεπερσμένον Oceanum, uno
oculi ictu penetrabit, & retro-
missa memoria, acta omnium
atatum speculatus, adolescentia
sua in inaccessum senium abeun-
tis divinitatem mirabitur. Ca-
terum hoc quicquid est opella,
vobis deberi existimavi, tum
quia nobilitatis Orthodoxæ &
Gymnasij Lesznensis, quod uni-
cum Illustrissimorum Comitum
Leszeziniorum pietas nobis ere-
xit, usibus eam dicavi: Tu au-
tem Illustris Domine, Princeps
juventutis in eo: tum quia
Cliens Illustrissimæ familiae ve-
stra per Magnificum Dominum
Parentem Tuum, cujus merita
orbi

Dedicatoria.

orbi Polonico indies innotescunt,
Generose Alexander, factus
sum. Me itaque totum Vobis de-
beo. Accipite ergo hoc mei erga
Vos officii testimonium: pravia
praeceptorum dexteritate, stre-
nuè in Historiarum campo per-
gite, & maturiora in maturiori
aetate expectate. Valete generosis-
sima Anima, Deo, patria, paren-
tibus, omnibus. Leydis 1. Martii,
M. D C. X X X I I I.

Illust. G. V. V.

Addictissimus

I. I. S. P.

Dispositio

DISPOSITIO

totius Opusculi.

Historia Universalis continet
res vel Antemonarchicas
vel Monarchicas.

Illa vel sunt Antediluviana,
eaque vel

Ante Noachum , vel sub
Noacho.

Vel Postdiluviana; eaque vel
Antejudices, vel Iudicium, vel
Regum.

Antejudices, vel antecessere
ingressum Israëlitarum in Egy-
ptum. Et hic occurrunt

Posteritas Noachi, Initia Im-
perii Assyriaci; Abrahami,
Isaaci, Jacobi, Historiæ.

Vel secuta sunt. Et hic occurrunt
Josephus, Cahatus, Amra-
mus, & Moses.

Res iudicium vel sunt priorum
septem,

Opusculi.

Josua, Othnielis, Ehudi, Deboræ, Gideonis, Abimelechi, Tholæ.

Vel posteriorum septem,

Jairi, Jephthæ, Abezan, Elnis, Abdonis, Eli, Samuelis.

Res Regum vel sunt ante secessionem, ubi occurrit

Saul, David, Salomon.

Vel post secessionem, & hac vel ante deportationem decem tribuum; ubi occurrit

Rechabemus, Abiamus, Assa, Josophat, Joram, Joasus, Amasias, Usias Azarias, Jothamus, Achasus, Ezechias.

Vel post deportationem, ubi occurrunt

Manasses, Ammon, Josias, Joachasus, Jojakim, Jechonias, Zedekias.

Res Monarchica sub quatuor Monarchiis, Babylonica, Persica, Macedonica, & Romana, continentur.

Dispositio

Babylonica vel fuit sub Nebucadnezare & ejus posteris, ubi occurrunt:

Nebucadnezar, Evilmerodach, Belzaser.

Vel sub aliis, ubi occurrit

Darius Medus.

Persica vel habuit Reges ex familiis Illustribus, vel obscuris. Illustribus, vel Cyri. ubi

Cyrus, Cambyfes.

Vel Hystaspidis. ubi occurrunt:

Darius Hystaspides, Xerxes, Artaxerxes Longimanus, Xerxes II. Sogdianus, Darius Notus, Artaxerxes Mnemon, Darius Ochus, Arses.

Ex obscura familia fuit

Darius Codomannus.

Monarchia Macedonica consideratur vel in initiis. ubi occurrit

Alexander Macedo.

Vel in statu. & eo quidem vel vacillante

Sub

Opusculi.

Sub Philippo Aridæo, Ducibus ipsis.

Vel firmato. qui vel ante finem regni Macedonici, ubi occurrunt,

Ptolomæus Lagides, Philadelphus, Euergetes, Philopator, Epiphanes, Philometor.

Vel ante finem regni Syriaci, ubi Euergetes I. Lathyrus, Auletes.

Vel post finem, ubi

Dionysius, Cleopatra.

Monarchia Romana vel est Imperatorum ante divisionem generalem, vel post.

Illi vel ex solis Romanis erant, & hi vel unius familiæ, ubi occurrunt,

Octavianus Augustus, Tiberius, C. Caligula, Claudius, Nero.

Vel diversarum familiarum, ubi occurrunt,

Sulpitius Galba, M. Salvius Otto,

Dispositio

Otto, Aulus Vitellius, Fl. Vespasianus, Titus, Domitian.

Imperatores ex Romanis & exteris simul sumpti vel fuere ante Dyarchiam puram. ubi occurrunt :

Coccejus Nerva, Vlpianus Trajanus, Ælius Adrianus, Antoninus Pius, Antoninus Philosophus, L. Commodus Antoninus, Helvius Pertinax, Didius Julianus, Septimius Severus, Antoninus Caracalla, Opilius Macrinus, Antoninus Heliogabalus, Alexander Severus.

Vel sub Dyarchia. ubi occurrunt,
Julius Maximinus, Gordianus Junior, Philippus Arabs, Decius, Gallus, Æmilianus, Valerianus, Gallienus.

Vel ante Dyarchiam cum Polyarchia mixtam. ubi occurrunt :

Claudius, Aurelianus, Tacitus, Probus.

Vel

Opusculi.

Vel sub Dyarchia cum Polyarchia mixta. ubi sunt,

M. Aurelius Carus, Valerius Diocletianus, Constantius Chlorus.

Imperatores sub divisione generali vel fuere sub prima, vel sub secunda.

Illa vel fuit inchoata, vel interrupta, vel repetita.

Inchoata vel ab Imperatoribus, vel à Barbaris. Ab Imperatoribus vel est prima. ubi

Constantinus M.

Vel secunda. ubi

Constantinus II. Constans, Constantius, Julianus, Jovianus.

Vel tertia. ubi

Valentinianus, Valens, Gratianus, Valentinianus II. Theodosius.

Vel quarta. ubi occurrit,

Arcadius, Theodosius, Marcianus, Leo in Oriente, Honorius,

Dispositio

norius, Valentinianus III. in Occidente.

Divisio à Barbaris facta, habet, Zenonem, Anastasium Dicorum, Justinum.

Sub interrupta divisione continentur;

Justinianus, Iustinus Iunior, Tiberius II, Mauritius, Phocas.

Repetita R. I. divisio sub Mahomete fuit, ubi Imperatores vel sunt Heraclionidae,

Heraclius, Constans, Constantinus, Justinianus.

Vel diversarum familiarum,

Philippicus Bardanes, Artemius, Theodosius III.

Vel Isauridae, ubi,

Leo Isaurus, Constantinus, Leo I V. Porphyrogenitus, Constantinus V.

Divisio secunda distinguitur in tempora, interregnum, antecedentia, & consequentia.

Opusculi.

*Imperatores ante Interregnum,
vel fuere ex Francis & Franco-
nibus:*

Carolus M. Ludovicus Pius,
Lotharius I. Ludovicus II.
Carolus Calvus, Ludovicus
Balbus, Carolus Crassus, Ar-
nulpus, Ludovicus IV. Cun-
radus Dux Franconia.

Vel ex Saxonibus, ut;

Henricus Auceps, Otto M.
Otto II. Otto III. Henri-
cus II.

Ex Franconibus & Saxonibus, ut

Cunradus Salicus, Henricus
Niger, Henricus IV. Henri-
cus V. Lotharius Saxo.

Vel ex Suevis & Braunsvicensib.

Cunradus III. Fridericus
BARBAROSSA, Henricus VI.
Otto Henrici VI F. Frideri-
cus II. Cunradus IV.

Vel ex diversis familiis, ubi

Henricus Thuringia Land-
gravius, V Vilhelmus Hollan-
dia

Dispositio Opusculi.

diæ Comes , Richardus Comes Cornubiæ.

Imperatores post interregnum vel fuere ex Austriacis & alii mixtim. & huc pertinent :

Rudolphus Habfburgicus, Adolphus Nassovius, Albertus Austriacus, Henricus Lucelburgicus, Ludovius Bavarus, Carolus I V. Venceslaus F. Rupertus Palatinus, Jodocus Marchio Moraviæ, Sigismundus Caroli I V. F.

Vel ex solis Austriacis ; & huc spectant

Albertus Austriacus junior, Fridericus III.

Maximilianus I. F.

Carolus V.

Ferdinandus I.

Maximilianus II.

Rudolphus II.

Mathias.

Ferdinandus II.

SCELETI
HISTORIÆ
VNIVERSALIS

PARS I.

De rebus ante Monarchias
proprie sic dictas gestis.

LIBER I.

*De rebus Antedilu-
vianis.*



HISTORIA UNI-
versalis explicat
res vel ante Mo-
narchias, vel sub
Monarchiis ad
hæc usque tem-
pora gestas.

Illa vero in Antediluvianas
& Postdiluvianas commode di-
spescuntur.

A

Vt

Vt ergo nobis duæ hujus Scæleti historici exsurgunt partes: sic duo primæ partis libri, quorum unus Antediluviana; alter Postdiluviana negotia exponet. Sed & in primo libro duæ rerum classes occurrunt. Nam quæ ante Noachum acta sunt, necessàrio ab illis, quæ sub eo accidere, distingui debebunt.

Sit itaque

C L A S S I S I.

De rebus ante Noachum gestis.

[Ab A. M. primo ad ann. 1056.]

IN principio creata sunt à Deo omnia, ultimo *Adamus* innocentia & justitiâ insignis, cui *Eva* tanquam auxilium adjuncta. Sed hæc à serpente ad pomi vetiti esum in paradyso inducta, origo mox calamitatum

Antediluviana. 3

tum facta est, sensuque eas Adamus etiam in *Caini* homicidio, quod exilium & continuus corporis tremor insecutus est & *Abeli* morte. Ideo *Sethi* educatione sistere ruentem in vitia naturam coactus est, nec infelici successu. *Sethus* enim vir pius *Enoch* filio nato scholam instituit, mathematicas artes invenit & ad posteritatem propagavit. *Enochus* vita soli Deo probata in cœlum translatus est. *Lamechus* Cainita interim polygamiam induxit, cæteri *Sethi* posteritatem ita corrumpere, ut conjugia confunderent, Cyclopicam vitam agerent, nec ad frugem se reduci paterentur.

Agypto dicuntur tum praefuisse Semidei ut *Manetho* ait. *Berosus* in *Chaldaea* semihomines & semipisces Reges fuisse scribit.

4 *Historia Rerum*

CLASSIS II.

De Noacho.

[Ad ann. 1660.]

Noachus præco justitiæ per
centum viginti annos ex-
stitit; cum vero pœniten-
tiam agere nollent, arcam jussu
Dei extruxit. De illa hi sunt
versiculi:

*Ter denis alta cubitis, & longa
tricenis*

*Et decies quinis lata, sit ar-
ca Noa.*

*Sex vicibus longum latum
transcendit, & altum*

*Denis, humani corporis in-
star habens.*

In hac Noa cum filiis & ani-
malibus durante diluvio (dura-
vit autem integrum annum so-
larem) habitavit. Pluebat au-
tem per dies *quadraginta*, &
montes editissimos *xv cubitis*
aquæ superabant.

ante ingres. in Ægypt. 5

L I B E R II.

De reb. post. Diluv. gestis.

HÆc sunt Antediluviana prolixius in *Genesi* exposita. *Res Postdiluviana* vel sunt illorum, qui *ante ingressum in Palestinam & Iudicum regimen vixere, vel Iudicum, vel Regum.* Tres itaque Classes hic exoriuntur.

C L A S S I S I.

De rebus ante Iudices gestis.

C A P V T I.

*De rebus ante ingressum Is-
raëlitarum in Ægyptum.*

[Ad ann. 2260.]

TEmpus illud ante Iudices, vel antecessit *Israëlitarum in Ægyptum ingressum, vel secutum est.* Ad illud 1. posteritas Noachi. 2. Initia imperii

6 *Historia Rerum*

Assyriaci. 3. Abrahami. 4. Isaaci. 5. Iacobi historia pertinent.

I. Quod concernit *posteror* Noachi, hic ex arca egressus signum Iridis de orbe, diluvio non delendo à Deo, qui etiam conjugio benedixit, politiamque instituit, accepit; plantare vineam docuit. *Semo* jus primitivum populi Dei cum imperio, *Iapheto*, derivativum donavit, *Chamum* & *Kenaanum* præterit. Ipsi *Babyloniam* turrin frustra struxere: Dispersi enim, cum jam octavam turrin superponerent, diversitate linguarum injecta, variis nationibus ortum & nomina dedere. Ab *Elamo* sunt *Persæ*, *Assure Assyrii*, *Aramo Syri*, *Ludo Lydi*, *Mitzraimo*, *Aegyptii*, *Ascenazo Celtae*, *Kenaano Palestini*, *Riphato Russi*, *Togarma Sarmatae*, *Thiraso Thraci*, *Mesecho Moschi*. *Babylonios* post *Nimrodus* ex
Ara-

ante ingres. in Ægypt.

Arabia invasit, nec sine causa.
Serug enim *Pelegi* ex Rege ne-
pos idololatriæ auctor dicitur.

II. IMPERIVM ASSY-
RIORVM à *Belo* cœpit, qui cu-
jas fuerit ignoratur. *Ninus* ejus
filium cum *Bactrianis* bis bel-
lum gessit, *Niniven* urbem
c c c v i. stadiorum condidit.
Semiramidi uxori ab avibus e-
ducata regnum reliquit.

Sub eis

In Ægypto *Menes* *Tinites*
mensas ac lectos adornare, pre-
tiosisque stragulis uti docuit.
Atothis filius in urbe *Memphi*
regiam condidit. In *Peloponne-*
so *Sycionium* regnum, quod
D c c c l i i. annos duravit, ere-
ctum est.

III. ABRAHAMVS Semi-
gentilis ex *Ure* *Chaldæorum*
cum uxore *Sara* & *Lotho* jussu
Dei exit, terra *Canaan* ipsi pro-

A 4 mit-

8 *Historia Rerum*

mittitur, circumcisionem accipit, *Isaacum* filium in senecta sibi natum immolare jubetur, quatuor Reges vincit & *Lothum* liberat.

Ejus tempore

Sodoma cum aliis quibusdam urbibus igne calitus delapso deletur. In *Assyria* *Semiramis* *Babylonem* rebellantem expugnat, expugnatam exornat, *Baltros* vincit, concubitum filii expetit, *versipelle* sepulchrum sibi exstruit. *Ninias* vero optimo tibi quotannis novum militem provinciis imperat. In *Aegypto* *Pharaones* sunt, & *Hermes* multorum librorum auctor. In *Asia* regnum *Cretense* erigitur. In *Europa* *Calidnus* regiam potestatem exercet. In *Peloponneso* regni *Argivorum* fundamenta ponuntur.

IV. *ISAACVS* *Rebeccam* *Consobrinam* vivo patre ducit,
Ge-

ante ingres. in Ægypt. 9

Gerari de illa periclitatur, *E-*
sau filii levitate (primogenitu-
ræ enim jus sumto pulmento
abligurivit) turbatur.

Sub eo

Ismaël relictis duodecim prin-
cipibus, qui post in desertis Ara-
bia habitant, moritur. In Ægy-
pto in bucolis pastores sibi reges
creant, ab Amoside pactu permo-
ti secedunt, & Jerosolyma ex-
truunt. In Peloponneso Phoro-
neus primus homines in jus Civi-
litatis vocat.

V. J A C O B V S obtenta à
patre benedictione minis fra-
tris territus in Mesopotamiam
concedit, ibi ex Lea Rubenem,
Simonem, Levi, Iudam; ex Ra-
chele Iosephum & Benjaminem:
ex ancillis Gadum, Ascherem,
Danem, & Naphthali suscipit,
à Iosepho, qui à fratribus ven-
ditus, ex captivo Dominus

10 *Historia Rerum*

Ægypti factus erat, in Ægyptum vocatur, ibi filios Iosephi adoptat, ante mortem *Schilonem* Judæ promittit.

Eo vivente

In Ægypto *fuere septem anni famis*, quibus Iosephi apparuit prudentia: homicidium in Iunonis cultu abrogatum est. In Attica fuit diluvium Ogygis. In Peloponneso Sparta à Sparto *Amyclantis filio* conditur.

C A P V T II.

De rebus ab ingressu in Ægyptum ad Iudices gestis.

[Ad ann. 2492.]

HÆc ante ingressum gesta sunt: tempus ab ingressu historiam 1. *Iosephi*, 2. *Cahati*, 3. *Amrami*, 4. *Mosis*, continet.

I. JOSEPHVS patrem mortuum
tuum

in Ægypto gestar. I I

tuum in terram promissam transfert: fratribus veniam admissæ culpæ petentibus, fraterno animo condonat, & suum cadaver in terram promissam etiam transferri jubet.

Tum temporis

Erigit Argivis Criasus in honorem Iunonis columnam acuminatam, & sacerdotium feminis mandat.

II. САНАТО vivente multiplicati sunt Israëlitæ. Nam Ephraimus octo suorum generationes vidit, intra illud ætatis tempus, quo adhuc liberis operam dare poterat. Sed gratia Regum Ægyptiorum cœpit labascere.

Tum vero

In Ægypto Orus statuam lapideam vocalem crexit. In Æthiopia regnum constitutum est, sede

12 *Historia Rerum*

sede primo in Axuma post in Scæva posita. In Græcia Atlas Astronomiam excolit, Prometheus discretionem temporum & ædificiorum docet. In Thesalia regnum ab Hæmone erigitur.

I I I. A M R A M O peregrinanti nati sunt *Aaron & Moses*. Sed hic exponitur in fiscella scirpea : à *Pharaonis* filia pro filio suscipitur & educatur. Vna tribus tum intra ducentos annos xv. generationes vidit.

Tum etiam

In Ægypto masculi infantes Hebræi in nixu suffocari jubentur. Sed frustra. In Attica regnum inicit Cecrops, Athenas condit, illas in nobiles, agricolas & opifices distribuit. Triopæ Argivi Regis filius Phorbas Rhodum occupat, & serpentibus purgat.

I V. M O S E S occiso Ægyptio

in Ægypto gestar. 13

ptio & eade prodita fugit; in terra Midian per annos 40. ducta Zippora philosophatur; multis plagis exhausta Ægypto, (infestarunt autem eam

*Sanguis, rana, culex, musca,
mala pestis & ulcus,
Grando, locusta, dies nubila,
prada, neces.)*

filios Israëlitarum spoliis Ægyptiorum onustos educit, pascha primum celebrat, quadraginta annis in deserto cum populo moratur, inibi leges varias fert, tabernaculum & arcam fœderis extruit, Sacerdotium & Pontificatum Aaroni confirmat, Chiliarchas & Centuriones suadente Jethrone instituit, Amalekitas & aliquot Reges vincit, Gileadem Rubenitis & Gaditis dat, à Deo in monte sepelitur.

Eo peregrinante

Mergitur in rubro mari, qui
 abeuntes persecutus est Rameles,
 Ægyptiorum Rex. Sethos ve-
 ro Amenophi successor, Cy-
 prum & Phœniciam devincit.
 Ab eo Ægyptus demum dici cœ-
 pit, cum primò Aëria diceretur.
 In Græcia diluvium Deucalio-
 nis est circa Parnassum. Argis
 cessit regno, jus suum speciosè
 producenti Danao fratri Setho-
 sis, Gelanor. Apud eosdem Tro-
 chilus currum invenit. Athe-
 nis Cranaum socerum Amphi-
 ction ejicit. regno occupato
 Amphyctionum Senatum insti-
 tuit. Ab Erichtonio decimo re-
 gnì anno ejicitur. Hic primus
 quadrigas in Græcia junxit. In
 Atolia discit cultum vineæ Oe-
 neus. Regnum Phrygiæ pervenit
 cum Chryse, cui dotalitii loco
 Palla-

*Palladium erat, ad Dardanum
Samoethracia Regem.*

CLASSIS II.

*De rebus sub Iudicibus
gestis.*

CAPVT I.

*De septem prioribus Iu-
dicibus.*

[Ad ann. 2736.]

Sic fuit historia temporum Iu-
dices antecedentium. Histo-
ria Judicum in duo distin-
guitur capita. Vel enim est *Iu-
dicum priorum septem & eorun-
dem contemporaneorum*, vel po-
steriorum totidem. Septem prio-
res Iudices sunt. 1. *Iosua*. 2. *Oth-
niel*. 3. *Ehud*. 4. *Debora*. 5. *Gi-
deon*. 6. *Abimelech*. 7. *Thola*.

I. **JOSVA** Mosis successor
in Palæstinam cum populo in-
gre-

Matt.
1, 5.
greditur, Hierichunte expugna-
ta, Rahab, quam Salmon ab-
avus Davidis postea duxit, par-
cit; Gibeonitis, fidem, levi pœna
imposita, servat, terram distri-
buit, Levitis XLVIII. civitates
assignat, Jerosolyma capit. Is-
raëlitaë vero maximam partem
pacem cum Cananæis, Juda
excepto, faciunt.

Hoc tempore

*Occidere quadraginta novem
Ægypti filios sponso, totidem
filie Danaï fratris ejus, sponsa,
Hyperminestra suum servavit. In
Peloponneso reddit Danaus Ar-
gos humidum & sæcundum. In
Phœnicia condita est Tyrus ab A-
genore Cadmi Patre. In Suecia
fuit Ericus xiv Rex, qui primus
exercitum in transmarinas oras
edaxit. Islandiam Gigantes pos-
sedere referente Arugrimo. Extre-
mam Africæ partem Cananæi.*

II. OTHANIEL, antequam eligeretur Judex, seniorum consilio recta est Respublica, corrumpentur Israëlitaë, sub servitutem à Chusane Syriæ Rege erant redacti. Electus vincit cum.

Hoc temporis spacio

In Ægypto regnat Rhabaces, Argis Lynceus. Athenis Pandion, cujus filia Philomela à Thereo rege Thraciæ & per Prognem genero violatur. In Bœotia occidit Draconem Regem Cadmus, frater verò ejus Phoenix instruit Bythiniam urbibus. Erichtonii frater Dardani filius, Zacynthum condit, nec potest persuaderi bellum minus periculi quam emolumentum habere.

III. EHUD Eglonem Moabitaram principem clanculum interficit, elapsus auxilio Ephraimitarum pristinam liber-

B tatem

tatem reducit. Hi verò cum Danitis idololatriam Michæ prosequuntur. Benjaminitæ verò ferè exciduntur, *Samgarus* trecentos latrones prosternit. Ruth Obedum Davidis avum parit.

Eo judicante

Argis filia Præti vaccas se esse credunt, à Melampode sanantur. Perseus ex Danaë natus Acrisium avum occidit. Ideo regno illo derelicto, Mycenum condit. In Phrygiâ Troja à Troë conditur, ab Ilo Tantalii expulso amplificatur. Athenis immolat filiam suam in bello contra Eumolpum Thracem Erechtius & victoriâ potitur. Pelops Tantalii filius, Niobes πολυτεκνία clara frater Hippodamiam Oenomao astu victo, ducit, ludos Olympicos (Isthmici paulo ante instituti erant) instituit. Phemonoa

Pro-

Prophetissa prima Hexametros Delphis fundit : In Italia regnum Latinorum erigitur & Ianiculum conditur.

IV. DEBORA Israëlitis à Jabino pressis prophetissam agit, Baracum vindicem vocat. Hic Sisaram Jabini ducem se obsidentem, & de divisione prædæ cogitantem, fundit : Jael vero in tentorium receptum, interficit.

Interim

Apud Assyrios imperat diminuto regno Panyas. Arcades à Pelope afflicti in Italiam navigant, & Latium condunt. Mycenæ Perseo Tharsi, Iconii, & scholæ in Helicone conditore, gaudent. Ejus filia prima secundas nuptias contrahit. Athenis valedicit Pandion Megarensis postea Rex, regno Eupalamo Mentionidæ relicto. Trojæ Laomedon

don *arci thesauros Neptuni & Apollinis impendit. Midas floret.*

V. G I D E O N Midianitis Israëlitas vexantibus, vindex horum ab Angelo constituitur, aram Baalis evertit, c c c militibus instructus, ita hostes perterret, ut c x x x v millia mutuis vulneribus concidant, Regalem dignitatem oblatam respuit, monumentum infallum ex præda erigit.

Ejus diebus

In Aegypto incipit xx Dynastia, in qua x i i Reges per annos c x x v regnarunt. Athenis removet servitutem Cretensem à civium cervicibus Theseus, civitatemque in patricos, agricolas & opifices distribuit. Thebis occidit patrem, ducit matrem per ignorantiam Oedipus. Mycenis Hercules Amphi-

phitruonis filius, duodecim periculis exponitur, semper saluus redit.

V. I. ABIMEL ECHVS omnes suos fratres ex legitimo conjugio natos (erant autem LXX.) Iothamo excepto interfecit ipse spurius, Sichemitas evertit, ad oppidulum Thebe à muliere occiditur.

Ejus temporibus

Expeditio Argonautica duce Jasone instituitur. Hercules in Hispania, Italia & Gallia fortitudinis suae monumenta relinquit. In Lemno uxores maritos suavis Hypsipiles interficiunt. Amazons, quae ex Cappadocia prodiisse dicuntur, Priamo bellum inferunt.

VII. THOLA totos XXXIII, quibus praefuit, annos, pacem continuo servavit.

Sub ejus præfectura

Tollit in Colchide vellus aureum seu pellem arietis auream Jason, & Medeam, quæ ipsi post miseriarum origo, ducit. Thyestes & Atreus Pelopidæ, Thyesteam cœnam celebrant. Thebes Eteocles, quod fratrem Polynicen secum ex pacto alternis regnantem ejecisset, bello à septem principibus sibi & fratri funesto petitur, Laodamæ regnum reliquit. In Italia est Latinus.

CAPVT II.

De reliquis septem Iudicibus.

[Ad ann. 2873.]

HActenus priores septem Iudices fuere: sequuntur posteriores, nimirum 1.

Iair. 2. Iephtha. 3. Abeslan. 4. Eton. 5. Abdon. 6. Eli. 7. Samuel.

I. JAIR,

I. J A I R, per annos octodecim pacem continuavit: sed quia Israëlitarum pietatem non continuavere, Ammonitis sunt traditi vexandi.

Interim

Minos Dædali (*qui in rudibus statuis membra primus distinxit, & inter pedes unum extra alterius lineam promovit, ita ut gradum meditari viderentur*) persecutor in Sicilia fraude filiarum Cocali Regis interficitur. Hercules ex Omphala filius Laomedon fit stirps Heraclidarum, qui Sardibus post Atyadas imperare, Agelaos Mermnadarum, qui post Heraclidas. Bellum Trojanum ob raptam à Paride Helenam suscipitur.

II. J E P H T A nothus ex latrone fit Dux, Deo volente, victoriam præclaram ab hostibus reportat: voto obstrictus uni-

cam filiam Deo consecrat, Ephraimitarum XL M occidit.

Eo judicante

Trojanum bellum excidio urbis terminatur, postquam durasset decennium. Perierunt in eo ex Trojanis 67 6000. Ex Græcis 88 6000. Æneas in Italiam venit, & per Ascanium, filium imperium omnium durabilissimum fundat. Antenor Patavium condit. In Asia exstructa in Cypro Salamis à Teucro. In Græcia occiso Agamemnone, occiditur cum adultero ab Oreste filio mater. Athenis Demophoon Palladium Phræattium, Ephe-tasque instituit.

III. ABESAN, VII annos præfuit.

IV. ELON, IO judicavit.

V. ABDON, octo: nulla re noti, nisi primus & ultimus numerosa prole.

Sub

Sub iis

Mycenis adjicit suo regno Orestes Laonicum. Hyllus Hercules filius reditum in Peloponnesum tentans, duello victus, ex pacto recedit. In Italia conditur ab Ascanio Alba. Eodem se ex Lydia Tyrrenus Lydi frater, ex Peloponneso Hilleus Falliscorum pater conferunt.

VI. ELI Levita Samuelem benè educat, Simsone Philistinos miserè affligente gaudet: Arcam fœderis in bello contra eosdem cum petulantibus filiis amittit. Prophetiæ sub eo rarescunt.

Interim

In Aegypto regnant Tanitæ. In Græcia Sicionium regnum ad Sacerdotes Karnæos devenit. Heraclidæ à regulo Eliaco prudenter in Peloponnesum reducun-

tur : Euryſtenidæ & Proclidæ Spartæ Temenus auctor regum Macedonia à Carano Argis, Crephontes Meſſenæ, Alethes Corinthi, regnare incipiunt; Athenis imperavit Melanthius Meſſenius, Xanthi Bæotii in duello victor, & Ionum hoſpes.

VII. SAMUEL, ad munus propheticum anno duodecimo vocatur, Judex Politiam & Eccleſiam reſtituit; diſſipationem Philiſtinorum à Deo impetrat; Sacerdotum ordinem ex idololatria Ephraimitica confuſum, reſtituit; Regem Saulem petentibus Iſraëlitis creat.

Interea

Sycionium regnum, cum cæteris Peloponneſiacis coaleſcit. Athenis Codrus in bello contra Dorienses pro patriæ victoriâ ſe devovet, Zoroaſter Magus floret.

CLASSIS III.

De Regibus Israëliticis.

CAPVT I.

De Regibus ante secessionem decem tribuum.

[Ad ann. 1989.]

HÆc de Judicibus. Reges
vel sunt ante secessionem
decem tribuum à Iuda, vel
post secessionem.

Ante illam tres fuere. 1. *Saul.*
2. *David.* 3. *Salomon.*

I. **S A V L** primus Rex principio regni vincendo & ignoscendo benè se gerit, sed post absque Samuele sacrificat, Amalecitis contra Dei mandatum parcat, Davidem in regem electum pertinaciter persequitur, cum *Ionathane* filio occiditur, *Ischbosethus* clam trucidatur.

Eo regnante

Gileaditæ exactis Hagarenis illam Arabia partem occupant. Agis Spartanus ex Eleis victis Helotas facit, Myniarum uxores maritos ex carcere educunt. Athenis primus perpetuus Archon fit Medon, Nileus frater ejus Ionice migrationis fit auctor.

II. DAVID, à Juda primò, mox suasu Abneri à toto Israële recipitur, aulam cum arca Hierosolymam transfert. Philistinos, Moabitas & Ammonitas atterit: Syriam, Damascum & Idumæam tributarias sibi facit, ab Absolone filio pulsus, occiso restituitur, bis milleseptingentas milliones ad structuram templi reponit.

Eo imperante

In Ægypto cœperunt regnare Bubastitæ. In Dania Danus filius

lius Humbli, Dominus Iuttorum factus cum iisdem Fioniam, Scania, ac omnes Insulas sibi subjugat, & postmodum communi decreto regnum suum Daniam, incolas Danos appellat.

III. SALOMON turbones, qui patrem exagitaverunt, male habet, sapientiam summam à Deo impetrat, eandem in iudicio ostendit, templum stupendi operis cum arce exstruit, in *Orientelem Indiam* classem mittit, proventum ultro 7992000. Ungaricorum exceptis vestigalibus & Arabum donariis habet, à regina Sabæ visitatur, ad idololatriam deflectit, sed scriptis quibusdam pœnitentiam agit.

Ejus & VO

Tyrri Naucleri coloniam in Insulam Hispaniam Gades dictam deducit.

deduxerunt. Spartæ Labotas Agida cum Argivis bellum gessit. Ex Proclidis Euronus domi à Ianio interfectus est.

CAPVT II.

De regibus Iudæ post secessionem.

MEMBRVM I.

De Regibus Iudæ ante finem regni Israëlitici.

[Ad ann. 3251.]

Dixi de Regibus Israëliticis ante secessionem decem tribuum. Qui post fuere, Judæ tantum & Benjaminis tribui imperabant. Erant autem vel ante deportationem decem tribuum, & finem regni Israëlitici, vel post. Ante deportationem numerantur undecim. 1. Rehabeamus. 2. Abiamus. 3. Assa. 4. Io-

4. Iosaphat. 5. Ioram. 6. Ioasus.
7. Amasias. 8. Vsias Azarias.
9. Iothamus. 10. Achasus. 11. E-
zechias.

I. R E H A B E A M V S, dum
arctius se populum habiturum,
quam pater profiteretur, decem
tribus à se abalienat. *Iudam &*
Benjaminem vix retinet, religio-
ne mutata à *Sesaco* Aegyptio ob-
sidentur, & illi se sub fide dedit.
Tribus decem *Ieroboamum* sibi
præficiunt, qui sedem *Thersæ*
statuit, *duos aureos vitulos* *Be-*
thele & Dane nempe consti-
tuit.

II. A B I A M V S, fratribus
nata majoribus portiones suf-
ficientes assignat: ab *Jeroboa-*
mo interclusus ad preces confu-
git, eodem relicto *Bethele* po-
titur.

III. A S S A, publicum Dei
cultum edictis sancit, victoriam
contra *Zaram* *Ethiopum* Re-
gem

gem in exercitu decies centena millia militum habentem, precibus à Deo impetrat, Ramam à *Baëso* post Nadabum in Israële Regem extructam, destruit, à pietate ultimis diebus defleat.

Interim

In Israële Ella filius Baësa voluptarius à Simrio occiditur: hic ab Amrio obsessus se cremat. Amrius successor Samariam condit. Jericho reedificatur. Corinthi occupat Dynastiam Bacchis Heraclida, nominis Bacchidarum auctor.

IV. JOSAPHATVS cultum Dei primo restituit, post societate cum *Achabo*, & *Ahasia* filio ejus Regibus Israëliitarum inita, in bello contra Syros sauciatur, in mari classem amittit, extra consortium felix. *Ioram* tamen *Ahasia* fi-

līi statuae Baalis, quam Iesabel avia posuerat, everforis, melior erat amicitia:

Sub eo

Fugit Dido Pygmalionis soror ad Hiarbam, à quo locum, quantus bovis corio tegi posset, punica fide emit. In Ægypto recuperant dignitatem ductu Petubastæ Tanitæ. In Syria fuit Naaman. Elias & Elisæus florent.

V. JORAMVS regnum ab interneccione fratrum inchoat suasu uxoris Attaliæ; castra, regia, uxores, & magna stirpis pars ab Arabibus ipsi eripiuntur. Post ejus mortem Ahasiæ filius *Ioramus* Israëlitarum Rex cum quadraginta ducibus agnatis à *Iehu* ab Elisæo inuncto occiditur. *Iesabel* etiam *Nabotho* morte parentat. Baalitarum fanum in publicam latrinam mutatur.

Tum

In Assyria tractat lanam æcolum in Gynecæo Sardanapalus, Anchialen & Tarsum in Cilicia uno die condit.

VI. JOASVS vivo Iojada omnia recte curat, mortuo defleat, ab Hasæle Syro vexatur, templum donariis exhaurit, ab eodem ita Joasus Israëliticus agitatur, ut vix decem millia in bellum educere possit.

Sub eodem

In Assyria in Sardanapalum detecta ejus vita consurgitur, primo victor, post obsessus cremat se. Diviso regno Arbaces Mediam, Belochus Assyriam occupat. Sparta migrat ob invidiam Lycurgus Charilai tutor.

VII. AMASIAS Amalecitas & Idumæos domestico tantum milite stipatus, vincit. Dum
Deos

Deos ipsorum colit à *Joaso* Israëlitico captus, *Jerosolymam* tradit, exosus à suis occiditur.

Eo imperante

In Syria *Benhadadus* ter à *Joaso* vincitur, à *Jeroboamo* *Damascus* ipsius regia capitur. *In Aegypto* *xxiii.* *Dynastia* *finita* incipit regnare *Bochoris* *Saites*. *In Macedonia* *Caranus* à *Temeno* ortus desertis ob accisam suorum potestatem *Argis* regni jacet fundamenta. *Spartæ* leges à *Lycurgo* egregia feruntur.

VIII. *USIAS* *AZARIAS*, numero *Prophetarum* claret, infulis ornatus, & templum ingressus dum sacerdotis munia vult obire, leprâ percutitur.

Interea

In Israële *Sallumus* *Zacharia* occisor à *Menahemo* interficitur. *Hic* contra *Tappenses* ita

furit, ut pragnantes ipsorum dis-
secet. A Phule Assyrio vexatur.
In Ægypto Bochoris vivus à
Sabacone crematur. In Media
est Sosarmus. In Lydia Ardisus
Heraclidarum x i x. In Græcia
Olympici ludi revocantur, &
Epocha Olympiadum constitui-
tur. Hesiodus floret.

I X. J O T H A M V S splen-
 dorem templi magno sumptu
 auget, ab Ammonitis mille ta-
 lenta argenti, deciesque mille
 coros tritici & hordei tributi
 loco accipit.

Ejus temporibus

Occidit in Israële Pecabus Pe-
cajam Menahemi successorem. In
Ægypto est Sevechus & post eum
Tarachus. Spartæ Ephori regum
inspectores constituuntur. Athe-
nis ex perpetuis Archontibus
fiunt decennales. Roma à Romu-
lo & Remo conditur, in tribus
ple-

plebeji & patricii dividuntur.
Babylonica Dynastia à Nabonossare fundatur.

X. ACHASVS Jerosolymis à Pecaho & Rezine Syro obsidetur, centum viginti millia militum perdit, altare Damascenum in templum inducere conatur: Filii per ignem à Judæis transmittuntur.

Interim

In Israële Hosea Pecahum occidit, Tiglathphulasser Assyrius Damascum capit, tribum Nephthali in Assyriam abducit. Salmanasser successor ab Hosea pensionem annuam exprimit. In Ægypto redit imperium ad Saitas. In Peloponneso inter Lacedæmonios & Messenios bellum viginti annorum oritur. In Siciliam ex Græcia colonia deducuntur.

XI. EZECHIAS serpentem æneum confringit, ex Se-

nacheribi ad Hierosolymam sedentis exercitu, Angeli auxilio centum quadraginta millia prosternit, retrocessione Solis de sanitate confirmatur.

Io regnante

Salmanasser Samariam expugnat, & populum in Assyriam deportat, finem regno Israëlitico imponit. In Ægypto afficitur Sethos clade à Sennacheribo Salmanassaris filio. Mardokempadus Babylonius Astaraddonem Sennacheribi successorem regno spoliat. Apud Lydos devenit regnum ad Gygem Mermnadam per Candaulis uxorem, quæ cum tunica pudicitiam deposuit. Apud Medos labente potentia, fit ex privato iudice Rex, Dejoces Ecbatanz conditor, qui turpe esse subditis in presentia Regis sui screare aut ridere dixit. Romæ Numa Pompilius urbem Martiam

tiam sacris ceremoniisque adstringit.

MEMBRUM II.

*De Regibus Iudæorum post
deportationem.*

[Ad ann. 3360.]

Reges Iudæorum post deportationem sunt septem.

1. *Manasses.* 2. *Ammon.*
3. *Iosias.* 4. *Ioachasus.* 5. *Iojakim.*
6. *Iechonias.* 7. *Zedekias.*

I. **MANASSES** toti cælorum exercitui in templo Hierosolymitano altaria crexit, filium suum per ignem traducit, ab Assyriis captus Babylone, sub *Assaradin* & *Sarducino* incarceratur, inter catenas pœnitentiam agit, & reducitur.

Ejus ævo

*In Ægypto XII Reges duodecim
æqualibus partibus præficiuntur,*

sed redeunt tandem omnes ad Psammetichum Saitam qui galea sacrificavit. Athenis propter molitiam Archontum mutatur Aristocratiæ in Democratiam. Messenii in secundum bellum cum Lacedæmoniis incidunt, vicli Messanam in Sicilia occupant. Dux ipsorum in illo bello erat Aristomenes. Romæ post Numam Hostilius regnat, & Alba populum transfert. Corinthi Tyrannidem occupat Cypselus, & multos pel- lit, inter quos Demaratus Lucomonis Tarquinii parens.

II. AMMON ob crudelitatem trucidatur.

libri moſta. III. JOSIAS invento Pentateuchi libro opera Jeremiæ cultum Dei quantum potest restituit; aramque Bethelc olim constructam diruit.

Sub iis

Cyaxares Medus Assyrios
vin-

Regum Israël. 41

vincit, *Scythas* in aulam recipit. Neco *Aegyptius* *Iosiam* transitum sibi prohibentem contra *Nobopalaßarem* *Babylonium*, interficit. Romam *Ancus* munit. *Corintheta* *Periauder* *Arioni* musico favet, & *Thrasibuli* consilium exquirit. Athenis *Draco* minimis delictis capitale supplicium decernit.

IV. *JOAHASVS* captivus à *Necaone* in *Agyptum* mittitur.

V. *JOJAKIMVS* denegat promissa *Nebucadnezari* tributa, captus, supplicio afficitur.

Interim

Necaonem *Aegyptium* *Nebucadnezar* ad *Euphratem* fundit, *Danielem* & ter mille viros principes *Babylonem* transfert. *Cyaxares* & *Halyattes* *Scythas* totali excidio delent. Romæ *Tarquinius* *Corinthius* regnat.

VI. J E C H O N I A S Babylo-
nem, postquam trimestre præ-
fuisset, deportatur.

VII. Z E D E K I A S cum *A-
prie* Ægyptio contra Nebucad-
nezarem conspirat, captus ocu-
lis privatur. Hierosolyma suc-
cenduntur, & finis regno Judai-
co imponitur.

Interea

Athenis Solon *leges egregias
fert, opera Anacharsidis Scytha
usus. Babylone statuam. In Italia
conditur Mediolanum. somniis
Nebucadnezar videt. à Bellove-
lo Ambigati filio.*

SCELETI
HISTORIÆ
VNIVERSALIS
PARS II.

De rebus Monarchicis.



ÆC in rebus
Antemonarchi-
cis occurrebant.
Monarchicæ sub
quatuor Monar-
chiis *Babylonica*

nempe, Persica, Macedonica & Romana gestæ sunt. Monarchia
Babylonica vel fuit sub *Nebu-
cadnezare & ejus posteris*; vel
sub aliis. Dux itaque hic classes
exsurgunt.

CLAS-

CLASSIS I.

De Nebucadnezare &
ejus posteris.

[Ad ann. 3391.]

S Vb hac classe occurrit Histo-
ria Nebucadnezaris, Evilme-
rodachi, & Belzazaris.

I. NEBUCADNEZAR ex-
ciso regno Judaico ad Herculis
columnas pervenit, Babylonem
exornat, mania ob superbiam
corripitur.

Tum temporis

*In Ægypto strangulat Amasis
Apriem superbum & Cyprum
occupat. In Media somniat Ca-
xares de prolis filia sua potentia.
Corinchi desinit Cypselidarum
tyrannis. Athenis invadit astute
tyrannidem Pisistratus & mode-
ratè eam gerit. Romæ adipiscitur
dolo regnum Servius. In Sicilia
fuit*

furit Phallaris, Ecclesiæ reliquiæ ex Judæa transferuntur.

II. *EVILMERODACH*, ob facilitatem contemnitur, ab Affine occiditur.

III. *BELZAZAR* ejusdem ex sorore Nitocride nepos lascivit, ex prædictione manus in pariete scribentis opprimitur.

Interim

Cyrus Astyagem avum regno ejicit. Pythagoras Samius apud Crotoniatis pauciores sexcentis auditores nunquam habet.

Ecclesia profanatione vasorum templi ignominia à Belzazare afficitur.

CLASSIS II.

De rebus ab aliis gestis.

[Ad ann. 3411.]

Post Belzazarem unicus fuit in Babylonica Monarchia

Da-

Darius Medus. Hic verò singulis provinciis Satrapas & tres Eparchos præficit, à Cyro vincitur, & Germaniæ præficitur.

Tum etiam

Vincitur à Cyro in Lydia Cræsus. Phocenses in Gallia Massiliam, in Italia Rhegium condunt. Ecclesia, dum Danieli favetur, sat bene habet.

L I B E R I I.

De Monarchia Persica.

Primæ Monarchiæ finis principium erat secundæ. Hæc vero Persica à conditoris dicitur natione. Cum vero reges ejus fuerint vel *ex familiis illustribus, vel ex obscurioribus:* Ideo etiam in duas Classes dividenda erit.

CLASSIS I.

De regibus ex familiis illustribus.

CAPVT I.

De regibus ex familia Cyri.

[Ad ann. 3429.]

FAMILIAE illustres fuere vel Cyri vel Darii Hystaspidis. Ex illa fuit ipse Cyrus cum Cambyse.

I. CYRVS devicto Dario Lydos rebellantes mollibus artibus assuefacit, quidquid terrarum inter Indiam & Nilum, inter Oceanum & mare Caspium fuit, subjicit, in expeditione contra Tomirin occiditur.

Eo regnante

*In Aegypto Amasis regionem
ita exornat, ut viginti quinque
mil-*

millibus urbium superbierit. Romæ occiso Servio rapit regnum Tarquinius Superbus. Quantum ad Ecclesiam, solvitur captivitas, sumptus ad ædificationem templi à Cyro promittuntur, sed mox ædificatio per Samaritanos inhibetur.

II. CAMBYSES Psammenitum Ægypti regem deditione capit, exercitum in Æthiopas & Ammonios educum maxima parte amittit, crudelitatem in Ægyptios, sororem suam, fratrem & Prexaspis filium exercet.

Eo vivente

Conciliat sibi Athenis affectu impuro mortem, fratri exilium Hipparchus, Polycrates Samiorum tyrannus in crucem agitur. Romæ exercet omne crudelitatis genus Tarquinius.

Ecclesia antiquatione decreti

creti à Cyro de ædificatione facti, premitur.

CAPVT II.

De Regibus ex familia
Hystaspidis.

[Ad ann. 3614.]

REges ex familia Cyri fue-
re : sequuntur illi, qui ex
familia Hystaspidis. Sunt
autem nominatim, 1. *Darius*.
2. *Xerxes*. 3. *Artaxerxes Longi-*
manus. 4. *Xerxes II*. 5. *Sogdia-*
nus. 6. *Darius Nothus*. 7. *Arta-*
xerxes Mnemon. 8. *Artaxerxes*
Ochus. & 9. *Arses*.

I. **DARIUS**, occisis qui re-
gnum post Cambysen invase-
rant, Magis, equi hinnitu sce-
ptrum adipiscitur, Babylonem
rebellantem per *Zopyrum* expu-
gnat, à Scythis ludibrio cum
suo exercitu habetur. *Paonas* per

D · Me-

Megabysum in *Asiam* traducit. *Iones* rebelles persequitur, ab *Atheniensibus* in *Campo Marathonio* ingenti prælio vincitur.

Tum temporis

Romæ Regibus ob adulterium & crudelitatem imperium abrogatur. *Consules* substituuntur, *Coriolanus* patriam premit, *plebs* duce *Sicinio* in sacrum montem secedit, à *Menenio Agrippa* reducitur.

II. *XERXES* *Ægyptios* rebellantes in ordinem redigit, decies septies centena millia pedum, equitum octoginta millia, triremes mille ducentas septem in *Græciam* ducit: primò ad *Thermopylas*, mox ad *Artemisium*, tandem ad *Salamina* ita cæditur, ut in *Ciliciam* fugere cogatur; quarta pugna ad *Plataas* *Mardonium* cum exercitu amittit, sed *Athenas* exurit,

rit, quas tamen *Themistocles* restaurat.

Interim

Spartæ viginti millia terra motu pereunt: cum Messenius bellum geritur. Argivi Mycenæ excidunt. In Sicilia Gelo Amilcarem Carthaginensem insigni stratagemate vincit. Hiero ejus successor Catanam Colonorum decem millia mittit. Thrasylbulus frater ejus pellitur, & status popularis inducitur. Romæ, Hernici in amicitiam recipiuntur. Lex agraria urgetur, Fabii omnes uno excepto à Vejentibus caduntur.

Ecclesia propter Hamanis insidias est in periculo, sed Hesteræ precibus liberatur.

III. ARTAXERXES
LONGIMANVS, Artabano patre occiso Ægyptum sub pristinum jugum redigit. Atheniensibus maris imperio

permissio Græcas per Asiam colonias liberas esse jubet, clementiæ insignis insigne est exemplum.

Eo imperante

Athenienses Corinthios & Epidaurios vincunt, in Chersonesum & Naxiorum Insulam coloniam mittunt. Meton apud eos floret. Spartæ bellum contra Athenienses Peloponnesiacum decernitur, & meliori ferè Atheniensium fortuna geritur. Syraculis ob inæqualem libertatē seditio movetur: peregrini inde pelluntur. Romæ leges feruntur. Tribuni militares consulari potestate constituuntur. Charondas leges apud Thurios fert. Franci Duce Marcomiro Belgii quadam loca occupant.

Sub eodem, calumniis aures patefaciente, opus templi planè disturbatur.

IV. XERXES II. voluptatibus extinguitur.

V. Soc-

V. SOGDIANVS ab Ocho in cineribus suffocatur.

VI. DARIVS NOTHV S Lacedæmoniis contra Athenienses primò per Thissaphernem, post per Cyrum, auxilia mittit.

Ejus state

Athenienses cum Spartanis infidam pacem duce Nicia faciunt, in Sicilia ingentem cladem accipiunt. Thissaphernem à Pharnabazo per Alcibiadem divellunt. Spartani per Gylippum Athenienses in Sicilia vincunt. Syraculis occupat tyrannidem Dionysius suspicax.

Ecclesia respirare sub Dario cepit. Judæi enim Haggai & Zacharia prophetiis stimulati, tam processerunt in templo restaurando strenuè, ut intra quadriennium ultimam manum imponerent.

VII. ARTAXERXES MNE-

D 3

MON,

M O N, Cyrum fratrem, cui *Xenophon* militavit, vincit, pecunia in Græciam submissa, *Agessilaum* à se persequendo revocat, cum Græcis pacem facit, Regem Cypri rebellem trucidat, crudelitatem exercet, filias duas in uxores ducit.

Ejus ævo

In Attica Athenarum muri à Spartanis dejiciuntur. xxx Tyranni ibidem imperant, donec *Thraſybulus* patriam liberet. Spartani à Thebanis Duce *Epaminonda* vincuntur. In Sicilia post bella vario Marte cum *Carthaginensibus* gesta moritur *Dionysius*. Theſſali dum à filiis *Iasonis* vexantur, *Philippum* Macedonem advocant, Romani duce *Camillo* Gallos proſtigant, Consulem plebi, prætorem Nobilitati concedunt.

Hierosolymis *Nehemias* urbi

con-

condendæ ita incubuit, ut muri & vici ejus intra annos XI perficerentur. Ibidem post *Iojakimum* administravit Pontificatum *Eliasibus*.

VIII. ARTAXERXES
OCHVS à Tacho Ægyptiorum Rege primo profligatur, sed post collectis peditum trecentis, equitum triginta millibus, Ægyptum recuperat, Apim occidit. Sidon à XLIII. civibus ex desperatione exuritur.

Eo imperante

Philippus Macedo *Illyrios*, *Phocenses*, *Thessalos*, *Pæonas* atterit. In Sicilia *Dionysius minor* primò à *Dione*, post restitutus à *Timoleonte tyrannide* exuritur. Romæ *Curtius Torquatus* & *Corvinus* florent, *Capua Romanis* deditur. In *Caria* exstruitur *Mansoleum*.

Ecclesiam quod concernit. *Io-*

hannes & Iesus de Pontificatu contendunt; multi ex Judæis Ægyptiis ad Caspium mare deportantur.

IX. *ARSES* fit Rex à Bagoa, sed cum vindictæ de parricida sumendæ suspicionem incurrit, cum tota stirpe tollitur.

Ejus triennio

Philippus Macedo, Atheniensibus, & Thebanis ad Charoneam fufis, Græcæ libertati finem imponit. Latini Romanis imperant, ut alter Consul ex Latio creetur, dimidiaque pars inde evocetur. Archidamus Spartanorum Rex in prælio cum Lucanis perit.

CLASSIS II.

De Dario familia obscurioris Rege.

[Ad ann. 3619.]

Familia obscurioris Rex *Darius Codomannus* erat. Hic *Bagoam* sustulit. Ab *Alexandro Macedone* tribus præliis vincitur. Primo ultra centum millia amisit; altero peditum *LXI* millia, equitum *X* m occisa, *XL* m. capta: tertio excidit totius *Asiæ* imperio, & à *Bessò* occiditur.

Eo ita bellante

Lacedæmonii Creta vastata bellum Alexandro movent, sed ab Antipatro vincuntur. Thebæ ab Alexandro diruuntur, Athenienses amicè habentur. Romani Latinos vincunt, & Manlius severè filium punit. Alexander E-

piri Rex Tarentinis contra Brutios opitulatur.

Ecclesiam quod concernit, immunitatem tributorum in annis Sabbathicis accipiunt Judæi. Nehemias librum suum scribit.

LIBER III.

De Monarchia Macedonica.

Occiso Dario, Ægypto, Babylone, Susis, Ecbatani & Persepoli occupatis, desit Monarchia Persica, inque ejus locum Macedonica successit. Historia verò ipsius in duas classes dispescitur, quarum prima *regni initia*: Secunda *statum ipsius post Alexandrum* considerat.

CLASSIS I.

*De initiis Monarchiæ
Macedonicæ.*

[Ad ann. 3627.]

Monarchia Macedonica debet ortum suum *Alexandro.*

Alexander verò victoriis, de quibus superius, & ingentibus thesauris Susis & Persepoli positus, Persicos mores induit, in *Philotam*, *Parmenionem* & *Clitum* crudeliter grassatur, *Hammonis* Jovis filium se credi vult; in India *Porum* vincit, Oceanum aliquoties conscendit, classem versus sinum Arabicum Duce *Nearchio* mittit, *Roxanem* & *Darii* filias ducit, *Hæphestionem* amittit, *Cossæos* Mediæ populum Persis nunquam subditum internecio-
ne

ne delet Babylonem, reversus ebrietate extinguitur.

Hoc temporis tractu

Romæ Volsci Lucani & Apuli in Romanorum fidem veniunt. Palæoponitani quod colonias damno affecissent expugnantur.

C L A S S I S II.

De Statu Monarchiæ Macedonica, post Alexandrum.

C A P V T I.

De Statu Monarchiæ Macedonica vacillante.

[Ad ann. 3653.]

STatus Monarchiæ Macedonica post Alexandrum, vel vacillans erat, vel firmatus.
Ille

Ille tum sub *Philippo Aridaeo* Alexandri fratre, tum sub *Ducibus* post istius mortem.

I. PHILIPPVS ARIDAEVS post multas contentiones à *Meleagro* productus Rex renunciatur, *Perdiccas* tanquam *Copiarum* præfectus ipsi adiungitur. Sed hic paulò post, dum regnum sibi vindicare, *Eumenis* auxilio suffultus, cupit, occiditur, in ejusque locum primò *Pithon*, mox *Antipater*, tandem *Polysperchon*, succedunt. Hoc verò tutorem agente, *Cassander* se patri ex asse non succedere indignatus, turbas ciet, *Euridice* Olympiadem persequitur, & exercitu à se & marito abalienato, unà cum isto occiditur.

Interim

Athenienses Principatum *Græciae* aucupantur, victi, libertate
qui-

quidem donantur, sed in Muny-
 chiam praesidium recipere cogun-
 tur. Romani contra Samnites
 victoriosi, pacem ignominiosam
 in furcis Caudinis factam, vo-
 luntaria Consulum deditio redi-
 munt. In Sicilia adspirat Aga-
 thocles ad principatum. Aristo-
 teles moritur.

II. Sub Ducum regimine ma-
 xime fluctuat Monarchia Mace-
 donica. Nam Olympias, ob cru-
 delitatem in Cassandri amicos
 exercitam, occiditur; Eumenes
 ab Argyraspidis proditus ab
 Antigono militum sub Antipa-
 tri tutela praefecto necatur; ab
 eodem Pithon opprimitur, &
 Seleuco, Lysimacho ac Ptolomaeo,
 negata restitutione thesaurorum
 Eumenis, belli causa datur. Mox
 pace simulata Cassander Europa,
 Lysimachus Thraciae, Ptolomaeus
 Aegypti, Africa & Arabia,
 Antigonus totius Asia summus
 Dux

Dux proclamatur, progenies Alexandri à Cassandro, qui miserè paulo post interiit, occiditur, Duces nomen Regum assument, filii Cassandri pereunt, & tota Monarchia inter Reges Ægypti, Syriæ & Macedoniæ dividitur.

Eo tempore

Thebæ ab Alexandro everse à Cassandro restituntur. Romani ad quos tum primi tonsores ex Sicilia venerunt, cum Samnitibus, Hetruscis & Umbris bellum gerunt. Agathocles Sículus contra Carthaginenses vario Marte bella gerit, in Siculos crudelitatem exercet. In Scotia Regnum à Fergusio fundatur, & fratri Ferrithari relinquitur. Jerosolyma à Ptolomæo astu capiuntur; plurimi Ægyptum transportantur, Simen filius Oniæ fit Pontifex,

CAPUT II.

De Statu Monarchiæ Macedoniæ firmato.

MEMBRUM I.

De Statu ante finem regni Macedonici.

[Ad ann. 3804.]

STatus Monarchiæ Macedoniæ firmatus, duo habet membra. Vel enim regni Macedonici terminum, qui in captivitatem Persei incidit, antecedit, vel eundem sequitur. Majestatem cum in Regibus Ægyptiacis obtinuerit, rectè alia regna ad eos alligabuntur. Fuere autem ante finem regni Macedonici sex Ægyptiorum Reges. 1. Ptolomæus Lagides. 2. Philadelphus. 3. Evergetes. 4. Philopator. 5. Epiphanes. 6. Philometor.

I. PRO-

I. P T O L O M A E V S L A G I -
D E S, *Pyrrho*, Epirotarum Regi,
ut fœderi, cum Demetrio Anti-
goni filio inito, renunciaret, &
se sibi, Lysimacho & Seleuco
contra eum conjungeret, per-
suadet: filio officium privatus
inter satellites facit, justitiæ no-
mine floret.

Eo imperante

*Amittit Macedonia Deme-
trium Poliorectem in captivitate,
in quam à Seleuco conjectus e-
rat. Ab eodem idem jus Judæis
cum Græcis conceditur. Romani
Duce M. Curio Dentato Sam-
nium diruunt: Horologium pri-
mum, non aliud tamen, quam so-
lare, Romæ statuunt.*

Quantum ad Ecclesiam, ex-
struitur templum in monte *Ga-
rizim* Ægyptio quasi æmulum.

II P T O L O M A E V S P H I L A -
D E L P H V S bibliothecam, in
E qua

qua LXXX m. voluminum numerabantur, erigit, contra Antigonom Macedoniae Regem bellum gerit, & cum *Antiocho Theo* per filiam *Berenicem* componit, in *Aegypto*. 33339. urbes habet.

Eo vivente

Occiditur à Seleuco in Macedonia *Lysimachus*, & *Ptolemaeus Ceraunus* à *Celtis*, qui *scutum* in *Macedoniam* effuderunt. *Pyrrho* *Argis* interfecto, *Antigonus Gonatas* obtinet. *Syria* *Seleucum* in praelio cum *Cerauno* genero amittit, & post *Soterem* *Theon* successorem accipit. *Pergamenum* regnum à *Philetate* erigitur. *Romani* *Tarentinos*, etsi à *Pyrrho* aliquoties victi, in deditiorem accipiunt. *Bello Punico* I. propter *Messenios* suscepto, *Carthaginenses* in *Africa* premuntur, post vincuntur, tandem pacem

pacem faciunt. In Sicilia occupat tyrannidem Hiero.

Ecclesiam quod concernit, versum est Vetus Testamentum à LXX interpretibus in Græcam linguam, & constitit versio duabus tonnis auri.

III. P T O L O M A E V S E U E R G E T E S *Seleuco Callinico* ob parricidium sororis suæ Berenices omnia adimit, sed non retinet; bibliothecæ *Eratosthenem* præficit.

Interim

In Syria inter Seleucum Callinicum, & Hieracem fratrem, bellum geritur Gallis adjuvantibus. Attalus Pergamenus magnam Asia partem occupat. Arsaces Parthis Dynastian, quæ supra ccc annos duravit, erigit. In Græcia Aratus prudentissimus Achaorum prator, & Macedonum Rex Antigonus Doso, flo-

tent. Romani Carthaginensibus Siciliam & Sardiniam adimunt. Poetas & Historicos habere incipiunt. Carthaginenses in Hispania novam Carthaginem exstruunt ; Illyrii ob piraticam, Gessatæ Galli ob excursiones in Italiam, compescuntur.

IV. PTOLOMAEVS PHILOPATOR, Antiochum M. Aegypto inhiantem vincit, & præcipuas urbes occupat, mox amittit.

Eo tempore

Antiochus Syrus Asia regnum recuperat, ex Syria præfectos Philopatoris pellit. Philippus Macedo ab Achaëis vocatus Aetolos vincit, à Romanis seminudus ad Apolloniam in fugam vertitur. Carthaginenses tribus præliis Romanos in Italia vincunt; sed à Claudio Nerone præsertim compescuntur. Romani

Sci-

Macedonica. 69

Scipiones in Hispania amittunt, juniorem verò Publium in Africam cum exercitu mittunt. In Sicilia Syracusas Marcellus expugnat. Ecclesia sub eo magnam persecutionem perpessa est. Elephantis obterendi dabantur.

V. P T O L O M A E V S E P I P H A N E S in infantia à Philippo & Antiocho infestatur, sed frustra.

Eo imperante

Antiochus Syrus Phœniciam recipit, à Glabrione & Scipione profligatur, omni cis Taurum Asia cedit. Philippus Macedo à Romanis vincitur, & libertas Graeciae promulgatur. Romani Aetolos coërcent, victo in Africâ Hannibale bello Punico II. finem imponunt. Eumenes Pergamenus cum Bythiniæ Rege Prusia bellum gerit. Reuta Scotorum Rex ingens pralium cum Piëtis commit-

rit. Polybius, Ennius, Plautus, florent.

Ecclesiæ tolerabilis est conditio.

VI. P T O L O M A E V S P H I L O M E T O R ab Antiocho Epiphane infestatur, à populo Romano per *Popilium Lanam* defenditur, *Alexandrum* Epiphanis filium vincit.

Ejus ævo

Antiochus Epiphanes *Syria regnum* redux occupat. Post eum *Eupator Hierosolymorum* muros diruit, à *Demetrio Seleuci filio* interficitur, qui etiam ab *Alexandro fratre Demetrii* occiditur. *Perseus Macedoniae* Rex in *deditionem* acceptus in triumpho ducitur, *Macedoniae* regno finis imponitur, quod frustra *Andrius* recuperare nititur. In *Iudæa* *Maccabæi* fortiter rem gerunt contra *Syros*. Romani per *Scipio*

pionem Carthaginem, per Mumium Corinthum delent, Istriam provinciam faciunt, clepsydram conficiunt. In Scotia cultus Isidis deponitur, si credere fas est.

Ecclesia duas horrendas persecutiones sub *Antiocho* sustinuit. Novum templum in *Ægypto* extruitur.

MEMBRUM II.

De statu Monarchiæ Macedonica post sublatum regnum Macedonum.

ARTICVLVS I.

De statu ante finem regni Syriaci.

[Ad ann. 3899.]

ET hæc sunt, quæ gesta esse illis temporibus scimus: quæ sequuntur, dispesci in illa, quæ regni Syriaci finem, &

qua regni Aegyptiaci exterminium antecellere, possunt.

• Ad tempora regni Syriaci finem antecedentia pertinet historia 1. Ptolomai Euergetæ II. 2. Lathyri. 3. Auleta.

I. P T O L O M A E V S E U E R G E T E S II, Physcon dictus, regnum post fratrem adeptus sororem Cleopatram ducit, crudelitatem & libidinem exercet, in Cyprum ejicitur, redux dissimilis sui vivit : Cebennam superbientem opprimit.

Eo regnante

In Syria Demetrio pulso Antiochus Theos à Typhone, hic ab Antiocho Sedeto, Demetrius ab Alexandro Cebenna, iste ab Antiocho Grypo Demetrii filio occisus est. In Iudæa Simon Ionatha frater sub nomine Ethnarchæ præfuit, Hyrcanus filius Idumæam subegit. Romani foris Viriathi-

um bellum gerunt, Numantiam destruunt; in Asia Aristonicum vincunt, in Sicilia servos aliquoties victores coërcent, Gallorum cum occidunt, & Narbonensem Galliam provinciam faciunt. Domi propter leges omnium statum concutientes à Graccho latas eade mutua grassantur. In Scotia eriguntur in Mona Insula Scholæ.

Ecclesia Iudaica in Hyrcano Sacerdotem & Prophetam habuit.

II. P T O L O M A E V S L A T H Y R V S ante exilium nil agit, in exilio Alexandri Judæorum Regis exercitum fundit, inde ejicitur: reductus, postquam frater Alexander ob matris cædem ejectus fuisset, quid egerit, nescitur.

Eo ita fluctuante

Syria post multas cades ad Demetrium Eucærum & Philip-

pum fratrem Damasci regem de-
 venit, his in se savientibus, Ti-
 grani Armeniæ Regi tradita est.
 Judæa mutatur ab Aristobulo in
 regnum, sub Alexandro seditione
 & successu infelici laborat. Ro-
 mani de Iugurtha triumphant,
 duce Mario Cimbrorum cxi. m.
 occidunt, lx. m. capiunt. In Sici-
 lia à Servio, in Asia à Mithrida-
 te exagitantur, quem per Syllam
 compefcunt: turbis Saturnini,
 Drusi, belli socialis & Syllæ cru-
 delitate, Rempublicam inclinant,
 à Ptolomæo Appione Cyrena-
 rum Regnum legatum obtinent.

In Ecclesia Judaica Effeno-
 rum, Sadducaorum & Phariseo-
 rum Sectæ vigent.

III. P T O L O M A E V S A V L E-
 T E S exactioibus Ægyptum ve-
 xat, Romanis Cyprum ut in
 provinciam redigere permittit,
 pellitur, à Gabinio jussu Pom-
 peii restituitur.

Ejus tempore

Syria in formam provincia à Romanis redigitur. A Juda sceptrum expugnatis per Pompeium Hierosolymis desicere incipit. Parthi victo Crasso in Syriam excurrunt, à Longino reprimuntur. Romani Bythiniam à Nicomede legatam accipiunt, Mithridatem per Lucillum & Tigranem, serè oppressi, frangunt, per Pompeium, qui & piratas compescuit, ad incitas redigunt, bello civili occiso Sertorio finem imponunt: Catilinam per Ciceronem detectum opprimunt, in Gallia & Germaniæ res per Cæsarem præclaras gerunt. In Scotia Ederus auxilia contra Cæsarem mittit. In Islandiam Odinus quidam ex Asia appellit, & sedes in Sigthiur ponit.

ARTICVLVS II.

De Statu Monarchiæ Macedonica ante finem regni Ægyptiaci.

[Ad ann. 3923.]

AD tempora statum regni Ægyptiaci antecedentia, refertur historia 1. *Ptolomæi Dionysii.* 2. *Cleopatræ.*

I. **P**TOLOMÆVS DIONYSIVS Pompeium, ad se post prælium Pharsalicum confugientem, occidere jubet: Cæsari insidias struit: in aquis suffocatus, regnum Cleopatræ relinquit.

Tum temporis

Amiffa est Romæ libertas. Nam Cæfar à Senatu hostis iudicatus, se urbe occupata Dictatorem fecit, Pompeium in Pharsalica

cam.

campis vicit, Ponto Regem Iudææ procuratorem pro arbitrio constituit. Catonem, Scipionem, Pompeii liberos oppressit. Nec quicquam mors Cæsaris profuit. Nam triumviratu instituto, Senatores plurimi proscripti sunt, Brutusque & Cassius ab Augusto victi.

II. CLEOPATRA, Antonium voluptatibus transversum agit, illi nubit: ab Augusto victa, se & Alexandriam, cum interim Antonius quæsitâ morte periret, tradit.

Eo temporis tractu

In Judæa securi percusso ab Herode Antigono, desinit domus Hasamunæa. Augustus Antonium in bello Actiaco ad incitæ redigit, & regno Egyptiaco finem imponit, Dalmatas coërcet, Sextum Pompeium in Sicilia vincit, Mauritaniam provinciam facit.
Thar-

Thargum Babylonicum *etiam*
tum compositum est.

LIBER I.

De Monarchia Romana.

CLASSIS I.

*De Imperatoribus Romanis
ante divisionem.*

Tantum de Monarchia Ma-
cedonica. Romana histo-
ria dividitur, in Imperato-
rum *ante divisionem generalem,*
& post divisionem, historiam.
Imperatores illi vel ex *solis Ro-*
mani erant, vel ex *Romanis &*
exteris simul. Duæ itaque hujus
libri erunt Classes, & primæ
classis duo capita.

CAPVT I.

De Imperatoribus ex Romanis familiis electis.

MEMBRVM I.

De Imperatoribus unius familiae.

[Ad ann. M. 4017. Christi 68.]

IMPERATORES EX ROMANIS familiis electi, vel erant unius familiae, vel diversarum. Illi fuerunt, 1. *Augustus*. 2. *Tiberius*. 3. *Caligula*. 4. *Claudius*. 5. *Nero*.

I. OCTAVIANVS AVGVSTVS, post decennalem Consulatum *Dictator perpetuus* creatur. *Cantabros & Astures* terret, regna *Armenia & Arabia* pro arbitrio distribuit, *Germania superioris & inferioris* magnam partem per *Drusum & Tiberium* subigit, *Varronem*
 cum

cum tribus legionibus amittit,
Ianum ter claudit, moriturus
vitam humanam ridet.

Eo imperante

Herodis regnum adjecta *Trachonitide* & *Beræa* augetur. *Samaritania* ab eodem sub nomine *Sebeste* restauratur, *Archelaus* filius ejus *Viennam* relegatur, *Iudas Gaulonites* seditionem cum *Pharisæis* movet. *Francus* *Sicambrorum* Rex cum *Francis* & *Gothis* feliciter bellum gerit. *Quantum ad Ecclesiam*, templum *Hierosolymitanum* ab *Herode* exornatur, *promissus mundi Messias nascitur*, in templo *duodecennis docet*. *Augustus* *aram* primogenito *Dei* exstruit.

II. *TIBERIVS* crudelis simulator, *Germanos* & eorum Regem *Arminium* per *Germanicum* atterit, per eundem *Zenonem* Regem *Armenis* imponit,

ponit, & Cappadociam in provinciam redigit, seditionem Pannonicarum legionum ægrè per Drusum componit, Sejanum occidi jubet.

Interim

Ratisbona exstruitur. Pilatus Judææ post Gratum præest.

Ecclesiam quod concernit, Christus patitur, moritur, resurgit, ascendit, Paulus convertitur.

III. C. CALIGVLA Germanici filius à populo ita amatur, ut pro ejus reditu intra trimestre c l x victimarum millia cæsa sint: prodigus est, crudelitatem & libidinem in omnia exercet, Agrippam ex carcere liberat, statuam suam in templo Hierosolymitano locari jubet, occiditur.

Eo ſarviente

Petrus Ioppæ, Paulus cum Barnaba Seleucia, in Cypro, Pamphylia, &c. Ieſum crucifixum annunciant.

IV. CLAUDIVS à Meſſalina impudiciſſima, & Agrippina imperioſiſſima circumducitur, Britanniam inviſit, Agrippæ regnum auget. Britannico filio amiſſo veneno extinguitur.

Eo ita delirante,

Mithridates Pontum turbat, Gotarzes Artabano occiſo Armeniam & Parthiam Vononi relinquit, Theudas in Iudæa tumultuatur, Suevi Vannium Regem pellunt.

Quantum ad Eccleſiam, Paulus Athenis, Theſſalonica, Philippis concionatur. Philippus apud Hierapolin lapidatur. Simon Magus ſtatua à Roma honoratur.

V. NERO CLAUDIUS monstro quam Principi similior, Agrippinam matrem & Senecam præceptorem interficit, amissa in Britannia recuperat, insidiis detectis crudelissimè grassatur, deficientibus à se omnibus exercitibus se ipsum interficit.

Eo insaniente,

In Judæa Gessio Floro nequissimè grassante, Massada castello expugnato, & Vespasiano misso, initium desolationis factum est.

In Scotia Corbredus Caramundam novercam vivam defodi curat. Apud Danos Frotho cognomento Pacis auctor egregiè res gerit.

Ecclesiam quod concernit, Paulus Romanus captivus mittitur, aliquot in carcere Epistolæ scribit, causa dicta liberatur. Christiani in usum nocturni luminis cremantur.

MEMBRUM II.

De Imperatoribus ex diversis familiis.

[Ad ann. 4044. Christi 95.]

HI fuere Augustæ familiæ Imperatores. Diversarum familiarum sunt: 1. *Servius Sulpitius Galba*. 2. *M. Sylvius Otto*. 3. *Aulus Vitellius*. 4. *Flavius Vespasianus*. 5. *Titus*. 6. *Domitianus*.

I. **SULPITIUS GALBA** crudelitatis Neronianæ administratos occidit, congium militi dare non vult, occiditur.

II. **SYLVIVS OTTO** à manibus Galbæ terretur, Vitellium tribus præliis vincit, quarto victus, quæsitâ morte perit.

III. **AVLVS VITELLIVS**, lurco, perpetuum se Consulem dicit, comitia in decem

cem annos ordinat, Capitolium cremat, miserrime necatur.

Illis ita in se grassantibus,

In Judæa duces seditiosorum Hierosolymis inter se confligunt, ad hos exciendendos Titus Vespasianus mittitur.

IV. FLAVIUS VESPASIANUS princeps modestus, Germanos instinctu Civilis Batavi tumultuantes reprimat, tributa magna exigit. Achaiam, Lyciam, Rhodum, Byzantium, Samum, libertate privavit; Thraciam, Siciliam, Comagenam, in provinciam redigit.

Eo imperante

In Judæa Hierosolyma per Titum solo aquantur, Alani Caspius effusi portis Medianam Armeniamque vastant. Ecclesia etiam tum floruit, Johanne A-

F 3 *posto-*

postolo *Ephesi*, Lino, Cleto, Clemente Romæ, strenuè invigilantibus.

V. TITVS VESPASIANI filius imperio accepto melior fit, clementia & liberalitate excellit, in urbe quædam reficit.

Eo ad clavum sedente

In Britannia res egregiè gerit Agricola, ad montem præsertim *Grampium*, & in Hiberniam transcendit.

XI. DOMITIANVS TITI frater, princeps vitiosissimus, primis regni initiis, magistratus coërcet, & leges egregias fert, post in vitia effusus, pro Deo coli vult, pacem à Dacis emit, occiditur.

Eo regnante

Ecclesia persecutionem patitur, Iohanne in Patmum, Flacio Clemente in Pañdatariam insulam

lam relegatis. Alexandria Aniano Marcus succedit. *Euaristus* Romæ titulos presbyteris distribuisse, & septem Diaconos in ordinem redegeisse dicitur.

CAPVT II.

De Imperatoribus ex Romanis & exteris sumptis.

MEMBRVM I.

De Imperatoribus ante Dyarchiam.

[Ad ann. M. 4183. Christi 234.]

Imperatores ex Romanis & exteris promiscuè sumpti dividuntur in illos, qui ante *Dyarchiam puram*, sub *Dyarchia*, ante *Dyarchiam cum Polyarchia mixtam*, sub *Dyarchia cum Polyarchia mixta*, fuerunt. Priorum numerantur tredecim.

cim. 1. *Coccejus Nerva*. 2. *M. Vlpus Trajanus*. 3. *Alius Adrianus*. 4. *Antoninus Pius*. 5. *M. Antoninus Philosophus*. 6. *L. Commodus Antoninus*. 7. *Helvius Pertinax*. 8. *Didius Iulianus*. 9. *Septimius Severus*. 10. *Antoninus Caracalla*. 11. *Opilius Macrinus*. 12. *Antoninus Heliogabalus*. 13. *Alexander Severus*.

I. COCCEIVS NERVA
Domitiani edicta & statuas abolet, pueros puellasque egenis parentibus natas per Italiam sumptu publico alijubet, Trajanum adoptat.

Interim

Johannes ex Patmo redit: Cerinthus, Nicolaitæ & Ebionæi delirant, Christiani accusati absolvuntur, Tacitus floret.

II. M. VLPVS TRA-
IANVS

I A N V S Adrianum adoptat, in Daciam colonias deducit. Armeniam, Assyriam & Mesopotamiam subigit, mox easdem amittit, Judæos in Cypro & Ægypto compescit, spectacula Romæ edit.

Eo regnante

Persecutione premitur Ecclesia. Tum Clemens Papa, post quem Anacletus constituisse dicitur ne sacerdotes barbam nutrent, in Pontum relegatur. Simon Cleophæ cruci affigitur, Ignatius Antiochenus bestiis objicitur.

III. Æ L I V S A D R I A N V S, princeps inexhausti laboris, Antoninum adoptat, omnia trans Euphratem libera pronunciat, in Britannia murum per octoginta passuum millia ducit, in locum eversæ Hierusalem Æmyliam Capitoli-

nam exstruit, Judæos ad extremum exitium cogit.

Eo imperante

Roma Thelesphorus *quadragesimalae jejunium*, Alexander *lustralem aquam*, Sixtus *Trisagii decantationem instituit*. Inter hæreticos *Gnostici* grassantur.

IV. ANTONINVS PIVS princeps mitissimus uxoris ex fratre nepotes adoptat, Britanos per Lollium submovet, Germanos, Dacos, Judæos contundit. Parthorum Regem ab oppugnatione Armeniorum solis literis abducit.

Interim

Francus *Marcomiri filius* *Francofurtum ad Mænum*, *Nepos Sundii*, *ad Oderam condunt*, *Melodes modos Musicos Citharædis facit*.

Quantum ad *Ecclesiam*, *Romæ*

mæ Pius paschati diem Dominicum sancit. *Iustinus* apologiam pro Christianis scribit. *Polycarpus* Marcionem primogenitum Sathanæ vocat.

V. ANTONINVS PHILOSOPHVS princeps moderatissimus Parthos & Armenios per Lucium Verum compescit, victoriam aliquoties de Marcomannis & Quadis, Sarmatis, semel precibus fulminatricis legionis obtinet, Avidium Cassium rebellantem coërcet.

Tum temporis

Romæ *Soter* nuptias à Sacerdotibus benedicendas statuit. *Eleutherius* Evangelizatores in Angliam mittit. In persecutione à *Marco* excitata periere inter cæteros *Iustinus* & *Polycarpus* *Cataphryges*. *Encratita* & alii hæretici, nec non dissidium de paschate, vigent.

VI. COMMODVS monstrum hominis potius quam homo Britannos per Vlpium Marcellum domat. Perenni & Cleandro præfectis prætorii omnia committit, à Narcissò extinguitur.

Ejus tempore

In Scotia Euangelium recipitur, in Imperio Christianis pax datur. *Theodotio* Biblia vertit. Romæ *Victor* non consentientes in tempus paschale anathematē ferit.

VII. HELVIVS PERTINAX moribus antiquis inuitus imperium recipit, gravitate milites in se concitat, octogesimo quinto imperii die occiditur.

VIII. DIDIVS JULIANVS imperium emit, populam mitigare non potest. *Severo*, *Albino* & *Nigro* deficientibus, iussu Senatus occiditur.

IX. SEPTIMIUS SEVERUS princeps suspicax & crudelis, *Pescennium Nigrum* & *Albinum*, imperium sibi asserentes, vincit & interficit, Parthos compescit, Britannos ad fœdus faciendum cogit. Plautiano se obnoxium facit.

Interim

In persecutione Severi perit *Leonidas* pater *Origenis*. à *Symmacho* Biblia vertuntur. Apologia pro Christianis ad Romanos Magistratus scribitur.

X. ANTONINUS CARACALLA fratrem *Getam* in sinu matris occidit, *Julia* matre pro uxore utitur, *Osroënorum* Regem in vincula conjicit, in Parthos movet.

Interim

Origenes divinas humanasque literas docet; novas sacri Codicis versiones, unam *Nicopoli*

copoli apud littus Actium, alteram in dolio prope Jerichuntem, invenit.

XI. OPILIVS MACRINVS princeps severus à Parthis pacem ferè redimere cogitur, à militibus, promissis Mæxæ ex domo aulica per eum expulsa deseritur & opprimitur.

XII. VARIVS ANTONINVS Heliogabalus, homo turpissimus & nequissimus, mirè religiones peragit, luxuriæ intentus est, miserè occiditur.

Ad eum

Iulius Africanus historicus Christianus legationem pro instauranda Emaunte quæ Nicopolis dicitur, suscepit.

XIII. ALEXANDER SEVERVS princeps moderatissimus, Parthos vincit, in Mauritania, Tingitana, Illyrico & Armenia res per suos legatos optimè

mè gerit, in expeditione Germanica cum matre occiditur.

Sub eo

Artaxades Persa Artabano tota Parthia exuto & caso regnum sua genti restituit. Ecclesia sat quieta, quia notitia aliqua Christi imbutus Alexander, fuit. Vnde Romæ Calixtus jejunium quatuor temporum sancit, Urbanus argentea vasa inducit.

MEMBRUM II.

De Imperatoribus sub Dyarchia.

[Ad ann. M. 4217. Christi 268.]

HÆc de Imperatoribus qui ante Dyarchiam fuere dixisse sufficiat, *Sub Dyarchia*, id est, regimine duorum, octo fuisse scribuntur. 1. *Julius*
Ma-

Maximinus. 2. Gordianus Junior. 3. Philippus Arabs. 4. Decius. 5. Gallus. 6. Æmylianus. 7. Valerianus. 8. Gallienus.

I. JULIUS MAXIMINVS homo sævus sine decreto Senatus ab exercitu eligitur, filium adsciscit, in Germania trans-Rhenana furit. Gordianus contra se electos, quibus Pupienus & Balbinus, post occisi, substituti, opprimit, ad Aquileiam perit.

Ejus tempore

Sævitum est in Christianos præpositos tanquam doctrinæ ipsorum duces.

II. GORDIANVS JUNIOR, conjurationem in Africa duce Sabiniano in se initam, irritam reddit, Mesitheo socero Duce hostes in Thracia delet, in Persia Saporem coërcet, occiditur.

Interim

Omen dignitatis *Fabianus* à columba devolante Romæ accipit. *Origenes* Episcopum *Bo-strensem*, Christi æternitatem negantem, in viam deduxit.

III. *JULIUS PHILIPPVS* filium *Severum* consortem habet. *Philippopolim*, quæ *Bozra* olim, condit, ludos exhibet, in conflictu cum *Decio* occiditur.

Interea

Origenes scripta sua in lucem edit. *Philippus* Imperator Christianismum amplectitur.

IV. *DECIVS* cum filio imperat: *Julium Valentem*, imperium invadentem, occidit: cum *Scythis*, qui post sub nomine *Gothorum* imperium destruxerunt, pugnat, proditis consiliis occiditur.

Ejus tempore

Persecutionem passa est Ecclesia tantam, ut *Novatianus* propter multitudinem deficientium in errorem inciderit.

V. *VIBIUS GALLVS* scædus cum hoste probrosum facit, filium *Volusianum* in consortium recipit, ab *Æmiliano* vincitur.

Ejus imperio

Scythæ rupto scædere omnia usque ad *Ephesum* diripiunt, & *Italia* minantur. *Syriam* & *Armeniam* *Perse* vexant.

Quantum ad Ecclesiam, hæc persecutionem passa est. *Origenes* imbecillitatis humanæ exemplar existit. *Sabellius* eundem esse Christum & Spiritum sanctum docet.

VI. *ÆMILIANVS* *MÆSIAE* præfectus, fugatis *Scythis* in Imperatorem eligitur, ab
iisdem,

iisdem, à quibus imperium accepit, occiditur.

VII. LICINIUS VALERIANVS cum filio Valeriano Saporem Persam pecunia frustra placare conatur, captus miserè tractatur & occiditur.

Interea

Borani Trapezuntem, Nicomediam, &c. expugnant.

Ecclesia persecutionem sub eo passa, & occisi Cyprianus & Laurentius.

VIII. GALLIENVS Valeriani filius, impius, deses & voluptate diffluens princeps fuit: cum triginta tyrannis conflictatur: ex quibus Postumus in Galliis, Aureolus in Illyrico, quique vivente Galieno everti non poterant, in obsidione Mediolani occiduntur.

Interim

In Oriente Odenatus, cuius

uxor fuit Zenobia, Persas fundit & Mesopotamiam recipit. Gothi Scythis juncti Graciam & Asiam minorem; ex Germania Franci, quorum tum innotuit nomen, Gallias; Saxones & Carthi Italiam, Suevi Pannoniam vastant.

Ecclesiam quod spectat, compressa persecutio. Chiliastra, & de rebaptizandis quaestio viguere.

MEMBRUM III.

De Imperatoribus ante Dyarchiam cum Polyarchia mixtam.

[Ad ann. M. 4231. Christi 282.]

Imperatores ante Dyarchiam cum Polyarchia junctam fuisse quatuor. 1. Claudianus. 2. Aurelianus. 3. Tacitus. 4. Probus.

I. CLAUDIANVS DAL-
MATA Alemannos prope lacum
Benacum fundit, Scytharum
diversos populos, ut *Peucinos,*
Grutungos, Austrogothos, Celtas,
Herulos, aliquot præliis fatigat,
post mortem statuam meretur.

Interim

Zenobia Palmyrenorum regi-
na Ægyptum frustra occupare
conatur. Scythæ Cretam Cyprum-
que vastare tentant.

In Ecclesia Samosatenus divi-
nitatem filii Dei negat, & da-
mnatur.

II. VALERIVS AVRE-
LIANVS, princeps bellicosus,
à Marcomannis primò victus,
post, eosdem vincit, muros ur-
bis prolátat, Palmyrenorum
Reginam Zenobiam & Tetri-
cum in triumpho ducit, Mone-
tarios in urbe coërcet.

Interea

Dionysius & Felix Romani, Firmilianus Cappadociae, Gregorius Thaumaturgus Ponti Episcopi vigent. Porphyrius è Christiano fit ipsorum hostis.

III. CLAUDIUS TACITVS princeps frugalis à Senatu eligitur. *Scythas Mæotidem & Phasin transgressos repellit, legem contra Monetarios fert.*

IV. AVRELIVS PROBVS, Germanos & Sarmatas contundit, Copton & Ptolemaidem Romano juri addit, Saturnium Anti-Cæsarem amovet, Bonoso gaudet.

Eo imperante

Manes sectæ Manichæorum auctor viget; laxiora domicilia pro conventibus agendis struuntur.

MEMBRUM IV.

De Imperatoribus sub Dyarchia cum Polyarchia combinata.

[Ad ann. M. 4255. Christi 306.]

Sub Dyarchia cum Polyarchia conjuncta continetur historia 1. *M. Aurelii Car.* 2. *Valerii Diocletiani.* 3. *Constantii Chlari*, & illorum qui cum iis imperavere.

I. **MARCUS AVRELIVS CARVS** Carinum Numerianumque filios Cæsares appellat, Imperatoris Persici nomen obtinet, Carinum degenerem agnoscit.

II. **VALERIVS DIOCLETIANVS** Carinum vincit. *Aurelium Maximinum* adoptat, & per se quidem Aegyptum compescit, per illum Galliam

& Africam in ordinem redigit, mox *Galerium Maximinum*, qui post Parthos vicit, adoptat; Maximinus verò *Constantium Chlorum Alemannorum* mox victorem, & *Spiræ conditorem*, Cæsarem esse jubet.

Sub istorum gubernio

Ingenti persecutione premittur Ecclesia. Martyrium subiere *Dorotheus*, *Gorgonius Anthimus*, *Philoromus* procurator Cæsaris Alexandriae, & qui omnibus palmam præripuit, *Romanus Cæsariensis Diaconus*.

III. FL. CONSTANTIVS CHLORVS Maximianum interficit, Italia & Africa sua sponte cedit. *Galerium* primò, mox *Severum*, *Maximianum*, & *Licinium*, à Galerio adoptatos, *Maxentium* à militibus electum, socium imperii habet.

Interim

Galerius Christianos ita persequitur, ut laesati iudicum oculi, fessæ carnificum manus fuerint. Periere tum *Anthimus* Nicomediae, *Tyrannio* Tyri, *Petrus* Alexandriae, *Silvanus* Gazæ Episcopi. In aliis orbis partibus innumeri.

CLASSIS II.

*De Imperatoribus Romanis
sub divisione generali.*

CAPVT I.

*De Imperatoribus sub
divisione prima.*

Fuit hætenus Imperium Romanum indivisum. Imposterum divisum in Orientis & Occidentis regna erit. Divisio verò illa vel est *Prima*,

vel *secunda*. Primæ divisionis triplex est ratio: vel enim fuit *inchoata*, vel *interrupta*, vel *continuata*. Vnde tria exurgunt membra hujus capituli.

M E M B R U M I.

De divisione Romani Imperii inchoata.

A R T I C U L U S I.

De divisione Romani Imperii à suis facta.

Divisio Romani Imperii inchoata est, vel *ab ipsis Imperatoribus*, vel à *Barbaris* in Italiam subinde irrumpentibus. Illa quadruplex esse statuitur, & ad unamquamque singularium Imperatorum acta pertinent.

PUNCTVM I.

*De prima speciali R. Imperii
divisione ab Impera-
toribus facta.*

[Ad ann. M. 4286. Christi 337.]

AD primam Romani Impe-
rii divisionem ab ipsis Im-
peratoribus factam perti-
net historia *Constantini Magni*.

CONSTANTINVS VERO M.
res egregiè in Germania & Gal-
liagerit. *Maximianum* Socce-
rum strangulat, *Maxentium* in
Tiberi suffocat, *Maximum*
per *Licinium Cæsarem* & affi-
nem vincit. *Licinium* post tu-
multuantem, aliquot præliis
fractum, opprimit. *Rausimodum*
Sarmatarum Regem vincit. Se-
dem Imperii *Constantinopolin*
transfert: Imperium in Orien-
tem & Occidentem distribuit.

Sub

Sub eo

Maximinus Ecclesiam vexat: Donatus & Arrius eandem turbant. Concilium Nicenum, cui præsidet Constantinus, & in quo conjugium asseritur, celebratur.

PUNCTVM II.

De secunda speciali imperii divisione.

[Ad ann. M. 4312. Christi 363.]

AD secundam imperii specialem divisionem pertinet historia 1. *Constantini.* 2. *Constantis.* 3. *Constantii.* 4. *Iuliani.* 5. *Ioviani.*

I. **CONSTANTINVS** cuncta trans Alpes obtinens, Rhetias, Vindeliciam, & Noricum insedit: ut ignotus tertio imperii anno occiditur.

II. **CONSTANS** Francos Gal-

Galliam populantes devincit, Athanasium defendit, fraudulenter interficitur.

III. CONSTANTIVS Vetrannionem Imperatorem in Illyrico electum sibi devincit, Magnentium victum ad mortem adigit, de Gallo crudeli Principe supplicium sumit, Sarmatas Limigantes interneccione delet; Iulianum adsciscit.

Sub eo

Franci Alemanni & Saxones Coloniam Agrippinam occupant. Sapores Mesopotamiam & Armenias reposcit, & Amida Castrum expugnat.

Ecclesia vehementer propter Arrianorum causam & Athanasii restitutionem, & quasdam hæreses, turbatur. Vnde Sardicense, Mediolanense & Ariminense Concilia.

IV. JULIANVS Constantio aperte inimicitias denun-
 tiat, templum Hierosolymita-
 num frustra restaurare conatur,
 in Persas tendit, in prælio ab
 ignoto Equite occiditur.

Sub eo

Miser erat Ecclesiæ status.
 Vale enim Christianismo remis-
 so, Christianos bonis exuebat,
 Scholas occludebat, in Chri-
 stum contumelias *Libanio* So-
 phista instigante scribebat.

V. JOVINIANVS inuitus
 Augustalibus ornatur, cum *Sa-
 pore* pacem ignominiosam facit.
 Nam ipsi quinque trans Tigrim
 provincias & Mesopotamiæ
 partem tradit, & Arsaci Arme-
 niæ Regi auxilia se non missu-
 rum spondet.

Interim

Promittit se honoraturum eos, qui Ecclesiæ ad concordiam reducendæ authores se ostenderit.

PUNCTVM III.

*De tertia speciali imperii
divisione.*

[Ad ann. M. 4345. Christi 396.]

Sub tertia imperii divisione
florebant 1. *Valentinianus*.
2. *Valens*. 3. *Gratianus*. 4. *Valentinianus* II. 5. *Theodosius*.

I. VALENTINIANVS
cum Valente imperium dividit,
Gratianum filium successorem
pronunciat, *Procopium* punit,
Alemannos comprimit, Saxones
circumventos obtruncat.

Interim

Picti & Scoti Britannos vexant: Austeriani Africam infestant. Romæ Damasus & Ursicinus de Episcopatu concertant; Mediolani, Ambrosius in Episcopum creatur.

I L. VALENS bella Persica quoquomodo componit. Gothos ab Hunnis ex intima Sarmatia pulsos in Thraciam recipit: ab iisdem, præfectorum avaritia irritatis, occiditur.

Sub eo

Persecutionem Catholici patiuntur, Gothi religione Arriana imbuuntur.

III. GRATIANVS Theodosium collegam assumit, Priarium Alemannorum Regem occidit.

Sub eo

Maximus Dux Eugenium Scotorum Regem in Britannia
vin-

vincit. Longobardi, sive è Scandinavia sive aliunde progressi, Vandalorum sedes post Pannoniam occupant.

Ecclesiæ Episcopi exules restituantur. Lex ut quisque, quam vellet religionem profiteretur, exceptis Photinianis, Manichæis & Eunomianis, fertur.

IV. VALENTINIANVS II. Maximum per Theodosium vincit, & Occidentem recipit: ab Arbogaste Franco vexatur, & per eundem Viennæ strangulatur.

Idem

Symmachum pro Ethnicismo intercedentem frustra esse jubet.

V. THEODOSIVS de Gothis & Scythis triumphat, *Atharicum* ipsorum Regem honore afficit, Gruthungos in Istro demergit, de Eugenio ab Arbogaste

gaste in locum Valentiniani substituto, insignem victoriam reportat: *Honorium & Arcadium* filios Imperatores declarat.

Ejus tempore

Concilium Constantinopolitanum celebratur, *Nicenum* approbatur; Locus *Constantinopolitano Episcopo* post *Romanum* proximus assignatur, *Ambrosius* *Theodosium* excommunicat: Circa Mortuorum ossa delirare quidam incipiunt.

PUNCTUM IV.

De quarta speciali imperii divisione.

[Ad ann. M. 4423. Christi 474.]

AD quartam specialem imperii divisionem pertinet historia 1. *Arcadii*. 2. *Theodosii*. 3. *Marciani*. 4. *Leonis in Orient-*

Oriente; *Honorii & Valentiniani III.* in Occidente.

I. *ARCADIUS* in Oriente *Ruffinum*, *Gainam* & *Eutropium* imperio inhiantes opprefsit, *Spe&acutacula gladiatorum* abrogavit, filio *Theodosio* *Isdegerdem Persam* tutorem reliquit.

Sub eo

Alaricus Gothus Græciam vaſtat. In *Eccleſia* excitatur Schiſma inter Orientalem & Occidentalem Eccleſiam, & viget de *libris & dogmatibus Origenis* controverſia: *Chryſoſtomus & Epiphanius* inter ſe contendunt: *Monachorum* ſoboles gliſcit.

II. *THEODOSIVS II.* Arcadio ſuccedit, à *VVararane* Perſa infeſtatur, ſed eundem vincit, & Saracenos auxiliareſ cædit: victoria etiam in monomachia per *Areobindam* po-

titus, pacem ipsi imperat. *Constantium* ab Honorio Imperatorem declaratum agnoscere non vult. Johannem scribam etiam supplicio afficit.

Ejus tempore

Incipiunt Franci in Gallia regnare: primus Rex est Pharamundus, cui succedit, post Clogium, Merovæus. Veneti, sinus Adriatici accola, occupato in vicino mari loco, qui adhuc rivus altus dicitur, ponunt fundamenta ejus urbis, qua regina Urbium dicitur. Concilium Ephesi Oecumenicum III. celebratur, in quo Nestorius damnatur.

III. MARCIANVS Theodosio succedit, Pulcheriam in speciem in matrimonium ducit, cum Vandalis pacem facit. & frequenter illud in ore habet: quamdiu pacatè vivere licet, non est decorum principi, ut arma sumat.

Ejus

Ejus tempore

Occiso Valentiniano Gensericus Romam spoliat, & Maximus interficitur: Avitus vero, qui ei successit, Francos trans Ligerim comprimit: cis Ligerim Theodoricum Gothorum Regem à Romanis in Hispaniam & Suevorum ibi Regnum avertit: à Rizerico Roma pellitur.

Quantum ad Ecclesiam, in Concilio Oecumenico IV, Chalcedone celebrato, damnatur Eutyches, & Leo Papa actis subscribere non vult.

IV. LEO Marciano substituitur, per Majoranum Vandalos Italia pellit; in Gallia à Gothis adempta recipit: per Iulium Nepotem Glycerium, Olybrii in Occidente successorem, Imperio deponit: à Theodomiro Gothorum Rege Theodoricum Veronensem obsidem recipit.

Sub eo

In Occidentali imperio Severus Alanos in Italia delet. Julius Nepos contra Orestem Gothum Odoacrum Herulorum Regem accersit. Hic Augustum Imperatorem Occidentis in exilium mittit, & Regnum suum in Italia stabilis. Ex Gallia fugit Childericus in Thuringiam. Constantinopoli excitatum est à Studio Consulari Cœnobium.

V. HONORIVS Alaricum Gothorum Regem per Stiliconem in Illyricum ex Italia ejicit, ipso Stilicone occiso: milites sibi infensos reddit, & ab Alarico Ravennæ obsidetur. Attalum contra se electum, & Constantinum Imperatorem in Galliæ oris imperium sibi vendicantem per Constantium obtruncat.

Sub eo

Alaricus Visigothorum Rex
Pano

Pannonias occupat, bis Romam capit, Italiam ad Siciliam usque vastat, Athaulfus ejus affinis Gothos in Narbonensem Galliam educit. Vallia ejus successor Hispania ceterioris partem, in quam duce Godegesilo Vandali penetrarant, obtinet. Burgundiones sedes ad Rhodanum ponunt.

Ecclesiam quod concernit, Innocentius Papa vetera Numina sacrificiis placare permittit. In Concilio Carthaginensi hæresis Pelagiana damnatur, Burgundiones ad Christum convertuntur.

VI. VALENTINIANVS III.

Honorio succedit, Cassinum Bonifacii ducis opera profligat, Placidia arbitrio res dirigit: vitam, propter pudicitiam uxoris Maximi violatam, amittit.

Ejus tempore

Genfericus Vandalorum in Hispania Rex Africam occupat,

*in Siciliam trajicit; Attila Hun-
norum Rex Græciam vastat, in
Galliam excurrit, in campis Cata-
launicis ingenti prælio (clxiii. m.
peruisse dicuntur) ab Aëtio &
Theudericò Visigothorum Rege
vincitur. Britanni, evocatis Sa-
xonibus duce Hengisto & Horfa,
contra Scotos, ab ipsis domantur,
terra in septem regna dividitur.*

Quantum ad Ecclesiam, Ro-
manus Episcopus Apiarii causam
agit, falsitatis convincitur, Leo
Papa primus dominatum in o-
mnes totius orbis Episcopos sibi
vendicat.

ARTICVLVS II.

*De divisione Romani Impe-
rii à barbaris facta.*

[Ad ann. M. 4476. Christi 527.]

Tantum de divisione Ro-
mani Imperii ab ipsis Im-
pera-

peratoribus facta. Sub divisione
quæ Barbaris in Italia regnan-
tibus duravit, comprehenditur
historia 1. Zenonis. 2. Anastasii
Dicori. 3. Iustini.

1. ZENO, Leone, filio ex Ariadne
suscepto, mortuo, imperat, à
Sebastiano regitur. Basilisco im-
perium occupante, in exilium
fugit, revocatus paulo post se-
pulchro ab uxore includitur.

Ejus tempore

Scythæ & Gothi Thraciam
populantur. Odoacer Bulgaros,
gentem Henetam, quæ nuper à
Volga fluvio in Romanas pro-
vincias venerat, conducit, rex
Italia salutatur. Vortimerus
Britannorum Rex à suis crema-
tur. Clogius finem Romano Im-
perio in Gallia imponit.

Ecclesia patitur in Africa sub
Hunerico & Gundabundo perse-
cutionem.

II. ANASTASIUS DICORVS , seditionem à Longino excitatam difficulter sedat , à *Cabade* Persa pacem pecunia redimit. Vitalianum Scytham eludit , *Avaros* impunè grassari permittit, fulmine perit.

Eo regnante

Theodoricus , *Odoacro* interfecto, *Italiam*, *Pannoniam* *Syrmio* occupato , sibi sumit. In *Hispaniam* arma profert. In *Gallia* *Clodoveus* cum *Alarico* bellum gerit. *Burgundionum* Rex *Gundebundus* fratri bellum infert.

Quantum ad Ecclesiam , *Anastasius* orthodoxos persequitur. *Alamandurus* Christo nomen dat. Festum *Michaëlis* *Archangeli* instituitur.

III. JUSTINVS Hunnorum Regis infidelem militiam experitur , cum *Cabade* pacem facit.

Ejus

Ejus tempore

*Morosior fuit Theodoricus. Scia-
vi gens Scythica Histriam oc-
cupant. Almaricus fit Gothorum
in Gallia & Hispania Rex. Fran-
ci partem ipsorum regni in Gallia
ab Amalsuintha accipiunt.*

*Ecclesia tum crevit, Mani-
chaorum excidio, Laziorum &
Vandalorum Regis Hilderici ac-
cessu.*

MEMBRUM I.

*De restauratione Romani
Imperii.*

[Ad ann. M. 4560. Christi 611.]

H Actenus fuit magna pars
Romani Imperii ab Im-
peratoribus avulsa. Re-
stauratum dicimus, non quod
omnia sint vindicata, sed quod
Italiâ Barbari sint expulsi. Sub
hac

hac vero comprehenditur Historia 1. *Iustiniani*. 2. *Iustini Junioris*. 3. *Tiberii II*. 4. *Mauritii*. 5. *Thocæ*.

I. JUSTINIANVS opera Belisarii Persas vincit, Africam *Vandalis* eripit, Romam *Gothis* aufert, Siciliam per Mundum occupat: per Narsetem verò, post varia certamina capto *Teja*, regno *Gothorum* in Italia finem imponit, Hunnos opprimet: leges, ope Triboniani & aliorum xxxi. Jurisconsultorum, colligit.

Eo imperante

Samaritani regem sibi eligunt & caduntur. Franci Thuringos & Saxones domant, in Hispania in arctum coguntur. Certicius Westsaxonum in Anglia Rex Velim insulam occupat. Burgundiones Mediolanum occupant. Dani Frisiam vastant, Frisii Da-

niam. Lechus principatum in Polonia constituit.

Quantum ad Ecclesiam, festum *ἡμερῶν τῆς* instituitur. Concilium Oecumenicum quintum in quo nullus ex Occidente Episcopus interfuit. Constantinopoli de tribus Capitulis celebratur. Romæ Schismata vigent. Adad Æthiopum Rex Christianam religionem amplectitur.

II. JUSTINVS JUNIOR, Ravennæ Exarchatum instituit. primus Exarchus est Longinus, justitiam administrat, patrocinium Armeniæ & Iberiæ infeliciter suscipit.

Sub eo

Cosroës M. Persarum Rex provincias Romanas horribiliter invadit. Leovigildus integro Gothorum in Hispania regno cum Narbonensi Gallia potitur. Ethel-

thelbertus Rex Anglia insulam totam excepta Northumbria occupat. In Gallia persequitur Clotharius Chramnum filium. Longobardi à Narsete exciti intra Alpes, Apenninum & mare Ligusticum novum regnum ducè Alboino excitant.

In Ecclesia Romana seditiones ob successionem & pascha vigent. Ethelbertus Rex Canthuariensium Christianam religionem recipit. Theudemirus Suevorum in Hispania Rex Arrianismo valedicit. Pici à Columbano in religione instituuntur. Donatus primus Monachatum in Hispaniam inducit.

III. TIBERIVS II. Casroëm ferè capit. Ormisdam ejus successorem compescit. Eleemosynas liberaliter largitur.

Eo imperante

In Gallia fratres, inter quos divisum erat regnum, tumultuantur. Longobardi Duce Arichide Beneventum occupant. Leovigildes Arrianismum in Hispania propagat.

IV. MAURITIVS Persas ad eo reprimi, ut æternam pacem fecerint, *Sclavos* compescit; in odium, quod captivos à *Chagano* redimere non vult, venit; à *Phoca*, in suum locum substituto, miserè cum universa domo occiditur.

Eo imperante

Chaganus Avarorum Rex Turcas Sogdiana incolas vincit. Leovigildus regno Suevorum in Hispania, Andecane rege capto, potitur. In Gallia Fredegundis adultera rem filii strenuè agit. Edelfridus Northumbrorum in Anglia Rex Aidanum Scotia Regem

Regem vincit. Romanus Exarchus loca quadam Longobardis eripit. Antharit Longobardorum Rex Histriam occupat. Agilulphus Romæ minitatur.

In Ecclesia turbatur propter Oecumenici Episcopi titulum. Gregorius M. Romæ floret. Angli per Augustinum convertuntur. Reccaredus in Hispania Orthodoxis accedit. In Concilio Gallico ordinatum, ut mulieres Eucharistiam adhibito linteolo nitido reciperent.

V. PHOCAS bello à Cosroë & Cagano petitur, crudelitatem in Narsetem & alios magnos viros exercet, ab Heraclio Heracleonis Africa & Lybiæ præfecti filio, vincitur & occiditur.

Eo saviente

Vitricus Gothorum in Hispania Rex inter epulas occiditur. In Gallia Brunehildis tumultuatur.

tuatur. Agilulphus Longobardus
 multa loca de Exarcho capit.
 Sclavini qui & VVinidi Hunno-
 rum & Avarorum jugum excu-
 tiunt. Bonifacius, Oecumenicus
 Episcopus, à Phoca esse jubetur.
 Campana in Burgundia intro-
 ducuntur. Judæis à Sisebuto in
 Hispania imponitur, ut Chri-
 stianam religionem discant.

MEMBRUM III.

*De repetita Romani Imperii
 divisione.*

ARTICVLVS I.

*De Imperatoribus Hera-
 cleonidis.*

[Ad ann. M. 4669. Christi 719.]

ET hæc etiam sufficiant de
 illo tempore, quo inter-
 rupta fuit Romani Imperii
 divisio : sequitur jam eadem
 I repe-

repetita, & quidem in Oriente, excitato, à Mahumete perfido, regno. Imperatores, qui hoc temporis tractu occurrunt, sunt vel *Heracleonida* vel *Isaurida*. Illi à patre sic dicti sunt. 1. *Heraclius*. 2. *Constans*. 3. *Constantinus*. 4. *Iustinianus*. Quibus accenseri possunt 5. *Philippicus Bardanes*. 6. *Artemius*. 7. *Theodosius III*.

I. HERACLIVS Persas primo ad Æthiopiam usque grassari permittit, post eosdem in ipsa Persia, Turcorum copiis sibi adjunctis, vincit, & Constantino-
ante poli defensa pacem cum Sirois, qui *Cosroem* post occidit, facit.

Eo imperante

Machometus Coranum spargit, & novum Regnum in Arabia excitavit, Omar Calipha secundus Persicum Imperium à gente Artaxati ad Saracenos transfert, & Syriam ferè totam sibi sub-
 cit.

cit. Rotharis Longobardus duas provincias Heraclio eripit, Svin-
tilla totius Hispania Dominus fit.
In Gallia regnum amplissimum
Dagoberto & Ariberto filius suis
Clotharius II. relinquit, quo-
rum ille Frisios cum Rege Beroal-
do vincit.

Ecclesia numero professorum
augetur. Edvinus & Vinegildus
Reges in Anglia religionem sus-
cipiunt. Ercombertus Idola de-
struit. In Conciliis Toletanis de
non admittendis in Hispaniam
non Catholicis, non cogendis
ad religionem Judæis, quædam
decernuntur.

II. CONSTANS He-
raclio post Constantium fra-
trem succedit: ab Othmene, Ca-
lipha & Longobardis magna
clade afficitur. Romam spoliat,
crudeliter in suos etiam grassa-
tur.

Eo imperante

Othmen Calipha *Cyprum* & multa alia occupat ; Rothariꝯ Longobardus omnes in *Tuscia* urbes capit. Grimoaldus *Auares* *Bulgaros* in amicitia continet : *Bulgari* *Bovianum* in *Italia* accipiunt. *Dalmata* *Sclavi* *Duce* *Czecho* regnum *Bohemorum* occupant. In *Gallia* *Austrasiani* turbant, & res *Mærovingorum* familiæ inclinantur.

Quantum ad Ecclesiam, *Constantinus* ob hæresin *Monothelitarum* malè affectus est. *Vitalianus* *Papa* organum *Musicum* in templa introducitur. In *Concilio* *Toletano* festum *Annunciationis* *Mariæ* in 17. Decemb. transfertur. In *Anglia* de *pasehate* agitur.

III. CONSTANTINVS
in illa barba
 POGONATVS motus Saraceno-
 norum in *Sicilia* componit, fra-
 tres

tres mutilat, Constantinopolin fortiter defendit, & pacem in triginta annos facit.

Eo regnante

Saraceni in Africa & circa Hispania oras tumultuati sunt. Mysia inferior Bulgaris concessa est. In Hispania rem egregie Vvamba administrat. In Gallia Ebroinus Theodoricum possidet. Pertharis ab exilio in regnum Longobardicum redit.

Quantum ad Ecclesiam, in Concilio Constantinopolitano *Monothelita* damnantur. *Muscar* Pseudopropheta Persidem occupat. *Sudarium Christi* invenitur. *Confirmatio Pontificis* Constantino Clero remittitur.

I V. J U S T I N I A N V S
Rhinoemetus inducias cum Saracenis & Bulgaris factas infeliciter bis rumpit, *Mardaitas* removet, Sycophantis ni-

mium auscultat, in exilium pel-
litur, sed per Bulgaros redux in-
gratum & crudelem se ostendit.

Interim

Eo exulante Leontius Sara-
cenos ex *Aphrica* redeuntes vin-
cit. *Apsimatus* ipsius successor
eosdem in *Syria* & *Cilicia* cladi-
bus afficit. Apud Saracenos *Mar-*
vanis, qui primus cum posterita-
te axioma illud aliquandiu obti-
nuit, filius *Abdelmelechus*, re-
gnat. *Longobardiam* *Ragunber-*
tus Taurinensium Dux ad se tra-
hit & filio relinquit. In *Gallia*
Pipinus *universa Francia* major
domus creatur, & *Radbodum*
Frisiorum regem ab *Ultrajecto* re-
pellit.

In *Ecclesia* sunt dissidia inter
R. P. & *Ravennatem*: quidam
ad *Christianismum* convertun-
tur.

V. PHILIPPICVS BAR-
DANES

DANES turbulente rem administrat : à Papa rejicitur.

Sub eo

Saraceni *Pisidia Antiochiam* occupant. Aribertus Longobardus in Ticino aene suffocatur.

Ecclesia *Monothetarum* hæresi turbatur. Primus Pontificum *Constantinus* aspectu hæreseos obedire summæ potestati renuit. Imaginum controversia incipit.

VI. ARTEMIVS ANASTASIVS milites contra Saracenos Rhodum mittit, qui *Theodosium Adrumettenum* imperare jubent, & reduces Artemium Monasterio mancipant.

Eo imperante

Saraceni *Galatiam* depradantur. Rodericus Hispanus in prælio contra eos cadit, & iisdem Hi-

spaniam relinquit, Carolus Martellus ex exilio redit.

VII. THEODOSIVS III, captus à Leone filio suo, purpuram anno vertente deponit, reliquum vitæ tempus pro Clerico Ephesi exigit.

Ejus tempore

Musalmas Saracenus Pergamum capit.

ARTICVLVS II.

De Imperatoribus Isauridis.

[Ad ann. M. 4750. Christi 800.]

Imperatores Isauridæ ab Isaurorum patria sic dicuntur. & sunt:

1. *Leo Isaurus.*
2. *Constantinus.*
3. *Leo IV. Porphyrogenitus.*
4. *Constantinus V. cum Irene matre.*

I. LEO ISAVRVS *Suleimanem*

nem Calipham Constantinopolim obsidentem ingenti praelio vincit, cum Haschemo pacem facit, à Gregorio Pontifice Romano excommunicatur.

Eo regnante

Chaganus Cazarorum princeps Saracenos fundit, Luitprandus Longobardus Ravennam Exarcho adimit, à Gregorio post infestatur. Carolus Martellus res egregiè gerit. Amicitiam Longobardicam magni facit, Saracenos ingenti praelio vincit. In Hispania ad Asturia montes erigitur novum Legionis & Castellæ regnum, ad saltus Pyrenæos Garsias Ximerius fit Rex Navarra & Suprarbiæ.

Ecclesiam quod concernit, Inas VVest-Saxonum in Anglia Rex ditiones suas Vestigales R. E. facit. Luitprandus donationem Alpium renovat.

Imaginum controversia viget,
& inter propugnatores *Dama-*
scenus. Beda moritur.

II. CONSTANTINVS
Copronymus Artavaſdum re-
primit, Saracenos in Aſſyriam
uſque perſequitur, Bulgaros ad
quietem compellit.

Eo imperante

Saraceni ſeditionibus ob Abra-
hamum Sacerdotem occiſum a-
gitantur. Abugephar Elmant-
zur Seleuciam readificatam Ba-
gdet vocat. Longobardi Rachifius
& Aitſulphus Romanos Pontifices
inquietant, à Pipino reprimun-
tur. Hic Rex Francorum ſaluta-
tus Carolovingorum Dynaſtiam
erigit, gratum erga Romanam
Eccleſiam ſe gerit, Parliamentum
inſtituit. Hispania fuſo Juzapho
veſtigali Mizamolino Babylo-
nio eſſe deſinit.

In Eccleſia controversia ima-
ginum

ginum vehementer urgetur, Monachi infestantur, & Pontifices inter se tumultuantur.

III. LEO IV. Telericum Bulgarum pulsū benigne excipit, in Syria Saracenos vincit, post carpit.

Eo regnante

Desiderio Longobardo capto impositus est à Carolo finis regno ipsorum in Italia; ab eodem multa in Saxonia occupantur. In Polonia floret Venda regina.

Ecclesia reductis ad Christianismum multis Germaniæ populis & erectis Episcopatibus aucta est. Controversia imaginum viget.

IV. CONSTANTINVS V. per matrem primo rem feliciter contra Sclavos gerit, per se cum Saracenis & Bulgaris infeliciter bellatur, crudelitatem exercet,

cet, à matre exoculatur: hæc vero dividere cum Carolo imperium cupit.

Interim

Carolus Saxones in Brabantiam transfert. Tassilonem Bavaria Ducem capit: Hunnos contundit, Augustus & Romanorum imperator à Leone Papa proclamatur. Alphonsus Asturum Rex Saracenos fundit. Dani in Angliam appellant.

Quantum ad Ecclesiam, Nicæna II. Synodus cultum imaginum approbat, Francofurtana mediam viam ingreditur: de processione Spiritus sancti disputatur; Romæ, de successione.

CAPVT II.

*De Imperatoribus sub
divisione II.*

Sic Deo benedicente emensi sumus tempora, quæ inter divisionem primam & secundam intercessere. Hujus tempora in *interregnum antecedentia*, & *eadem consequentia* dispescuntur. Duo itaque hic exsurgunt membra.

MEMBRVM I.

*De Imperatoribus ante
interregnum.*

Imperatores qui temporibus interregnum antecedentibus fuere, fuere vel *ex Franciis*, vel *Saxonibus*, vel *Franconibus*, vel *Suevis*, vel *diversis familiis*. Unde quinque articuli oriuntur.

ARTI-

ARTICVLVS I.

De Imperatoribus Francis.

[Ad ann. M. 4869. Christi 919.]

EX Francis fuere: 1. *Carolus M.* 2. *Ludovicus Pius.*
 3. *Lotharius I.* 4. *Ludovicus II.* 5. *Carolus Calvus.* 6. *Ludovicus Balbus.* 7. *Carolus Crassus.* 8. *Arnulphus.* 9. *Ludovicus IV.* 10. *Cunradus I.*

I. **CAROLVS M.** Longobardicas leges recenset, Venetias sibi subiecit, post sui juris esse finit. Helmstadium, Naumburgum, Dresdam, Hamburgum condit, erga Ecclesiam liberalis est.

Eo imperante

In Oriente Nicephorus Imperator crudelis ab Aharune Ereschide Calipha vincitur, à Crun-

no Bulgaro interficitur. Michaël
 Curopalates Saracenos reprimi-
 t. Ipsi tres Caliphas simul habent.
 In Dania floret Gothricus, Gor-
 monis, qui incredibilia patrasse
 dicitur, filius: Edelredus reduci-
 tur in Angliam. In Scotia fert
 Achaius per fratrem Guilielmum
 Carolo auxilia. In Hungaria eri-
 git secundam Hunnorum Dyna-
 stiam (prima dicitur auctor Ba-
 lamber) Arphad. In Polonia Le-
 scus II. infestat Caganum Hun-
 norum Regem. Tertius inter fi-
 lios 21 distribuit provincias.

Quantum ad Ecclesias, pel-
 luntur ex Asia Christiani ab A-
 harune. Constantinopoli ob re-
 ceptionem excommunicati abs-
 que pœnitentia discedunt. Conci-
 lium celebratur Aquisgrani.

II. LUDOVICVS PIVS,
 Sclavos, Sorabos, Bernhardum
 fratris Pipini filium compescit.
 Ludovicum Pannoniæ infe-
 rioris

rioris Ducem & Nortmannum opprimit, à filiis impiè exagitur.

Eo imperante

Leo Armenius à Balbo in templo caditur; hic Siciliam & Dalmatiam amittit. Saraceni Creta nomen Candix imponunt: In Asia cum Theophilo variè Marte contendunt. Sanctius Navarrenus, à Saracenis occiditur; Ranemirus Hispanus illos terret. In Anglia Ebertus VVest-Saxonum Rex tota Insula potitur; filius ejus à Normannis impetitur. Alpinus Scotus à Pictis occiditur: at Kennethus filius ipsos delet. Haraldus Rex Danorum Moguntia baptizatur. Popielus in Polonia patruos suos veneno interimit.

Ecclesiam quod concernit, Constantinopoli imagines prohibentur: à Gregorio Papa festum.

stum omnium Sanctorum instituitur.

III. LOTHARIUS I. Ludovici filius à fratribus bello petitus ad justam hæreditatis divisionem adigitur; Lotharingiæ nomen dat, Monasterium ingreditur.

Eo imperante

Michaël III. *contra Saracenos in Oriente non satis feliciter pugnat, per Theodoram & Bardam omnia administrat. In Germania vincit Ludovicus Sorabos. Galliam carpunt Normanni. Italiam Saraceni populantur, sed à Ludovico Lotharii filio repelluntur. In Hispania Ordonius à Toletanis recipitur. In Anglia Cantium & Northumbria Pontifici in uestigal obstringitur. In Polonia Piasus Crusvicensis evehitur ad regnum.*

Quantum ad Ecclesiam; Ro-

K

mā

ma sedet post Leonem IV. Iohannes VIII, fœmina. Bulgari Christianismum recipiunt.

IV. LUDOVICVS II. Italiam contra Saracenos defendit. Rex Lotharingia post fratris mortem Romæ creatur, imperium patris relinquit.

Eo imperante

Basilis Macedo in Oriente Saracenos ita affligit, ut decennium quiescant: ararium restaurat. Apud Saracenos Caliphatus dividitur, Abasidæ in Bagded, Tolonis verò posteri in Ægypto sedent. Russorum nomen innotescit. In Gallia Britones pacem extorquent Carolo. In Hispania Alphonsus M. Saracenos sternit. Anglia à Normannis vastatur. In Scotia Moniales, ne ipsis prada fiant, nasos sibi & labrum superius mutilant. In Germania Sclavi, duce Suentiboldo, Carolo-

rolomanni exercitum fundunt.
Ludovicus multa bella contra
Bohemos & alios gerit.

Quantum ad Ecclesiam, Con-
cilio Oecumenico VIII. Constan-
tinopoli celebrato, Cultus ima-
ginum stabilitur. Corbienses
Monachi in *Rugiam* descen-
dunt.

V. CAROLVS CALVVS
Ludovici demortui patruus à
Pontifice coronatur. Basonem
Regem Provinciæ Berengarium
Forojulienfium, Guidonem Spo-
letanorum Ducem creat. Ludo-
vici Germanici filiis Lotharin-
giam infeliciter eripere cupit; à
Carolo Crasso in fugam conji-
citur.

Eo regnante

In Oriente Osman Amiram in
pralio occumbit. In Gallia Duces
Britonum, occiso suo Rege inter se
congregiuntur. Ludovicus eam

ferè occupat. Normanni partem illam, quæ Normannia dicitur, duce Rollone accipiunt. Hollandiæ Theodoricus Comes primus datur.

VI. LUDOVICVS BALBVS, patri, Papa approbante, succedit; pacem cum Regibus Germaniæ æquis conditionibus sancit.

Eo imperante

Boslo Burgundiam invadit. Hugo in Gallia tumultuatur. Normanni in Germaniam expeditionem suscipiunt.

VII. CAROLVS CRASSVS Ludovici II, Regis Germaniæ frater, Regnum Longobardorum occupat, Godefrido Normanno Frisiam cum Lotharii filia dat, Italiam pacat, conspirationem contra Carolomanni filium sedat.

Eo regnante

Basilius Macedo speciem filii de-

defuncti, ut viventis, videt. Saraceni Syracusas evertunt, & Capuam obtinent. Normanni in Gallia & Belgio tumultuantur: In illa etiam inclinatur familia Carolina per Ottonis tutelam. Formosus Episcopus ob liberio-rem vitiorum sedis Apostolicæ reprehensionem in carcerem conjicitur. Pontifices se potestati seculari planè eximere incipiunt.

VIII. ARNVLPHVS turbulentissimum imperium accipit, Normannos coërcet, Guidonem, qui Berengarium ejece- rat, ex Italia pellit: ab Agiltrude, ipsius conjugæ, pharmacum accipit, Sclavos atterit.

Eo imperante

Leo in Oriente cum Bulgaris & Saracenis rem habet, Beneventum capit. In Hispania fit Abarca primus Rex Arragoniæ, & Pampelonæ; Alfonsus suum

Regnum optimè administrat. In Gallia redit Carolus VII. cum prorege Ottone in gratiam. Lescus IV. tranquille principatum in Polonia tenet.

In Ecclesia Romana sedent, Baronio teste, homines mon-
strosi. In Formoso Pontificum virtus deficit.

IX. LUDOVICVS III. Comitem Bambergensem securi percutit; cum Hungaris semper invito Marte concreditur, unde in contemptum incidit.

Eo regnante

In Oriente Muchtaphi Amyra Bagdети Amyram Aegyptiorum vincit. Gallia quiescit. In Italia Ludovicus Bossonides à Berengario excacatur. Lambertus Guidonis filius pro Imperatore se gerit. Romæ verò Theodora, scortum impudens, imperat. Anglia tota ad Eduardum, Nort-

humm-

humbria excepta, pervenit. Calcutum in India exstruitur. Romæ sedet Sergius III. homo sceleratissimus.

X. CUNRADVS Hungaros attrivit, cum principibus sibi infensis variâ fortunâ certavit, Henricum hostem suum ad imperium commendavit.

Eo imperante

In Oriente Constantinus, auspiciis Zoæ matris, Bulgaros ab obsidione Constantinopoleos repellit, Saracenos in Italia profligat. In Hispania Almanzor ingenti prælio à Ranimiro vincitur. Carolus Simplex Rex Galliæ Lotharingiam occupat. In Anglia Normanni fœdus cum Scotis faciunt. In Polonia Ziemomisso filius cæcus nascitur. Romæ provehit Theodora Scottum Iohannem amasium suum ad Pontificatum.

ARTICVLVS II.

De Imperatoribus ex familia Saxonum.

[Ad ann. M. 4972. Christi 1023.]

HI fuere ex Francis Imperatores: ex Saxonibus sunt
 1. *Henricus Auceps*. 2. *Otto Magnus*. 3. *Otto II*. 4. *Otto III*.
 5. *Henricus II. seu Sanctus*.

I. **HENRICVS AVCEPS** æmulos suos coërcet, ab Hungaris inducias primò novem annorum exprimit, post eisdem fundit, Bohemiam imperio tributariam facit; Vandalos cædit, Misenam condit.

Eo imperante

In Oriente Romanus Melinam Saracenis eripit. Constantinus VII. Cretam infeliciter tentat. Turcæ Constantinopolim obsident.

dent. In Hispania Ordonius Legionem aulam transfert, & Saracenos ex Gallacia ejicit. Alfonsus & Ranimirus fratres contendunt; Abderamen Cantabria partem occupat. Italiæ regnum Hugo Comes Arelatensis obtinet, urbem Scorto illi relinquere cogitur. In Gallia dat turbas, novi Regis, Carolo Simplice derelicto, electio: In Anglia fugat Adelftanus Danos, Scotis Cumbriam & Vestmerlandiam adimit. In Bohemia Boleslaus VVenceflaum ob Christianismum interficit. Romæ sedet Sergii Pontificis ex Merozia Scorto filius. Epi- scopi Græciæ pallia à Romanis Pontificibus redimere desinunt; pueris beneficia Ecclesiastica conferri incipiunt. In Erfurtina Synodo celebratio natalium dierum omnium Apostolorum instituitur.

II. OTTO MAGNVS

K 5

prin-

principes & fratrem suum, in se insurgentes, felicissimè reprimunt, Daniæ Regem *Haraldum* devincit, *Boleslaum Bohemum* ad Christianismum adigit, *Ludovicum transmarinum* regno Gallia restituit, Lotharingiam occupat, Belgas & Burgundos imperio adjicit. in Italia *Beren-garium* & Pontificem coërcet.

Eo imperante

In Oriente Romanus, Cre-tam à Saracenis recipit. Nice-phorus magnam Asia & Syria partem cum metropoli Antiochia, Cimisces eosdem cum Bulgaris vincit. In Hispania fortunam Hispanorum in prælio cum comite Castellæ inclinat Albaca. In Anglia Eldredus innocentia favet; sub Eduino lupi exstirpandi incipiunt. Bohemus fit imperii Vasallus. In Polonia Miecillusus Chri-

Christo nomen dat. Dambrouca ei à Persteinio, cui ortum illustrissima Leszcziniorum familia debet, adducitur. Dania Rex Sueno ab Erico Suenone in exilium pellitur. Beraldus Morienna Dominus, à quo Sabaudia Ducum familia floret.

Quantum ad Ecclesiam, Theophylactus Patriarcha Constantinopolitanus equos bis mille alit. Ungari & Dani Christo nomen dant. Iohannes pessimè Romæ sedet. Campanæ baptizari incipiunt.

III. OTTO II. Henricum imperium sibi invidentem coërcet. Aquisgrani à Gallo & Burgundo ferè opprimitur. Lotharingiam inter Carolum, Coloniensem & Leodiensem Episcopos, tanquam beneficium imperii, nil obstante Gallo, dividit. Nivellas, Lovanium, Antverpiam, Marchionatus facit.

Con-

Contra Græcos in Italia non
satis feliciter pugnat.

Eo imperante

In Oriente Basilius Sclerum
& Bardam rebelles coërcet, Sa-
vacenos domat, à Bulgaris fuga-
tur. In Hispania est inter Rani-
mirum & Veremundum bel-
lum. Almanfor Hislèmi tutor
quinguagies bis expeditionem in
Christianos suscipit. In Anglia
tollitur Eduardus. Heraldus Da-
nus de obligatione, qua Impe-
rium, cum Ottonem transigit. Ro-
mæ Bonifacius VII. parricida
urbe pellitur, redux Johannem
XIV. fame necat. Synodus con-
tra Dunstanum in Anglia mise-
rum eventum sortitur. Villigifus
plaustrarii filius, fit Moguntinus
Archiepiscopus.

IV. OTTO III. Bohemos
compescit, Crescentium rebel-
lem

lem Romæ punit: ut penes solos Germanos jus eligendi imperatorem esset, decernit: veneno enecatur.

Eo imperante

In Oriente vincit Bulgaros Basilius. In Hispania Saraceni Gallaciam vastant & profligantur. In Gallia devenit regnum ad Hugonem Capetum. Veneti Dalmatia tractum circa mare cum Insulis finitimis ab Istria ad extremos Illyrici fines possident. In Anglia Ethelredus cum Richardo Normanno contendit. Dani Stadensem urbem capiunt. In Scotia occiditur miro stratagemate Kennethus I. In Polonia saluatur Boleslaus ab Ottone Rex. In Hungaria recipit Stephanus Christianismum. In Hollandia trucidatur Dux Arnulphus à Frisonibus. Romæ dejicitur sede Gregorius V.

V. HENRICVS turbas à Balduino Flandriæ Comite, Bernharδο Saxone, Bohemis, Polonis & Vandalis motas, sedat; Arduinum pro Imperatore se venditantem compescit: Saracenis & Græcis Italiam adimit, Normannis concedit.

Eo imperante

In Oriente Basilius Bulgariam totam imperio suo adjicit. Calipha Ægypti templum Hierosolymis evertit. In Hispania inclinat Maurorum fortuna, & Alphonsus V. Legionem recuperat. In Gallia Robertus piè regnat. In Anglia devenit Majestas regni ad Danos. In Scotia æquissimè regnat Milcolumbus II. In Polonia multa contra Russos, Bohemos, Saxones & Borussos agit Boleslaus. Fridericus Hollandiæ Comes Episcopum Ultrajectinum vincit, à Frisiis vincitur.

Romæ

Romæ facit Sylvester II. pa-
ſſum cum Diabolo. Synodi Galli-
 ca multa ſtatuant. Neomagen-
 ſis, ut in celebratione Miſſæ panis
 ad altaris dextram, calix ad ſi-
 niſtram ſtatnatur, decernit.

ARTICVLVS III.

*De Imperatoribus ex Fran-
 conica familia.*

[Ad ann. M. 5087. Chriſti 1138.]

SAxonicam familiam excepit
 in Imperio Franconica. Ex
 ea verò 1. *Cunradus II. Sa-*
liquus. 2. *Henricus III. Niger.*
 3. *Henricus IV.* 4. *Henricus V.*
 quibus Lotharius annumerari
 poteſt, Imperatores fuere.

I. **CUNRADVS II.** Sali-
 quus, Ticinenses in ordinem
 cogit, cum *Stephano* Vngariæ
 Rege bellum gerit, & compo-
 nit,

nit, Burgundiam sub nomine Regni Arelatensis imperio adjicit, Italiam pacat.

Eo imperante

In Oriente Constantinus deses feliciter rem per Duces contra Bossinos & Saracenos gerit. Romanus ab eis castris exiit. Michaël Siciliam sibi propemodum subjugat. Calipha Ægyptius triennales cum eo inducias pangit. Turci à Muchumete Principe Persidis evocati, Tagrolipicen Ducem, occiso Muchumete, universa Persia Regem faciunt, & Babylonem occupant. In Hispania Ferdinandus Vasconia, Cantabria, Castella, Suprarba & Arragonia imperat. In Gallia Roberti Regis filii bello civili inter se digladiantur. Anglia & Norvegia Danis iterum eripiuntur. In Scotia Donaldus Suinum Danum variis praliis fatigat. In Polonia post
Mic-

*Miecislauum primo egregium, post
facilem, interregnum est. Tractui
Polocensi Masovia nomen impo-
nitur. In Vngaria instituitur à
Petro tyrannis.*

Quantum ad Ecclesiam, *Be-
rengarius de Sacramento, alii
de jurisdictione Abbatum &
Episcoporum, nonnulli de Mar-
tiali* disquirunt.

II. HENRICVS III. Niger
Urbanum Hungariæ Anti-Re-
gem vincit: cum Godefredo,
Gozelonis Ducis Lotharingiæ
filio, bellum gerit: in Italia
omnia componit, Flandriam
vastat, exercitum contra Luti-
tios missum amittit.

Eo imperante

*In Oriente Calaphates excu-
catur, Constantinus Monomachus
Turcas & Pazinacas vincit, Mi-
chaël Stratiota à Comneno dejici-
tur. In Perside Turcarum Sutra-*

nus fratrem Cutlumusum fugat.
 In Africa Abul Texifus Tingita-
 ni regni administrationem sus-
 cipit, sedem imperii Agmeti si-
 git. In Hispania Ferdinandus
 Portugalliam Mauris eripit, &
 imperatoris nomen sumit. In Ita-
 lia Nortmanni Apuliam retinent,
 Godefridus Lotharingus Marcam
 occupat. In Anglia Eduardus III.
 regnum pie & justè administrat.
 In Scotia Milkolumbus dignita-
 tum nomina instituit. In Polo-
 niâ Casimirus Maslaum Mazo-
 via invasorem opprimere cona-
 tur. In Bohemia Prenzlaus fit
 imperii tributarius. Spigneus Ger-
 manos pellit. In Hungaria Pe-
 trus ab Andrea suo propinquo ex-
 cecatur. In Dania Sueno à Ma-
 gno Norvegia Rege pellitur. In
 Hollandia Theodoricus Comes
 cum Coloniensi bellum gerit. Ro-
 mæ tres simul Papæ insultant se-
 di. Græci Clericorum conjugia asse-

asserunt. Inter Archiepiscopum Moguntinum & Papam rixæ inmissa oriuntur. Ordo *Monachorum Vallis Umbrosæ* instituitur. Ritus *flagellantium* incipit.

III. HENRICVS IV. à Sacerdotibus educatur, Saxones semel in deditionem acceptos contra se iterum concitat, à Pontifice citatus miserrimè tractatur, sed eum coërcet: Anti-Cæsares contra se electos opprimit, à filio Henrico impiè deponitur.

Eo imperante

In Oriente Comnenus dat pacem Bossinis; Constantinus Ducas pecuniam corradi; Romanus Diogenes à Turcis capitur, Michaël Ducas incuriosus rerum est, Nicephorus Botoniates conjuratione Comnenorum opprimitur. Alexius Comnenus à Normannis urgetur, Argonautas impedit. Turci Turcomannia regnum versus

Pontum erigunt. Cutilmuses
 Græcorum ditiones sui juris facit.
 In Gallia decernitur bellum sa-
 crum sub Philippo: & traductis
 in Palestinam & Syriam militi-
 bus, Solymani Cutilmusa filii
 exercitus caditur. Antiochia,
 Hierosolyma, Ptolemais, &c. ca-
 piuntur. Godefridus Bullionæus
 Rex Hierosolymanum creatur. In
 Hispania Alphonsus II. Toleti
 sedem figit. In Anglia defertur re-
 gnum ad Normannos: primus est
 Guilelmus Conquæstor. Haroldus
 Norvegiarum Rex Islandiam si-
 bi subiecit. Scoti Angliam va-
 stant. In Polonia Boleslaus Au-
 dax Russiam veltigalem facit,
 Vladislaus Hermannus bellum ci-
 vile constat. Bohemix Dux Vra-
 tislavus Rex ab Henrico salutatur,
 & Moraviam conjungit: Theo-
 doricus Comicellus Hollandiam
 recuperat.

Quantum ad Ecclesiam, Gre-
 gorius

gorius cælibatum Sacerdotum urget, Hispaniam & Sardiniam feudum suum dicit; Concilium Mantuanum Imperatori potestatem eligendi Pontificem abrogat. *Livonia* Christianismum recipit.

IV. HENRICVS V. à Boleslao Poloniæ Rege vincitur, à Pontifice Paschali I I. excommunicatur, Saxonibus rebellibus magna damna infert, de jure Clericos investendi Pontifici invito cedit.

Eo imperante

In Oriente *Alexius* mores suos corrigit. *Calojohannes* Scythas vincit. Principatus Antiochia regno Hierosolymitano subjicitur. *Balduinus* Rex cum Saracenis & Turcis varia fortunatum ante captivitatem, tum post, configit; Princeps Damasci cum eo societatem jungit. In Hispania *Alphonsus* ultimum Mauro-

rum Regem occidit, fit initium Regni Portugallici sub Alphonso. In Gallia Ludovicus Crassus cum Anglo inimicitias summas exercet. In Anglia Regnum à Normannis ad Francos Blesenses Comites transfertur. In Scotia David, effusus in Episcopatus proventibus, ad inopiam redigitur. In Polonia Boleslaus prælia sua feliciter conficit. In Bohemia Vladislaus Borivojo rebelli oculos eripit. In Hollandia Florentii Comitatus viduat tumultuatur. In Vngaria Colomannus cum Almo fratre in gratiam redit. Comitatus de Marca & de Monte instituitur.

Quantum ad Ecclesiam, Templariorum ordo instituitur. In Concilio Anglico Calibatus Sacerdotum confirmatur.

V. LOTHARIUS SAXO, Suevos, imperium sibi vendicantes, coërcet, & in gratiam recipit, Apuliam & Calabriam

occupat, legum Romanarum studium mandat, Pisanis Pandectarum Volumen à Justiniano conditum donat.

Eo imperante

In Oriente Calojohannes contra Argonautas multa tentat. Contra Mahumetem bella gerit. Sanguinus, Turcarum princeps, eosdem dissipat. Fulco Rex Casaream Philippi Turcis eripit. In Hispania Arragonia & Vasconum Rex Ranimirus, Alphonsi pugnacis filius, non satis felicia regni initia habet. Alphonsus Castellæ & Legionis Rex jussu Pontificis Imperator proclamatur. In Italia Rogerius Rex Sicilia variis adversitatibus jactatur. In Gallia Ludovicus junior imperat. In Anglia Stephanus Rex cum Duce Andegavensi bellum gerit. David Scotorum Rex Angliam vastat, victus ejicitur. In

Polonia Boleslaus in bello Russico inferiores fert, cum 47. secundo Marte confecisset praelia. Sobieslaus Bohemus Silesios infestat. Theodoricus Comes Hollandiæ Frisiam vastat. Canutus Dux Slesuicensis fit Rex Vandalorum. Abdal Mumen ex Ludimagistro Pontifex & Imperator in Africa creatur. Romæ inter Innocentium & Anacletum est Schisma. In Synodo Lateranensi prohibetur, ne monachi regulares sint simul Causidici aut Medici. Bernhardus 160. Monasteriorum autor viget.

ARTICVLVS IV.

De Imperatoribus ex Suevica familia.

[Ad ann. M. 5200. Christi 1251.]

Imperatores Francones Suevi insecuti sunt, nempe 1. *Conradus III.* 2. *Fredericus Bar-*

Barbarossa. 3. Henricus V I.
4. Philippus. 5. Otto IV. 6. Fri-
dericus II.

I. CUNRADVS III. HEN-
RICVM SVPERBVM imperium
sibi asserentem proscribit, fra-
trem ejus in prælio occidit, in
Palæstinam expeditionem init.
Italiam pacare conatur.

Eo imperante

In Oriente Manuel impera-
tor Cunradum prodit. Iconium
frustra obsidetur. Sanguini suc-
cessor Noradinus Antiochiam
obsidet, & Raimundum trucidat.
In Hispania Alphonsus Lusita-
nus quinque regulorum signis po-
titur. Ericus Rex Danix Vlyss-
sionam expugnat. In Italia di-
gladiantur inter se civitates &
Principes. In Gallia Ludovicus
junior expeditionem sacram sibi
persuadere sinit. Sicilia Rex
Rogerius Innocentium Papam
L5 capit,

capit, Corcyram occupat, relinquit. Henricus Andegavensis, Leonora, à Ludovico dimissa, in matrimonium ducta, fundamenta exitialis inter Gallos & Anglos dissidii ponit. In Polonia Vladislaus, dum in subiectos & fratres transversus à Christina agitur, principatu excidit. Gerfa II. Vngariæ Rex Valphum contra Cunradum juvat. Brabantini Grimbergenses in tridvano prælio vincunt.

Quantum ad Ecclesiam, *Rhemis quidam se Christum venditat.* Hildegardis magnam religionis mutationem futuram prædicit.

II. FRIDERICVS BARBAROSSA septem expeditiones in Italiam suscipit. in quarum prima Spoletum excindit; secunda conventum in Lombardia agit, & Mediolanum solo æquat: quarta Romam capit: quinta Alexandrum obsidet; sexta ab Alexan-

Alexandro Papa conculcatur :
septima filio suo Regis Siciliae
filiam conciliat, in terra sancta
Iconium capit.

Eo imperante

In Oriente *Constantinopoli*
Manuel Sophista *infeliciter om-*
nia suscipit. Andronicus, *occiso*
filio ejus Alexio, consanguineos
etiam crudeliter habet. Isaacius
Angelus Siculos, *victoria à V Vil-*
helmo eorum Rege parata fero-
ces, ad pacem adigit. Ad Hieroso-
lymitanum regnum *via ex Au-*
strino latere Mahometanis ab Al-
marico struitur, sinus ipsi à Sala-
dino imponitur. In Hispania *de-*
fenditur Alphonsus *quadrimu-*
lus Castellae Rex *contra Ferdi-*
nandum Galleciae & Legionis
Regem. Portugalliae *regnum*
amplificatur. In Gallia Ludovi-
cus junior *per fugium Pontifi-*
cibus largitur. Philippus Augu-
stus

stus in terram Sanctam abit. In
 Sicilia VVilhelmus Rex Ponti-
 ficem capit , expeditionem in
 Orientem infeliciter suscipit. In
 Anglia Henricus Andegavensis
 fit Rex. Richardus Conomannos
 & Tarones recipit. In Scotia
 seditio felicissime à Milcolumbo
 sedatur. VVoldemarus Danus
 Rugiam , Ericus Suecus Fin-
 landios ad Christianismum adi-
 gunt. In Polonia Boleslaus Cri-
 spus bellum contra Prutenos non
 satis feliciter gerit ; Mieczi-
 laus proceres contumacia à se abalie-
 nat. Casimirus contra Belam
 bella gerit. Florentius Comes
 Hollandiæ cum Episcopo Traje-
 ctensi in Orientali Frisia certat.

Ecclesiam quod concernit,
 Lucius Papa hæreticum , si fue-
 rit sacris initiatus , primò exe-
 crandum , mox igne creman-
 dum decernit ; Petrus Lombar-
 dus excommunicatur : contra
 Albi-

Albigenses militia instituitur: ideo multi in Bohemiam migrant. Jejunium quinquennale à Gregorio VIII. constituitur.

III. HENRICVS VI.

Leodiensem Episcopum evertit, Siciliae regnum sibi per *Constantiam* uxorem debitum & à *Tancredo* notho possessum subjugat, mox amittit, in Palæstina res non infeliciter gerit.

Eo imperante

In Oriente Alexius *fratricida* Henricum Imperatorem lxx talentis placat. In Palæstina Philippus Gallus, & Richardus Anglus *Ptolomaidis* expugnator, valedicunt: hic etiam *Cyprum* Guidoni Lusiniانو vendit. In Gallia inter se iidem bellum gerunt. Aben Josephus Rex Marocensis Hispaniam vastat, &
Be-

*Beticam omnem occupat. Canutus Danus Adolphum Holsatum pecunia pacem redimere cogit. In Polonia Miecisslaus frustra Lescum pellere conatur. In Bohemia succedit Henrico fratri Primi-
slaus exul. In Hollandia Theodoricus fratrem VVilhelmum Comitem Hollandiæ vincit.*

Quantum ad Ecclesiam, *Celestinus Papa Henrico se adoranti coronam pede decutit. Iacobita*, novum genus prædicatorum, nil proprii habent, nec de crastino sunt solliciti.

IV. PHILIPPVS SVEVUS in locum fratris succedit, Ottonem Brunsvicensem sibi oppositum edomat, & generum successoremque facit. occiditur.

Eo imperante

Constantinopoli Alexius *fratricida* ab Alexio juniore & Isaacio patre pellitur. *Græcum Imperium*

rium ad Balduinum Flandrum pervenit. In Palæstina fit post Almericum interregnum. Tatarorum, qui Magul vocantur, in Asia dominatus, duce Changio vel Chamune seu Temuchino, instituitur. In Hispania Alphon- sus Castellæ & Petrus Arragoniæ Reges, Sanctio Vasconum Rege pulso, regnum inter se dividunt. In Gallia recuperavit Philippus Normanniam, Pistaviam, Andegaviam, marcescente in delitiis Iohanne Angliæ Rege. Canutus Rex Daniæ Hamburgum, VValdemarus frater ejus Lubecam occupant. In Polonia Mieczislaus tumultuatur. In Vngaria fratres Reges Vngariæ de occupando Andree regno decertant. In Bohemia Premislaus ita Ottoni adhasit, ut inde Ottocari nomen acceperit. Theodorus Comes Hollandiæ ab Henrico Brabantia Duce capitur.

Quantum ad Ecclesiam; bel-
lum

lum geritur contra *Albigenses*:
Beginarum ordo incipit: de cor-
 poris Christi in cœna incorru-
 ptibilitate à Græcis disputatur.

V. OTTO BRUNSVI-
 CENSIS, sancit ut insignia Au-
 gustalia nemo nisi *Moguntini*,
Coloniensis, *Trevirensis*, *Palati-
 ni ad Rhenum*, *Saxonis*, &
Brandeburgensis consensu acci-
 piat. Fridericum Henrici filium,
 dum imperio erepta à Pontifi-
 ce repetit, hostem accipit;
 vincitur.

Eo imperante

Constantinopoli *Henricus*
pacem cum Valachis firmat, *Pe-
 trus* successor à *Theodoro Lascare*,
qui Niceæ Imperator salutatus,
*Iatathinem Sultanum Alexii so-
 cium* vincit, interficitur. In Hi-
 spania bellum contra *Mauros*
conjunctis copiis agitur. *Ferdinan-
 dus Lusitaniæ Regis filius*, fit per

uxorem Comes Flandriæ. In Africa tum Abdulacus familia Merinensis Fessa regnum rapit & constituit. In Gallia Philippus contra Comitem Flandria expeditionem, quæ malè cessit, instituit. In Anglia Wallia subjicitur, ipse Rex Angliæ à Pontifice excommunicatus, beneficiarium se ejus profitetur. In Scotia Guilelmus Rex ab Anglo ad pacem petendam adigitur. In Polonia Lesous adhuc rerum potitur. In Vngaria Andreas Bela F. vixit. In Hollandia capitur Theodoricus Comes à Duce Brabantia.

Quantum ad Ecclesiam, Albigenses persecutionem patiuntur: Dominicus Monachus prædicatorum author moritur. Franciscanorum ordo incipit.

VI. FRIDERICVS II. Sicilia Rex, Jolantam filiam Bretonæ Regis Hierosolymorum ducit. Gregorium VIII. Papam

Rom. feliciter oppugnat. Hierosolymam recipit, & in templo S. Sepulchri coronatur. Innocentium Pontificem Italia pel-
lit; veneno tollitur.

Eo imperante

Constantinopoli *Balduinus* *Roberti filius* à *Gracis* premitur, & in *Italiam* migrat; *Nicea* imperat *Iohannes Ducas*. In *Ægypto* expugnatur *Damiata* à *Christianis*, ipsi intercluduntur. Inter *Saracenos* oritur magna confusio. *Elmuthane Suldano* *Ægypti* aqua & igne sublato, *Turcomanni* seu *Mamluchi*, *Azeddin Ibico* suffecto, rerum ibi potiri incipiunt. *Turcæ* in *Palestina* vincuntur. Apud *Tartaros* *Ochtai*, *Gingiꝛ Chan* filius, *Moschoviam*, *Russiam* & *Poloniam* vastat, ad *Lignitium* *Henricum Pium* ingenti praelio vincit. *Otrugarelem* *SuleScha* *Civitatis Machaan* in
Per-

Perfide Reguli filium, in Romaniam Asiaticam pellit. Baba Pseudopropheta copia à Giatbedin Rege Iconii internecione delentur. In Hispania Castella & Legionis regna, ante 73. annos distracta, sub Ferdinando post Henricum III. uniuntur. In Arragonia Iacob praeliator floret. In Italia Guelphi Ecclesie libertatem, Gibellini imperii iura se defendere gloriantur. In Gallia Blancha Ludovici mater regnum prudenter administrat, ipse expeditionem sacram suscipit. In Anglia Henricus III. frustra amissa recuperare conatur. In Scotia Alexander II. floret. Woldemarus Danus à Comite Suerinensi capitur, Henricus ab Abele fratre in mari suffocatur. In Polonia Boleslaus Pudicus à Cunrado, fratre Lesci, Masovia Domino pacem habere non potest: ipse à Prutenis vexatus fratres Teutonicos in Borus-

siam vocat. In Vngaria Bela I V, propter Tartaros profugus, dum in regnum revertitur, Fridericum Ducem Austria transitum negantem obtruncat. Florentius Comes Hollandiæ in hastiludiis Claremontensibus occiditur, & filium Guilelmum relinquit.

Quantum ad Ecclesiam, Decretalium libri promulgantur; Albigenses in fines Bulgarorû, Croatiæ, & Dalmatiæ perveniunt. Corradus hæreticæ pravitatis inquisitor sævit. Græca Ecclesia & vicinæ ab obedientia Pontificis Romani planè recedunt.

ARTICVLVS V.

De Imperatoribus ex familiis diversis, & de interregno.

[Ad ann. M. 5222. Christi 1273.]

Imperatores ex diversis familiis fuerunt tres. I. *Henricus*
Thu-

Thuringiæ Landgravius. 2. Wilhelmus Hollandiæ Comes. & }
 3. Richardus Comes Cornubiæ, }
 Henrici Angliæ Regis frater. }
 Verùm isti auctoritatem obtinuisse vix dici possunt.

I. HENRICVS Friderico oppositus anno vertente obiit.

II. VVILHELMVS Hollandiæ Comes cum Frisiis & Flandris contendendo nihil rerum publicarum gessit.

III. RICHARDVS Cornubiæ Comes coronam quidem de manu Præsulis Coloniensis accepit, sed Alphonsum Castellæ Regem Anti-Cæsarem habuit, bello cum Gallis distrahebatur, & sexto post anno mortuus est. Fuit itaque in Imperio septendecim annorum interregnum, quo durante, certamina de successione in illis familiis, quæ nuper in Suevia, Austria, Thuringia &c.

decesserant, inter Principes vi-
gebant.

Imperio ita distracto

In Oriente Michaël Palaolo-
gus Despota ornatus titulo pupil-
lum Iohannem Theodori Lascaris
junioris filium occidit, Constan-
tinopoli capta Balduinum fugat,
& Gallico ibi imperio finem im-
ponit. Hugo Rex Cypri, Rex Hiero-
solymanarum creatur. Apud
Tartaros Vlax Cham Rex Irak
capta Bagdad Calipharum impe-
rium exscindit; Iconiensi regno,
fugato Giassadine II, duos ex re-
gia Selgiucciorum stirpe imponit.
In Hispania Alphonsus Castellæ
Rex domi invidiâ aestuat. Iacob
Arragonum expeditionem in Sy-
riam infeliciter suscipit. In Sici-
lia & Italia crudelissimè Sanguis
Suevus à Carolo Andegavensi
deletur. In Gallia Divus Ludo-
vicus in Africa Carthaginem

expugnat; Philippus filius post
eum laudabiliter imperat. In
Anglia Henricus III. à Baroni-
bus capitur. In Scotia Alexan-
der III. ipsius gener Achonem
Regem Norvegiæ vincit. In Po-
lonia Boleslaus per Palatinum
Cracoviensem Russos & Tartaros
trucidat. Ordo gladiferorum ex
Livonia jungit se ordini Crucife-
rorum in Borussia. Ottocarus
Bohemus Austriam ad se pertra-
hit, Prutenos vincit: in Vngariam
impressionem facit. Stephanus
Vngarus Moraviam & Au-
striam invadit. In Hollandia se-
ditio à plebe excitatur. In Eccle-
sia flagellantium ordo institui-
tur, festum corporis Christi de-
cernitur, & in Concilio Lugdu-
nensi Ceremoniæ in electione
Pontificis observandæ promul-
gantur.

MEMBRUM II.

*De Imperatoribus post
interregnum.*

ARTICVLVS I.

*De Imperatoribus ex Au-
striaca familia & aliis
sumptis.*

[Ad ann. M. 5386. Christi 1437.]

Imperatores ante Interre-
gnum vidimus, ita ut tribus
illis particularibus familiis
nunc alterius familiæ adhæserit:
jam, quinam post interregnum
fuerint, videamus. Dividuntur
verò isti in Imperatores *ex
Austriaca domo & aliis sum-
ptos, & in eosdem ex solis Au-
striacis electos.* Ad illos refer-
tur 1. *Rudolphus Habsburgi-
cus.* 2. *Adolphus Nassovius.*
3. *Albertus Austriacus.* 4. *Hen-
ricus*

ricus VII. Lucelburgicus. 5. Ludovicus II. Bavarus. 6. Carolus IV. 7. Venciflaus F. 8. Rupertus Palatinus. 9. Iodochus Marchio Moraviae. 10. Sigismundus I.

I. RUDOLPHVS HABSBURGICVS Marchionem Badensem coërcet, *Ottocarum* acie victum interficit, Thuringiam pacare conatur, distributione provinciarum animos procerum à se abalienat, Italiam planè ab Imperio avellit.

Eo imperante

Constantinopoli *Michaël* se contra Venetos defendit, malam gratiam unione suarum Ecclesiarum cū Latinis apud Græcos init. Hierosolymitanum regnum Carolo Sicilia Regi defertur. Suldanus Babyloniae à Tartaris vincitur. Tangador Cham Christianis est infensus, sed Argon ejus successor

ipsis favet. In Hispania geritur bellum inter Philippum Pulchrum & Sanctium. Dionysius Rex Portugallix liberalis est. In Gallia decerpit Philippus regnum Navarrenum de Hispania. In Sicilia vesperis Siculis peractis, Petrus Jacobi praliatoris filius pedem in Siciliam infert. Eduardus Anglus Normanniam & Aquitaniam invadit. In Polonia Lescus Niger contra Lithuanos bene rem gerit, post ejus mortem interregnum fuit. In Bohemia Venceslaus Ottocaro patri succedit. In Vngaria regnat Ludovicus IV. Florentius Comes Hollandix variâ fortunâ cum Friesis bellum gerit.

Quantum ad Ecclesiam, Romæ fit contentio de Papatu post Nicolai III. mortem. Martinus Papa Romanus decimas à Clero exigit. Honorius V. quartam partem reddituum Ec-
 cle-

clericalium ex Germania
vult.

II. ADOLPHVS NASSO-
VIVS inimicitias cum Palatino
exercet, conduci se stipendio ab
Eduardo Anglo patitur, Thu-
ringiam ab illegitimo Domino
emit, & vastat; cum Alberto
bellum gerit.

Eo imperante

*In Asia Syria tota à Serapho
Sultano, Babylonio, occupatur.
Othmen Otrugarelus filius ex
gente Selgiucciorum Rex Carma-
nia ab Aladine Sultano leoniensi
factus, Ottomannicæ familia
fundamenta ponit. In Hispania
Sanctius Rex Castellæ Mauris
Tartessum eripit, Iacobus Arra-
goniæ Rex cum Siciliæ Rege de
Sicilia certat. In Gallia Philip-
pus Pulcher Flandriam occupat.
Eduardus Anglus Flandriæ Co-
mitem infeliciter ex carcere libe-
rare*

rare conatur. In Scotia devenit Regnum post magnas dissensiones ad Iohannem Balliolum. In Polonia Premislaus nomen regium à majoribus per ducentos annos intermissam repetit. In Bohemia Barones Venceslao Regi rebellant. In Hollandia Comes feliciter contra Episcopum Traiectensem pugnat.

Ecclesiam quod spectat, Cælestinus V. Bonifacio VIII. Homini furioso cedit: Hic fatuus à Philippo Pulchro appellatur. Maria Lauretana in Italiam migrasse traditur.

III. ALBERTVS AVSTRIACVS assentatione benedictionem imperialem à Pontifice extorquet, Bohemiæ regno post cædem Rudolphi filii frustra inhiat, Misniæ Ducatum ad se rapere conatur, occiditur.

Eo imperante

In Asia Gazanus Cham Saracenos domat; Ottomen vicinam Asiam minorem occupat. Constantinopolitani eam pro derelicta habent. Hospitalarii Rhodum Insulam aggrediuntur. In Italia eligunt sibi præcipuas urbes suos præfatos, Verona Scaligeros, Mantua Passerinos, Pataviam Carrarienses. In Gallia redditur Eduardo Aquitania. In Flandria Gallis res malè cedunt. In Scotia resistitur Eduardo, Ductore Valla, & Robertus Brussius Rex eligitur. In Polonia Vladislaus Loëticus Gedanum amittit. In Bohemia Wenceslaus Rex Bohemiarum & Polonia primus grossos Bohemicos cudit. In Vngaria post Wenceslaum regnat Otto Dux Bavaria, sed carceri à Transylvano inclusus, renunciare cogitur. In Hollandia pervenit Comitatus ad Comites Han-

Hannonienses. Helvetiorum pagitres fœdus inter se faciunt.

Quantum ad Ecclesiam; Bonifacius VIII. jubilæum annum instituit; ~~ipse in Synodo Parisiensi damnatur~~; post eum Benedicto XI. mortuo, undecim menses vacat sedes: *Fratricelli* in Lombardia Papæ contradicunt.

IV. HENRICVS VII. LUCEBURGIVS Comitem Virteburgensem coërcet; Bohemiam, postquam jure ejus Fredericus Austrius cesserat, Johanni filio despondet; Lusatiam ei adjungit. bellum Thuringiacum componit, Italos & ex his Florentinos præcipuè coërcet; veneno tollitur.

Eo imperante

Constantinopoli *Andronicus fratrem carcere perdit. Ochmen septem regulos amulos suos domat.*

mat. In Hispania Ferdinandus Castellanus fratres duos capitis damnat. Brussius Scotiae Rex Anglos tota Scotia pellit. In Polonia defertur regnum ad Vladislavum. In Ungaria Carolus Neapolitanus regnat. Helvetiorum fœdus firmatur.

Quantum ad Ecclesiam, Clementinæ absolvuntur, sedes Romæ Avenionem à Clemente transportatur. In Concilio Viennensi expeditio in terram Sanctam sancitur. Templariorum universi uno die delectur.

V. LUDOVICVS BAVARVS Fridericum Pulchrum sibi oppositum capit, Helvetiorum fœdus confirmat, invito Papa in Italia coronatur; in Concilio Francofurtano potestatem politicam contra Papam defendit; excommunicatur.

Eo imperante

Constantinopoli compellit Andronicus Iunior avum suum Andronicum in Monasterium. Trapezuntinum Imperium, quod per annuos praefectos administrabatur, incipit. Orchan Othmenis filius. Prusam, Niceam & Nicomediam expugnat. In Hispania Alphonsus XI. Mauros devincit. Algeziram in Africa capit. Lusitanus rerum suarum satagit; Arragonius Balearium regem ex paterno imperio ejicit. In Gallia deservit dignitas ad Philippum Valensii Comitem, Catholicum dictum. Hic ab Eduardo III. ingenti praelio vincitur. In Dania pellitur Christophorus II. in exilium, sed iterum reducitur. Magnus Rex Sueciae Scaniam occupat. In Scotia finitur bellum per annos triginta gestum. In Polonia Cruciferi ab Vladislao Lothico vincuntur.

tur. Casimirus I. Russiam in provincia formam redigit. Iohannes Bohemus Silesia Duces pro feudatariis recipit. In Hungaria post Carolum fuit Ludovicus. In Hollandia V Vilhelmus Comes Flandria Comitem contra Gallum iuvat, & Traiectensibus bellum infert.

Quantum ad Ecclesiam, concordia cum Orientalibus frustra tentatur. Johannes xxii. ingentes thesauros relinquit. Multi contra Pontificem scribunt.

VI. CAROLVS IV. à Pontifice electus ab Electoibus rejicitur. æmulum suum Comitem Schvartzburgensem tollit. Galeacios, Mediolani Vice-Comites per Lombardiam vicarios facit, auream bullam condit, multa de Imperii patrimonio detrahit.

Eo imperante

Constantinopoli Iohannes Pa-
laologus cum Iohanne Cantacu-
zeno de imperio contendit, Amu-
rathi tributum promittit. Turcæ
interim Duce Sulcimane Orcha-
nis F. Hellespontum trajiciunt,
duce Amurathe Fr. Adrianopo-
lin capiunt. Tum Genizari legi
ex Christianis cœpere. In Hispania
Petrus Crudelis regno excidit, quod
Henricus Nothus occupat. In Gal-
lia Philippus Valesius Delphina-
tum acquirit, Iohannes ab Anglis
capitur. Carolus V. omnia re-
cuperat. In Anglia ab Eduardo
decernitur, ut Indices in judi-
ciii Anglica lingua utantur. In
Moscovia Demetrius Tartaris
infeliciter resistit. In Dania Val-
demarus IV. cum Suecis bel-
lum gerit. In Suecia Albertus
Megapolitanus, qui Magnum
Norvegia Regem capit, in Erici
locum

locum substituitur. In Polonia Casimirus M. floret, & post ejus mortem regnum ad Ludovicum Vngarum transit, qui Moldaviam transalpinam in fide continuit. In Hollandia factiones *Asellata* & *Hamata* vigent. Hanseaticæ civitates fedus ineunt.

In Ecclesia Jubilæus ad annos quinquaginta reducitur. Gregorius Papa Romam Avenione redit. Schisma sub Clemente VI. oritur, quod quadraginta annos durat.

VII. VENCESLAVS Caroli F. princeps, homini nihil simile habens præter speciem, impuritatem primò, mox crudelitatem sectatur. captus in carcerem bis conjicitur, bis eodem evadit. Bohemiam recipit, imperium ipsi abrogatur.

Eo imperante

Constantinopoli Emanuel

N 2

con-

consensu Bajazetis Turca, sed vimis care empto, Andronicum exturbat. Apud Turcos Amurathes civitates multas in confinibus Thracia, Mesopotamia & Thessalia capit. Bajazetes verò Constantinopolin non omninò frustra obsidet, Temir Cham Scytha Bajazetem vincit. In Hispania Petrus Arragonius Cereimoniosus vivit, Iohannes ejus filius vanis rebus oblectatur. In Italia fit Galeacius Mediolani Dux. In Gallia Carolus VI. prodigus, crudelis & insanus audit. In Sicilia bellum inter Ludovicum Andegavensem & Carolum Vngarum. In Anglia Richardus II, ab Henrico Lancastrio captus, in carcere moritur. Scoti ter cum Anglis praelio contendunt, duce Roberto Rege. In Dania Margaretha Albertum Svecorum regem capit, & ut duo ista regna cum Norvegia ab uno regerentur, decernitur. In Polonia

nia unitur Lithuania Polonia
per Jagellonem, qui Vladislavus
postea dicitur. Ad hunc Dorosta-
jorum familia refertur. In Un-
garia Sigismundus in Regem co-
ronatur. In Hollandia Wilhel-
mus Alberti filius cum Patre
Frisiam domat.

Quantum ad Ecclesiam. Ju-
bilæus ab Urbano ad 30. annum
contrahitur, festum conceptio-
nis Mariæ instituitur. Hussi do-
ctrina viget. Albatorum mira-
bilis secta exoritur.

VIII. R V P E R T V S Palati-
nus in Italiam contendens, à
Galeacio repellitur, à Venetio
decipitur.

Eo imperante

In Oriente Solymian Bajaze-
tū F. fratrem Musam persequi-
tur, sed vincitur. In Hispania
Martinus Rex Arragoniæ regna
Sicilia & Sardinia cum suo con-

jungit. In Gallia in Parlamento decernitur, ne annata & provinciarum proventuum Ecclesiasticorum è regno Gallia exportentur. In Italia totum jus Venetis, Florentinis, & Genuensibus, bellum vicinis facientibus, consistit. Vladislaus Apulix Rex Roma infelicitè potitur. In Scotia succedit Roberto Iacobus. Sigismundus Vngarix Rex à Turcis magna clade afficitur. In Hollandia Wilhelmus Comes Iohannem de Arkel ditione tota pellit.

In Ecclesia Innocentius VII. appellatus de Schismate in multos sævit. Gregorio pasquillus affigitur. Johannes XXIII. meretricum vestigal Bononix sumit.

IX. JODOCVS MARCHIO Moravix quinque mensibus præest, status imperii Imperatori ipsi resistere posse, si contra ordinationes Imperii fecerit, decernit.

X. SIGISMUNDVS, Schisma in Ecclesia Romana exortum componere conatur. Bellum Hussiticum infelicissimè gerit, Concilio Basileensi interest.

His imperantibus

In Oriente *Amurathes* seu *Morad II.* *Mechmedi* successor intra tres annos omnia à *Temiro* avo suo erepta recipit. In Hispania *Alphonsus V.* *Arragonius* adoptione *Iohanna* *Neapolitana* *Neapolitano* regno potitur, & ad *Ferdinandum* *Nothum* transmittit. In Lusitania *Iohanne II.* sub tutela existente, magna turbantur. Tum temporis *Madera* *Insula* inventa, via ad novum orbem aperta est. In Gallia bellum inter *Aureliani* & *Burgundia* *Duces* multorum malorum causa est. *Henricus V.* *Rektor* *Francia* cognominatur. Unde *Carolus V II.* *sexti* successor mul-

tum in ingressu regni laborat. Iacobus Scotiæ Rex, persolutâ ingenti pecunia, ex Anglia dimittitur. In Dania adoptatur Ericus X. à Margareta, sed deposita dignitate successorem habet Christophorum Ravarum ex sorore Nepotem. In Hollandia Iacoba Wilhelmi hæres multiplicitate nuptiarum turbas dat: succedit ipsi Philippus Burgundus, qui, Philippo, Brabantie Duce sine liberis mortuo, Ducatum etiam illum possidet. Lusitaniarum Regis filia ducta, aurei Velleris ordinem instituit. In Polonia Vladislaus Jagello Moldavia Palatinum in fidem accipit, Cruciferos coërcet. Vladislaus ejus filius jus Russica & Polonica Nobilitatis exæquat.

Ecclesiam quod spectat, Hus-
 { sus cum Hieronymo Pragensi,
 quod in potestatem Pontificis
 inquirerent, Constantiæ cremantur:

tur: *Pragmatica sanctio* in Concilio Basiliensi promulgatur. Tum bombarda inventæ, & Zigeuni in Germania innotescunt.

ARTICVLVS II.

De Imperatoribus ex Austriaca familia sumptis. 1295.

[Ad ann. M. 5582. Christi 1633.]

Imperatores ex Austriacis ad hunc usque diem novem fuerunt. 1. *Albertus Iunior.* 2. *Friedericus III.* 3. *Maximilianus I. F.* 4. *Carolus V.* 5. *Ferdinandus Fr.* 6. *Maximilianus II.* 7. *Rudolphus II.* 8. *Matthias.* 9. *Ferdinandus II.* *Leopoldus.*

I. ALBERTVS JUNIOR Ambrathem ab obsidione Albæ Græcæ depulit. Bohemicam coronam etiam accepit.

1440.

N 5

II.

361.

II. FRIDERICVS III. in
 initiis imperii bello à Fratre
 exagitur, Schisma inter Eu-
 genium & Nicolaum tollit;
Lombardia Rex creatur, sed jus
 ejus, ut & regnum *Vngariæ*, di-
 mittit: à *Carolo Burgundo* pa-
 cem, & pro filio unicam filiam
 ejus impetrat. *Raphaëlem Le-*
scinium titulo *sacri Romani Im-*
perii-Comitis ornat.

His imperantibus

In Oriente *Amurathes* infe-
 licissimè cum *Scanderbego* bel-
 lum gerit. *Mahometes* *Constan-*
tinopolin & *Trapezuntem* &c.
 expugnat. *Vsum* *Cassanem* *Per-*
sam vincit. In *Africa* occupa-
 vit *Fessa* regnum *Saidus*, ex
 quo *Oatazeni*, *Reges* dicti, orti
 sunt. In *Hispania* regnum *Ca-*
stella per *Iohannam*, *Henrici V.*
filiam, ad *Arragonium* devenit,
 qui regnum *Granatense* exscindit.

In

In Lusitania successit Emanuel
Iohannis I. patruelus. In Italia
devenit ducatus Mediolanensis
ad Sfortiam, qui Blanca ex no-
bili Philippi Ducis pellice nata
maritus miles mercenarius. In
Gallia Carolus VII. universa
Gallia Anglos excludit. Ludo-
vicus VII. acre & versatile in-
genium in omnibus ostendit. Ca-
rolus VIII. raptu Anna Bri-
tannica, fundamenta odii inter
domum Burgundicam & Franci-
cam ponit. In Anglia Richardus
ope Gallorum, ab Henrico VII.
Richemundano, regno pellitur. In
Dania successit post Ducem Sles-
vicensem Christianus Comes Ol-
denburgensis, qui lites cum Holsa-
tu sopivit. In Polonia, Vladislao
ad Varnam occiso, Casimirus F.
substituitur. Confederatio in Bo-
russia contra Cruciferos institui-
tur. In Bohemia Podebracius
Hussitis favet, mortuo Ladislaus
Casi-

Casimiri Filius succedit. Is etiam Vngaria regnum post Matthiam Corvinum occupat. Burgundiam Maximilianus nomine filii Philippi administrat. Ars typographica invenitur.

Quantum ad Ecclesiam, *Jubilæus* annus ex decreto Nicolai Papæ celebratur. Concilia *Pisis & Florentiæ* instituuntur. Paulus I 1. coccinea veste Cardinales insignit: *Jubilæum* annum ad 25. annum restringit. Multi in luxum Clericorum *invehuntur.* *Hussitæ & cum iis Podebracius* vexantur.

III. MAXIMILIANVS I. controversiam Ducum Bavarix egregiè sopit, cum Venetis bellum felicissimè gerit, à Borbonio Gallo ex Mediolanensi agro fugatur, turbas de religione exortas sedare conatur.

Eo imperante

In Oriente Bajazetes Methonem capit. Selymus filius extinctis fratribus Mammeluchorum in Aegypto imperium evertit, Syriam omnem in potestatem suam redigit. In Africa Scirisus Hascenes occasionem paranda potentiae rapit. Hispania, occupatis Hispaniola, Brasilia & multis India Orientalis locis, potentia aucta est. Ferdinandus Navarrae regnum Iohanni Labretano eripit. In Gallia Carolus VIII. Neapolitanum regnum occupat, mox amittit. Ludovicus Valesius Mediolanum cum Sfortia Duce capit. In Anglia expeditionem facit in Aquitaniam Henricus VIII. sed per Scotum domum revocatur. In Dania Iohannes Rex Dithmarsos infeliciter oppugnat. Christiernus II. filius duas expeditiones frustra in Suecos suscipit. In Polonia Iohannes

hannes Albertus Masoviam regno adjicit. Alexander Fridericum ordinis Magistrum, jusjurandum recusantem, ejicit, Tartaros vincit. Sigismundus Moschos, Tartaros & Valachos fundit. In Bohemia Maria Austriaea Ludovico Ladislai Hungari filio desponsatur. Burgundia, demortuo Philippo, Carolo filio cedit.

Quantum ad Ecclesiam, Leo indulgentias impudentissime vendit. Lutherus se illis opponit, citatus ad Concilium generale appellat. In Moguntina Synodo, Mariam absque originali peccato esse natam, concluditur.

IV. CAROLVS V. in Germania multos conventus religionis gratia agit, Iohannem Fridericum Saxonem capit: à Mauritio electore ex Germania propter Hesium pellitur: In Italia Mediolanum recipit, Franciscum Gallorum Regem in præ-

prælio ad Ticinum capit, in Galliam irruptionem facit, in Africam geminam expeditionem suscipit, in novo orbe feliciter navigat.

Eo imperante

Solymanus Turca, multa in Asia, Hungaria, Apulia, Barbaria præclarè gerit, Viennam obsidet. In Africa Scirifii filii Hametes & Mahometes Marochi & Susia reges appellantur, & viro Mahomete Fessano, Fessam occupant. In Hispania Carolina pax est. In Lusitania succedit Emanueleli Iohannes. In Italia Alexander Medices Dux Florentia creatur. In Gallia Franciscus I. multa egregia contra Casarem gerit, tam ante captivitatem suam, quam post. Henricus II. Metim capit, Hannoniam vastat, ad Renciacum ambiguè pugnat. In Anglia Henricus Boloniam occupatam in

Picardia, Francisco concessit. In Dania Christiernus à Suecis receptus ob crudelitatem rejicitur: in ejus locum Gustavus eligitur. In Polonia Sigismundus I. Orientalem Borussiam in Ducatum mutat, succedit ipsi Sigismundus Augustus. In Hungaria interfecto Ludovico Ferdinandus Caroli frater regnum suscipit, & simul Bohemia Rex designatur.

Quantum ad Ecclesiam, Concilium Tridentinum celebratur. Pontificia religio in Anglia primò sub Henrico, mox sub Eduardo, mutatur. In Gallia & alibi persecutionibus pii affliguntur: muli tamen ubique à Pontifice desciscunt. Jesuitarum ordo instituitur. Lis Sacramentaria & Turor Anabaptisticus huc pertinent.

V. FERDINANDVS I. in regem Germaniæ, reclamante Electore Saxonie, eligitur: con-

troversiam inter Alberti Brandeburgici agnatos, Episcopos Franconiæ, & Senatum Noribergensem componit, dissensiones de religione sedare conatur.

Eo imperante

Solymanus impulsu Iohannis Waiwoda in Hungaria quædam occupat: Christianos in mari mediterraneo vincit, dissidiis filiorum vexatur. Hispania sub Philippo II. & Gallia sub Henrico II. inter se committuntur. Toletum recuperatur. In Anglia Maria crudeliter regnat, ei Elizabetha succedit. In Scotia bellum inter subditos & viduam reginam ob religionem geritur. In Dania & Holsatia Fridericus II. & Adolphus Holsatus tumultuantur. In Suecia bello adversus Ericum regem Norvegia recuperatur. In Polonia Livonia regno adjici-

tur; Moschi insigni victoria ductu Nicolai Radzivilii vincuntur. In Belgio Antonius Granvellanus omnia turbat.

Quantum ad Ecclesiam, Concilium Tridentinum finitur, pax religionis in imperio promulgatur. In Gallia Colloquium Possiacenum instituitur, multi cremantur, Hugonotarum nomen incipit; integer usus Cœnæ Dominicæ à Paulo IV. Ferdinandi subjectis conceditur. David Georgius pro Christo se venditat. In Polonia Euangelium ab unitis fratribus Bohemicæ confessionis prædicatur: Biblia in Polonicam linguam vertuntur. Episcopatus in Belgio constituuntur.

VI. MAXIMILIANVS II. princeps nunquam satis laudatus cum Turca in Hungaria, cujus ut & Bohemiæ Rex fuit, bellum gerit, seditiosos in Germania

nia coërcet, tranquillitatem publicam & religionis tuetur.

Eo imperante

Solymanus Turca bellum Melitense gerit. Selymus expeditionem in Moschos infeliciter suscipit: Cyprum Venetis eripit. Tartari Moschoviam urbem capiunt. Johannes M. Dux ipsorum Livoniam invadit. In Persia Ismaël Rex octo fratres trucidat. Muhemed Hodabendes cum Amurathe Selymi successore bellum gerit. Hispanus Africa bellum infert. In Gallia bella religionis sub Francisco I. & Carolo geruntur. Ianiena Parisiensis instituitur. In Anglia Elisabetha tranquillè omnia administrat. In Scotia inter Mariam Reginam & subditos turba sunt. Inter Danos, Suecos & Lubecenses bellum geritur; pax Ste-tini concluditur. Poloni Suecos

in Lithuania vincunt. Dantiscani jubentur se sistere in causis dijudicandis coram Senatu regni: post Sigismundum, Henricum Andegavensem, & post hunc Stephanum, in Regem eligunt. In Belgio magnos motus Margareta Parmensis & Albanus, avaritia, crudelitate & inquisitione Hispanica excitant. Inter Proceres Imperii floret Fridericus Elector Palatinus.

Quantum ad Ecclesiam, Consensus Dresdensis & formula Concordie ab Augustana Confessionis Theologis eduntur; Flaccius peccatum originis substantiam esse dicit. Austriacis libertas religionis conceditur.

VIL RVDOLPHVS II. contentiones de Episcopatu Argentinenſi exortas componit, in Vngaria cum Amurathe & Mahomete Turcis bellum gerit.
Calen-

Calendarium Gregorianum Germanis obtrudit, cum Matthia fratre dididet, exercitui Pasauiensi connivet.

Eo imperante

Amurathes Croatiam per Mahometem filium infestat; Mahometes, cum Maximiliano & Matthia Archiducibus, varia fortuna in Vngaria congregatur, domi voluptatibus indulget. Achmetes pacem cum Rudolpho facit, à Persa verò ingenti damno afficitur. In Africa Abdelmelecus Rex Sebastianum Portugallie regem vincit. Bufferus & Elledanes ipsius nepotes inter se digladiantur. In Germania unio à Principibus Protestantibus, & liga sacra à Pontificiis, instituitur: Truchsessius in angustias redigitur: contra Leopoldum Austriam arma sumuntur: Braunsuiga à Braunsuicensi oppugnatur. In Hi-

Hispania Henrico III. Sebastiani
 successore mortuo, pervenit re-
 gnum Portugalliae ad Philippum.
 Mauri omnes ex Hispania pellun-
 tur. Philippus III. succedit. In
 Gallia Henricus III. variis bellis
 primo exercetur à Guisianis, Na-
 varrais, exercitibus Germanicis,
 Guisio sacrae ligae copiis suffulto.
 Eo occiso Henricus IV. Rex Na-
 varra, princeps fortissimus, re-
 gnum sibi vindicare conatur.
 multa contra ligam, Sabaudum
 & alios fortiter gerit, nefarie oc-
 ciditur. In Italia inter Papam &
 inter Venetos bellum geritur: Ie-
suita Venetis ejiciuntur. Eli-
 zabetha Angliae Regina Hispa-
 nos ex Hibernia pel'it, classem
 ipsorum dissipat, Hispaniam in-
 vadit, & multa alia gerit. Jaco-
 bum Scotiae Regem heredem
 scribit, qui ex antlato uno in Sco-
 tia periculo, ab altero, à Jesuitis
 fructo, servatur, & tranquille

res administrat. In Suecia Carolus Dux Sudermannia Regis sumit titulum. In Dania Christianus IV. Vrbes exstruit & ornat; contra Carolum Suecum & Gustavum ejus filium feliciter rem gerit. In Polonia Stephanus Dantiscanos & Moschos coërcet. Sigismundus III. Maximilianum sibioppositum vincit, in regem Sueciae coronatur, contra Carolum patrum & Moschos multa praclarè gerit, intestino bello petitur. Moschovia turbatur à substituto, ut volunt, Demetrio. In Vngaria Botz, kajus à Cesare discedit. Sigismundus Batorius multas arces Turcis eripit; cum Cesare confligit, Gabrieli Battorio Transylvaniam relinquit. In Bohemia dissidium est inter Procere & Casarem. In Belgio Hispania regi Philippo Ordines confederati Belgii, Dominium abrogant. feliciter sub V Vilhelmo, non satis sub

Leicestrio, felicissimè sub Mauri-
tio, bellum contra ipsum & Al-
bertum Austriacum gerunt, in
utramque Indiam navigant, &
tandem inducias cum eo pangunt.
Circa hæc tempora sparsum est,
commeare per urbes Iudæum
quendam, qui ob injuriam olim
Christo crucifigendo factam, per-
petua usque ad extremum diem
oberrationis esset damnatus.

Quantum ad Ecclesiam, Cle-
mens VIII. Jubilæum celebra-
vit. Importuna Romanæ reli-
gionis per Jesuitas propagatio
magnas, ubique terè terrarum,
certè in Polonia & Vngaria, tur-
bas dat: ideo ex Anglia proscri-
buntur: Belgium ingredi prohi-
bentur: In Gallia certis articulis
constringuntur. Marpurgum re-
formata religio inducitur. Infe-
lix Arminii cum Orthodoxis in
Belgio dissidium incipit. Conra-
du Vorsinus multa hæretica in
Theo-

Theologiam invehit. Smalcius Socinianorum in Polonia Antesignanus, cum complicibus blasphemias suas spargit. Fratres Rosæ crucis multa jactant. Evangelici in Polonia Syncretismum piè ineunt.

VIII. MATTHIAS I. postulatis protestantium Principum non satisfacit, Aquisgranenses proseribit, in bellum cum Bohemis incidit.

Eo imperante

Achmetes Turca à Cosaccis, Persis & Hispanis vexatur. Osmanes in Podoliam copias mittit, à Persis cruenta clade afficitur. In Mauritania Sidanes Marocorum Rex à Mago vincitur, sed eum postea vincit. In Hispania contrahit Philippus IV. nuptias cum Galli sorore. In Italia ex morte Ducis Mantuani bellum de Montuserratensi territorio, inter ipsius

fratrem & Sabaudum oritur. Veneti, conjuratores opprimunt. In Gallia regnat Ludovicus XIII. turbatur à principibus ob Ancraei potentiam. In Britannia pax est. Poloni Moscoviam igne delent, & Vladislaus in M. Ducem eligitur. In Bohemia incendium ob diruta quadam templa exoritur, quod hodie adhuc durat. In Vngaria Gabriel Bethlen principatum occupat. Inter Danum & Suecum, nec non inter hunc & Moschum, pax, bello seposito, initur. Confœderati Belgæ, Brandenburgico contra Neoburgicum, Venetis contra Ferdinandum Austriam, auxilia ferunt; domiturbis Barnefeldii periculo summo exponuntur.

Quantum ad Ecclesiam, Jubiæus & à Pontificiis & à Reformatis celebratur, Concilium Nationale in Hollandia propter Arminianos habetur. *Elias Me-*

Methus Dei verbum se esse. ja-
tat.

IX. FERDINANDVS II. iam
Bohemiæ & Hungariæ Rex ele-
ctus, in Imperatorem, frustra se
opponentibus Bohemis, eligitur.
Bohemos per Bavarum, Mora-
vos per Bucquojum, Silesiam &
Lusatiam per Saxonem Electo-
rem subiecit, Fredericum Palati-
num fugat & proseribit, Danum
per Tyllium ad pacem adigit, à
Sueco, cui se Principes quidam
cum Saxone adjungunt, uni-
verso ferè imperio exiit.

Eo hætenus imperante

Osmanes Turca bellum Polo-
niæ infeliciter infert, à Mustapha
strangulatur, qui mox Amura-
thi IV. cedit. In Hispania Philip-
pus IV. aulicos quosdam, facilita-
te patris sui abusos, punit. In Gal-
lia inter matrem, Principibus qui-
busdam stipatam, & Regem Con-
dao

das innixum, bellum geritur. Rupella, Duce Richelio, expugnatur: Aurelianensis infeliciter turbat. In Italia bellum Mantuanum Ducatum corripit, sed frustra obsessa à Spinola Casalio, extinguitur. In Britannia tractatur frustra reconciliatio Palatini cū Casare; & Pontificiis, quaedam conceduntur, mox adimuntur. Gallis bellum à Carolo rege, Iacobi Successore, infertur. Succus in Livoniam & Borussiam, nec sine successu irrumpit, pactis cum Polonia ad sexennium induciis, faustam expeditionem in Germaniam suscipit: Comitem Palatinum, qui ibidem moritur, revocat; in prælio, non procul Lipsia, victor occumbit. Dagus in bello cum Imperatore universam ferè Holsatiam amittit: pace factâ, eandem recipit: Hamburgenses persequitur. In Polonia eligitur in Sigismundi III. locum Vladislaus IV. priu-

princeps omnibus heroicis virtutibus insignitus. In Vngaria Gabriel Bethlen infestat Casarem: aliquot Ducatibus pacatur. Rakozius ei succedit. In Belgio, finitis induciis, bellum resumitur. Vrbes nonnullæ, Henrico Principe Austraico felicissimè rem gerente, capiuntur. America infestatur, Limburgensis etiam Ducatus, capta Traiecto ad Mosam, occupatur; de induciis tractatur.

Ecclesia ingenti persecutione in toto imperio afficitur, victoriis Evangelicorum recreatur. Plerique ex Bohemia, Moravia, & Silesia exules, sub alas Illustrissimi Comitis Lescinii Palatini Belzensis, unici ex supremis Regni Poloniæ Senatoribus, religionis Reformatæ patroni, confugiunt. In Gallia aliquot seditiosi Iesuitarum libelli comburuntur. Iesuitarum ordo in Italia à Pontifice Romano aboletur.

HISTORIÆ

QUARTÆ

MONARCHIARVM

A D

Colossum Danieliti-
cum applicatio.

CAPVT I.

*De quatuor Monarchiis
in genere.*

Quatuor illa à Da-
niele descripta Re-
gna , quæ rectè
quatuor Monar-
chiarum , nempe
*Babylonicæ, Persicæ, Macedoni-
cæ & Romanæ* , exprimentur
nomiuibus , quædam generalia
attributa habere videntur , spe-
cialia

cialia quædam. Nam quia sub figuris, & beiluarum, è turbato à ventis mari prodeuntium, & hominis, desideratissimo Viro revelata sunt, turbulentam originem, & truculentam, humanitate tamen temperatam bestialitatem sortita videntur: quia Regnum quoddam temporibus illorum excitare volebat Deus, quod duraret in secula, circa Ecclesiam occupari, illamque modò turbare, modò refocillare debuisse existimantur: quia denique sub imaginibus, tum *Leonis*, *Vrsi*, *Pardi* & *Bestia* decemcornis, tum *Colossi* ex diversorum metallorum materia, constituti, exhibentur, propria quadam ratione quantitatis & qualitatis, ex applicatione resultantia, nec tamen nimis curiosè indaganda, obtinuisse putantur. Et certè hæc ita sumpta, si quatuor
im-

imperiiis applicentur, exactè illis conveniunt. Nam quantum ad *turbulentam originem*, (res est de origine immediata, non remotiore, secundum quam Babylonicum sub Nabonassare, Medicum sub Arbace, & Phul-Belocho, Macedonicum sub Carano primum, post Philippo, Romanum sub Romulo cæpit) incunabula *Babylonica* Panolethria Judæorum dedit: *Primordia Persicæ* Medorum sub Astyage, Lydorum sub Cræso, Babyloniorum sub Dario Medo ruina: *Macedonica* oppressione Persicæ sub Dario Codomanno crevit. *Romana* omnium ferè surrexit exitio. Bello enim Civili quod Pompeii & Cæsaris excitavit ambitio, totum quæ in Oriente & in Occidente patebat imperium, quasi inflammatione quadam correptum fuit. Com-

missum

missum quidem in Italia; tamen inde in Galliam etiam, Hispaniamque deflexit; & reversum ab occasu totis viribus in Epirum Thesaliamque concessit: Hinc in Ægyptum subito transiit, in Asiam respexit, Africæ incubuit, postremò in Hispaniam migravit, & ibi aliquandiu defecit. Occiso verò in Vrbe Cæsare, concussa iterum Ægyptus, Sicilia & Hispania in formam Provinciæ redactæ sunt. *Truculentiam* eorum qui cognoscere cupit, acta Monarcharum in omnibus evolvat. Videbit in Babylonica Regum exoculationem, piorumque exustionem, conspiciet in Persica Cambysem fratrem, & sororem interficientem, Darium Histaspidem Dejobacis filios obruncantem. Animadvertet in Macedonica Clyti & Parmenionis interne-

P

ciones,

ciones, Syriæ Regum post Antiochum Epiphanem mortes, Ægyptiorum incestus, Ptolomæi Philometoris, & Antiochi Epiphanis insaniam: Ptolomæum Evergetem II. filium ex sorore susceptum interimentem, corpusque in membra divisum, & in cista compositum, die natali matri mittentem, detestabitur. In Romana etiam triplici, ut post apparebit, monstra potius hominum multi erant quam homines. Tiberius rectè lutum sanguine maceratum vocatur, Caligula ne à sorore quidem & ex ea nata abstinuit. Nero Matrem & Præceptorem sustulit; Christianos in usum nocturni luminis ustulavit. Caracalla Patrem interficere voluit, Gezam Fratrem in gremio matris interfecit, fautores ejus per triennium mastravit, tandemque se sciens cum

cum Julia Matre, sicut Oedipus
inseius cum Jocasta, commi-
sit. ut interim nihil de Helioga-
balo, & aliis sub Dyarchia &
Polyarchia Imperatoribus, di-
cam. Post intercisionem Imperii
Phocas & Justinianus II. inter
Imperatores: Longinus & Jo-
hannes Lemigijs inter Exar-
chos, Aistulphus inter Longo-
bardos, Lotharius inter Fran-
cos, Henricus Henrici IV. filius
inter Germanos, plerique inter
Pontifices, exemplo esse pote-
runt. Sub Arnulpho, Baronio
teste, sedebant Romæ homines
monstruosi, vita turpissimi, mo-
ribus perditissimi. Tacebo inte-
rim de Græcis, Saracenis, Turcis;
& præteriti seculi modernique
reticebo exempla. Insignem eo-
rundem fuisse *humanitatem*, Da-
rii Medi in Chaldaica erga Da-
nielem favor, Cyri universa in
Persica vita, Artaxerxis Longi-

mani clementia, Alexandri in Javanica continentia, Ptolomæi Lagidæ justitia, Philadelphî in litteras amor; Augusti in Romana omnigenæ virtutes, Titus beneficentia, Trajani fortitudo, Constantini M. in Religione zelus, Caroli M. erga studia favor; Henrici IV. magnanimitas; ut interim Rodolphum Habsburgicum, Maximilianum, & alios præteriti & præsentis, in Gallia, Britannia, ævi, Monarchas, silentii velariis involvam; sufficienti documento esse possunt. *Ecclesiam* quod attinet, verè erat alcyon in medio mari, & hirundo in sinu Medææ nidificans. Nam Judaicam Ecclesiam Nebucadnezar in Captivitatem abduxit, Evilmerodach & Belzazar in eadem detinere, Darius Medus aliquanto laxavit, Cyrus remisit, Cambyfes iterum

rum cohibuit , Darius Nothus plenariè reduxit , Alexander reductam confirmavit , Ptolomæus Lagidas & Seleucus Nicanor per Ægyptum & Syriam dispersere , Ptolomæus Philometor & Antiochus Epiphanes graviter oppressere , Maccabæi fortiter defendere , Pompeius prophanavit . Schilo sub Augusto renovavit . Nero renovatam in solitudinem pepulit : in qua tamdiu delituit , donec post tempus, tempora, & dimidium temporis , seu ducentos quadraginta quinque annos à Constantino M. solemniter reduceretur . Quid cum ea interim & post à temporibus Nervæ actum sit , Johannes in Prophetia Apocalypctica prædixit . In hac enim, primò in Epistolis ad VII. Ecclesias Asiaticas scriptis , typum cum illius ævum omnium alias Ecclesiarum

exhibuit : deinde partim per Sigilla, partim per Tubas, partim per Phialas, tres post se secuturas Ecclesiæ periodos constituit, illasque Danielis exemplo singulas septem annorum septuagenis (ubivis namque septenarium observat numerum) definire videtur, ut in sequentibus dicetur. Alias Persica Monarchia parum circa Ecclesiam occupabatur, & potius ad amœnissima Asiæ latifundia, quam ad illam, oculos suos reflectebat.

CAPUT II.

De Monarchia Babylonica.

Ceterùm ut ad specialia uniuscujusque attributa, ex applicatione de prompta, accedamus, *Assyriaca* seu *Babylonica* Monarchia in *Nebucadnezare* ponitur. Nam illi, quæ in *Sardanapalo* finita, nihil

hil ferè negotii cum Ecclesia fuit; nec potest capitis ad reliqua membra minor proportio tamdiu duranti adscribi imperio. Nebucadnezar autem, & caput Aureum est & Leo, ut Daniel exponit. Non enim tantum ossa populi Judaici quæ Assyrii sub Salmanassare carne privaverunt, excidio Urbis & Regni, translationeque populi, comminuit; sed etiam Monarchiam illam à Nabonassare erectam in summum deduxit, vim & fundamentum illius in sua persona, arbitrio, virtute & fortuna retinens. Duæ alæ sunt Evilmerodach & hujus ex sorore Nitocride nepos Belzasar. Hi Nabuchodonosorem, quia post mortem, ultra sortem evexere. Darius Medus verò, quia singulariter mitis, otio, ac ætate torpescens, nec à Persarum & Medorum jure abhorrens, re-

gnum amisit: speciem Monarchiæ ita mutavit, ut tanto nunc mitior sit in hostes quanto antea ferocior fuit in omnes. Verbo. Verè tum Leo Danielis Babylonicus stetit supra pedes, instar hominis, & cor humanum accepit.

CAPVT III.

De Monarchia Persica.

Monarchia Persica per *Thoracem, Vrsam, & Arietem* significatur. Bina *Brachia* in Colosso, *Armi* in Vrsò, *Cornua* in Ariete, duo indicant Regna, Medicum & Persicum. Medorum enim & Persarum magna præ cæteris subjectis nationibus fuit libertas: magna in rebus, regni curam spectantibus, authoritas. Idcirco decreta publicum Regni statum concernentia, quando rata debebant ha-

haberi, istarum nationum nomine promulgabantur. Quia tamen Medicum ante Cyrum ab everfione Affyriaci sub Tonoconcolero feu Sardanapalo clarum fuit: Perficum cum Cyro, qui Cambyfis Perſæ ex Mandane Affyagis Medi filius, cæpit: illud per altius cornu, hoc per humilius fine dubio figuratur. *Cor & prima Coſta retorta* fuit Cyrus auctor Monarchiæ Lydorum, Babyloniorum & Medorum ſubactor, terrarum omnium inter Indum & Nilum, Oceanum & Mare Caſpium devictor, & Principis perfectiſſimi exemplar. Non tantum enim in eo prudentia, fortitudo, & clementia, ſed & modellia, diligentia, juſtitia laudatur. *Cardialgie obnoxium cor. Secunda tamen Coſta retorta* fuit Cambyſes. Nam hic auctoritatem Regni devictis Agyptiis, & capto Pſammenito, ſtabilivit.

bilivit. At quia contra Æthiops, Macrobios, Carthaginenses & Ammonios cum damno egressus est: tum etiam Smerdim fratrem & sororem è medio sustulit: violavit eandem, à vestigiisque parentis secessit. Darius Histaspides, & Xerxes, *duas solidas* constituunt *costas*: sed iste *pleuritim* & *asthma* pectori Persico induxisse videtur: ille non item. Darius enim Babylonios rebellantes compescuit. Thraciæ maritimam oram per Megabyzum devicit. Ioniam, duce Aristagora rebellantem, recepit. & quamvis probrum expeditione in Scythas acquisivisset, à Miltiade in campo Marathonio ingentij clade affectus esset: ita tamen se gessit, ut nunquam apparatu destitueretur. Xerxes verò etsi Ægyptios rebellantes compescuit: tamen ingenti illo exercitu (se-
ptin-

ptingenta millia de regno, trecenta de auxiliis, & decies centum mille naves numerabantur) intra biennium, idque non totum, amissio, ita vires regni enervavit, ut nec Sardibus in Cilicia commorari, sed ad interiora se recipere cogeretur. Tres pectorales Costæ Artaxerxi Longimano, Dario Notho & Artaxerxi Mnemoni tribuuntur. Ille quidem Ægyptios post patris cædem rebellantes, sub pristinum jugum redegit: tamen maris imperio Atheniensibus permissio, Græcisque Coloniis per Asiam liberis esse jussis, aliquid amississe existimatur. Darius Pulmoni etiam similis est. Nam sub eo subditis etiam respirare concessum fuit. Vnde & Judæi in ædificatione templi strenuè processerunt, & Ægyptii rebellantes quietem habuere, & in Asia beneficio federis cum Lacedæmoniis

moniiis percussis, omnes Vrbes
receptæ sunt. Equidem nec per
Pharnabazum & Tissaphernem
per fraudes Alcibiadis distra-
ctos, quicquam effectum est; nec
per Cyrum juniorem multum:
Integer tamen pulmo mansisse,
corrumpi sub Artaxerxe Me-
more cæpisse videtur. Et certè
iste, fratre Cyro victo, Agesi-
laum, qui non Agam minorem
modò sibi conciliavit, sed e-
tiam in majorem transire, ac de
summa rei cum Artaxerxe di-
micare constituit, non nisi cor-
ruptis ingenti pecuniâ, sagitta-
rium insculptum habente, Græ-
cis, ejicere potuit. In Cadurios
profectus, salutis discrimen
cum toto Exercitu subiit, &
plurimis amissis vix ipse Tiri-
hari stratagemate evasit. Re-
bellarunt ei tandem tum ma-
ris Asiatici accolæ, tum satra-
parum nonnulli: Tachos vero
Ægypti

Ægypti Rex bellum intulit. Vltimi Monarchæ *nothis* indignantur *costis*. & antepenultimus cum penultimo ulcus pulmonis, ultimus verò Syncopen ostendere videtur. Artaxerxes enim Ochus nihil ferè laude digni gessit, Sidonis excidium, Ægyptiorum quartum & gravissimum jugum, si excipias; imo parricidia horrenda exercuit, & miserè mortuus est. Narratur enim felibus esse projectum cadaver, & loco ejus aliud sepulturæ traditum, ac ossa in gladiatorum manubria esse conversa. Arses tres annos regnavit, & per Bagoam Ochi interfectorem, cum tota Stirpe Regia, sublatus est. Darius denique Codomannus tribus præliis ab Alexandro ad Granicum amnem, ad Issum fluvium, ubi ex 400. peditum & centum Equitum millibus tertia pars amissa.

amissa, ad Gangamela denique victus, & Bessi conspiratione interfectus, mortem Monarchiæ intulit. Alias fatalis huic Monarchiæ terminus fuit Hellepontus.

CAPUT IV.

De Monarchia Macedonica.

Monarchia Javanica seu Macedonica *ventriculo* imo assimilatur, sed Regem illius primum *Pardo* figurare voluit Spiritus Sanctus. Et certè splendoris carentiâ, robore, celeritate, exitu denique optimè cum eo convenit Alexander. Viliorem præ Hephæstione staturam vel ignorantia Syngambis ostendit; robur, de hostibus nunquam non parva victoria. Cum nullo congressus est quem non vicerit, nullam urbem obsedit quam non expugna-

gnaverit, nullam gentem adiit
quam non calcaverit. De celeri-
tate ultimum triennium testa-
tur. Tum Chorasmios & Dahas
in deditioem accepit, Cleofida
reginam superavit; peragrata
India Porum secundum se ab eo
fateri coëgit. Inde Adrestas, Ge-
steanos, Præsidas, Gangaridas
cecidit. Unde Symbolum Μηδὲν
ἀναβαλέμεν ☉. De exitu ipse E-
ventus ostendit. Vt enim Pardi
non nisi ebrii capiuntur: sic ille
apud Thessalum Medicum con-
vivio præsens, nondum Hercu-
lis scypho epoto, repenti velut
telo confixus, ingemuit, & pau-
cis post diebus, fato domus
suorum majorum considerato,
quorum plerique intra trige-
simum annum abivere, mor-
tuus est. Post mortem illius oc-
cisis Aridæo fratre, & Hercule
ex Barsinone, Alexandrulo ex
Roxane filiolis, *quatuor ala*
qua-

*quatuorque capita tandem appa-
 ruere. Cassander enim Euro-
 pæ, Lysimachus Thraciæ, Ptolomæus Ægypto, Africa, & Ara-
 biæ, Antigonus toti Asiæ præfe-
 ctus erat. Attamen Spiritus San-
 ctus Regem Austri seu Ægypti
 Ptolomæum Lagidam, & A-
 quilonis seu Syriæ Seleucum
 Nicanorem inter primos divi-
 fores ponit, eorumque inter se
 successoribus fortunam, usque
 ad Antiochi Epiphanis (qui Antichristi Historiam continet)
 exitum, luculentissimè descri-
 bit; ita ut hæc duo Regna fue-
 rint duo illius Monarchiæ late-
 ra, & in medio, ratione situs,
 Macedonicum Regnum collo-
 catum fuerit. Alias nec Ptolomæus Lagidas, Philadelphus &
 Evergetes, hepatis, spleni, & ven-
 triculo sunt dissimiles. Lagidas
 enim ita suum stabilivit Re-
 gnum, ut à morte Antigoni ac
 in-*

inprimis post decem postremos regni annos, nemo eum domi turbaret. Seleucus etiam non tantum urbes extruxit, & Judæos in eas transtulit; sed etiam Thraciam, occiso Lyfimacho, occupavit. Philadelphus singulari amore meliores complectebatur literas; & bella cum Antigono Macedoniae Rege, & Antiocho Theodone Syriae, haud infeliciter gessit. Evergetes autem non solum Asiaticas urbes, patricidium Seleuci Callinici, in Berenice noverca & filiolo ejus commissum, detestantes, deficientes accepit; sed & Seleucum ipsum postea vicit; nec, illo mortuo, à Seleuco Cerauno filio attactus est. At Ptolomæus Philopator vel *Apepsia* vel *in-testinis* comparari potest. Non tantum enim ab Antiocho M. in duplici expeditione vexatus est; sed etiam eo devicto,

Q

cum

cum Vrbes certarent, ut in de-
dendo sese vicinos præuenirent,
maluit persecutionem in Ju-
dæos instituere quam Syria tota
potiri. Antiochus verò Magnus
Bulimiam repræsentat. Nam &
Ægypto sub Philopatore & Epi-
phane inhiavit, & tota Syria
expulsis illius præfectis potitus
est, & Achæum omnibus quæ
in Asia habuit exiit, & in Par-
this, Hircanis & Baſtrianis sibi
obstringendis multum labora-
vit, & Phœnicia tota, anno Epi-
phanis septimo recepta, in Eu-
ropam trajicere, & Asiæ Vrbes
sibi subjicere tentavit; tandem
templum Beli apud Elymæos
spoliare voluit. Antiochi Epi-
phanis Historiam Daniel accur-
ratissimè descripsit, *Cl. Graſerus*
senior cum Antichristo contulit.
De cæteris curiosè indagare no-
lo, cum præsertim eo usque tan-
tum prophetia capitis undeci-
mi

mi decurrat. Videntur tamen Syriæ post illum Reges *exquisita dysenteria* similes fuisse. Tandem enim se invicem trucidabant (Athletis conferendi, quos cum defessi sint certamine, pudet tamen adversariis manus dare, & refocent se per intervalla ad restaurandum certamen) donec populus Syriacus mutua illorum odia pertæsus in Tigranem consensisset. Agypto perniciosum semper fuit sceminatum Imperium. Nam ut sub Philopatore Euergeta II. Lathyro ac Auleta turbas dedere; sic Cleopatra exitium eidem approperavit.

CAPUT V.

De Monarchia Romana.

Monarchia quarta inferioribus in Colossio artubus, & bellua ferreis dentibus

*instruēta, ac omnia comminuen-
ti, haud sine causa comparatur.*
Nam primo comminuisse eam
omnia, imperii pomœria, quæ
jam tum, cum cœpisset, habuit,
sufficienti sunt documento.

Nil de Attali Regno, & Lybia
universa, legatis, devicto Mi-
thridate, Asia, Ægypto, denique
sub Augusto adjecta, dicam. de-
victa fuit Macedonia à Perpen-
na, Achaja à Mummio, Numi-
dia à Cæsare, Mauritania ab Au-
gusto, subacta Africa & Hispania
à Scipione, & C. Domitio Cal-
vino; Gallia Narbonensis ab
Ahenobarbo. post devictum
Vercingentorigem, omnis illa,
quæ à Saltu Pyræneo Alpibus-
que & monte Gebenna, flumini-
bus Rheno & Rhodano conti-
netur, patetque circiter ab his &
trices millia passuum, præter
socias Civitates, in Provinciæ
formam à Cæsare redacta; cui
etiam

etiam Britannia & Germania debetur. Et revera *decem* illa *Cornua* & *totidem* in *pedibus digiti*, decem Regna sunt, quibus Romanum Imperium primò conjunctim superbiebat. In Oriente Syria, Asia, Ægyptus, Africa, & Græcia: in Occidente Italia, Germania, Gallia, Hispania, Britannia, aut, si hanc Gallia recensere libet, illyricum.

Deinde habet ista Monarchia aliquid, quo & *femoribus illorumque intercisioni*, & *tibiis harumque interseccioni*, & *pedibus* similis esse videtur. *Femorum* similitudo non tantum ex diversis Orientis & Occidentis rationibus apparet; sed etiam ex eo, quod, quamvis ducentos annos sub Monarchis fuerit, illi tamen propriis humeris tantam tanti regni molem ferre non potuerint. Unde in Historia Augusti adjuto-

246 *De Monarchia*

res Drusus & Agrippa, in M. Antonii Veri, Lucius Verus; Quin postea orta Dyarchia quatuordecim Imperatorum, mox quadruplex Imperii (prima inter Licinium & Constantinum, altera inter Constantini filios & alios, tertia sub Valentiniano & Valente; quarta inter Arcadium & Honorium Theodosii filios) divisio. *Magnitudo* etiam in *Exortu femori* competens, constitit Romanæ Monarchiæ in Oriente & Occidente ab Augusto usque ad Trajanum. Si quæ in Germania, Britannia, & Armenia, incursiones factæ, repulsiones potius vim inferentium, quam offensiones Imperantium dicendæ sunt. Trajanus strato ingenti ponte Danubio in Septentrione, trajecto Euphrate in Oriente, Romani Imperii latifundia dilatavit, & anno Christi cxv. Urb. cond. DCCCVII summum illius

illius apicem attigit. At post
eum cepit *magnitudo illa pau-*
latim deponi, & *in angustiorem*
cogi circulum. Sub Hadriano
enim in Oriente ex Mesopota-
mia, Assyria, & Armenia præsi-
dia revocata, illi liberi pronun-
ciati sunt. Persa Artaxades Arsa-
cidis Imperium eripuit, & quæ-
dam alia ab ejus posteris, de
quibus in Historia, acta, donec
per irreptionem Græcanicorum
hominum, quorum primus Leo,
qui Martiano successit, fuit, in-
tercideretur. In Occidente à
Marcomannis, Quadis, Sarmat-
is, Gallis, diverso tempore
ita attritum est imperium, ut
non tantum Africa à Gensericò
occuparetur, & exinde in Hi-
spaniam & Italiam fierent ex-
cursiones, Alaricus Gothorum
Rex & Rhadagisus Scythæ in
Italiam penetraret, sed & Gode-
gisilus in Galliam, nullo ob-

stante, irrumperet, Attila Aquilejam expugnaret, Honorium Ravennæ obsideret, & tandem Odoacer Herulorum Rex Anno Christi cccclxxvi Urb. cond. mccxxviii. vere novo Danubium transgressus, Italiam occuparet, regnumque ibi constitueret. Et tum *intercisum* fuit *Romanum Imperium in Occidente.* Articulationem femoris cum tibia Justinianus adimplevit. Hic enim duce Bellisario, Gilimere Vandalo in Africa devicto & capto, per Narsetem Eunuchum, Gothorum Regno in Italia sine imposito, imperium restauravit, & intercisioni, quæ per l. annos duravit, finem imposuit. Quia tamen articulatio illa exacta esse nequivit, & *patellam adjunctam* habet, retinuerunt Saxones Britanniam, Franci ter, ipso imperante, incurrerunt in Italiam.

VVestgotthi intacti manserunt, & post eum restorationi illi, patellæ instar, Iustinus II, Tiberius & Mauritius ejus gener adhæserunt. Post mortem Mauritiî cæpit Romanum Imperium aliquid simile habere *sibula* & *tibia*, tam in Oriente quam in Occidente. Ibi enim erat Regnum Imperatorum Constantinopolitanorum, quod primo indivulsum ab Occidente, sub Leone Isaurico à Pontifice Romano excommunicato, divelli cæpit, sub Irene vel potius Nicephoro per coronationem Caroli M. Romæ factam divulsum, sub Leone Amoræo, Balbisque ejus successoribus Comnenis, & aliis ad Flandrorum & Francorum adventum perstitit. Hi demum, duce Balduino, ab Alexio, ut junctis cum Venetis viribus se Imperio restituerent, persuasi, classe ex Dalmatia ad Bospho-

rum Thracium adducta, & catena ferrea sinui Peram à Byzantio dirimenti obtensa, rupta, Alexium Imperatorem cum cæco patre Isacio, ereptæ dignitati primum restituerunt; sed post cum stipendia Latinis solvi non possent, & illis ferocius agentibus, seditione excitata, Nicolaus Canabus à populo Alexio substitueretur, Alexiusque Ducas, cognomento Murruphilus, amoto utroque, Imperium invasisset, capta urbe Græcorum Imperium ad sexaginta annos interciderunt. Præterea regnante Heraclio Mahumerus Coranum suum spargere aggressus, occupata Mecha, alterum erexit regnum, à cujus fundamentis propheta Danielica de *Cornu* illo quod inter decem parvum nasci sed tria ex illis decem mox convelere debuit, capit adimpleri.

Et certè, quamvis varia hujus

Regni

Regni fortuna in posteris fuerit; & non tantum tum à Michaële Leonis Amorræi nepote, ductu Petronæ, tum à Basilio Leone & Romano sæpius vincerentur; sed etiam ipsi inter se, constituto à Mamluchis seu Turcomanis Syriæ Rege Achmat, filio Tolonis, qui Mammonis Caliphæ servus erat, assignatisque Abasidis (Abasidæ fuerunt posterii Abasi, Abubecheri primi Caliphæ, à quo post Ali quartum Calipham Caliphatus à Mavia ejus filio, & Jesid Nepote, ad Martianem filium Elhacham, & decem ejus posteros, quorum ultimus Marvan, devenit, filii; & cæperunt, interfecto Marvane isto decimo Elchachami successore, quod Abraham Sacerdotem, qui erat de posteritate Abasi, occidisset) in Bagded seu Seleucia, Tolonis posteris in Ægypto, sedibus; Caliphatu diviso,

mutationem facerent; imo Duce
 Tagrolipice Turco illi qui in A-
 rabia, cæso Machumete Perfidis,
 & Chorarmiorum Principe, re-
 gnum perderent: tamen Ægy-
 ptum & Syriam (quanquam ab
 Argonautis vexati) obtinuerunt;
 donec Bagded vastata est, Mu-
 steatzes Calipha ab Halacho, qui
 & Vlan Chan dicitur, interfice-
 retur, & Elmutamus Saladini
 abnepos in Ægypto aqua & igne
 periret, Azeddinque Ibik in ejus
 locum substitutus, Mamlucho-
 rum regnum, quod sub To-
 mumbejo à Selymo Turca ever-
 sum est, fundaret. In Occidente
duplex etiam erat Imperium: V-
 num tum *Exarchorum*, quod in
 Longino primo præside cæpit,
 in Eutychio, exactis centum
 octoginta annis, finitum est;
 tum *Longobardorum*, quod sub
 Justino ortum, post ducentos
 annos à Carolo M. eversum est;
 tum

tum *Francorum* quod in Carolo M. incunabula, in Arnulpho exitum sortitum est: tum *Germanorum*, quod in Saxonibus, Franconibus, Sævis, tamdiu duravit, donec per interregnum septemdecim annorum intersecaretur. Alterum erat *Romanorum Pontificum*, quod sub Phoca cepit in Leonis Isaurici Excommunicatione, Italiae ac Hesperiae ab eo abductione, cum Rachisio pace, Constantini VI. responso, (respondit autem hic, cum à Stephano P. R. de auxiliis contra Aistulphum Longobardorum Regem sollicitaretur: habens arma secularia, & nervos Imperatoribus ereptos: Defensate vos ipsos) Caroli M. Coronatione, evidenter apparuit; in Hadriani III. decreto, Henrii IV, Frederici Barbarossæ, Henrii VI, Frederici primogeniti, Frederici Ottonis Brunsvicen-

vicentis actis confirmatum est. Primum autem ex *mari doctrinae* emerfit, postea ex *terra potentia* prodiit, ense potens gemino. Vtrumque regnum, Machumedicum nempe & Pontificium, Spiritus S. in Apocalypsi sub bicorni bestia, illaque Religionis cucullo obvelata, (cornua enim illa agni similia) proponit, & ita describit, ut evidentissime, illam esse, quæ populum Catholicæ Ecclesiæ, olim lascivientem, in gravissimam animi corporisque servitutem adigit; hodie verò ad libertatem adspirantem durissime premit, turbat, & persequitur, appareat. Post hanc R. Imperii intercisionem, ortum est aliud ejus genus *Pedibus* simile. Ut enim isti initio coarctantur, mox in majorem amplitudinem excurrunt, tandem in quinque digitos desinunt; sic & hic se res habet. Sub Rudolpho

pho Habsburgico, qui primus in hac Imperii restitutione fuit, sola Germania Imperio erat relicta, cum antehac Italia & Gallia ei concessa fuisset. Amplius paulo cæpit reddi sub Henrico VII. Comite Lucemburgico, quod ex ejus in Italia actis facillimè colligitur; at sub Carolo V. quia cum plerisque Provinciis & Regnis negotium habuit, ad summam devenisse latitudinem haud immerito cogitari posset.

De pedibus dictum superius. Alias *ferrum* hic fuisse incrementa ipsorum, Hispaniæ præsertim ostendunt; at *cum argilla* idem mixtum, disjunctio, quæ nunc cernitur, nihil obstante per humanum semen commixtione, evidenti est argumento. In Oriente fuere, Constantino-
poli, Græci ad Emmanuelem, qui capta à Machumeto anno

Domini 1453. Constantinopoli,
 sive pugna inter hostes, sive af-
 flictione, inter fugitivos periit.
 Quoad Turcicum autem Impe-
 rium, Aladin II, sibi per Tarca-
 ros ereptum, recuperavit; &
 post Othmen insignia regni, ve-
 xillum, enses, & indumentum
 accepit, rexque constitutus est.
 Hujus posterii Saracenicum re-
 gnum longè facilius quam vel
 Marianidæ vel Ahasidæ in pri-
 mo Calipharum genere propa-
 garunt, quod ex Solymani &
 Selymi gestis patet. An vero il-
 lud Imperium *scoparum dissolu-
 tarum* instar sit, & in *quinq[ue]
 digitos* exiverit, colligere facilli-
 mum est. Scindi per irruptiones
 Persarum videmus. De cætero,
 quæ de regno in secula mansu-
 ro, lapide in montem converso,
 & regna convellente dicuntur,
 DEVS novit. Omnis Prophetia
 ante eventum ænigma est, ci-
 tius

tius impletur quam intelligitur.
Quidam singularem Ecclesiæ in
his terris felicitatem promit-
tunt. Utinam! Ego hic cum
Cl. Grafero, ex cujus mente ista
scripsi, desino, & D E O omnia
commendo.

HISTORIÆ ECCLESIASTICÆ

Ad

Prophetiam Apocalypsi-
cam applicatæ Synopsis.

CAPVT I.

*De statu Ecclesie sub Augu-
sto & ejus posteris.*

Tertio *Augusti* decennio
currente, cum finiretur an-
nus Mundi 3947, natus est
promissus ille mundi Salvator,
*Schilo & Vnctus Domini, ex vir-
gine*

ginæ Maria, Iosepho desponsata, & habuit metatorem hospitii, summum illum Monarcham *Augustum*. Neque enim Deipara virgo *Bethlehemum* locum nativitati ejus filii, jam pridem indicatum, ventura fuisset, nisi circa illud tempus *Imperator* iste, ex curiositate quadam, ut tum videbatur, sed, ut eventus docuit, ex arcano providentiæ divinæ consilio, *Quirinium* extra ordinem, ad censuales tabulas in *Syria* & *Judæa* conficiendas, misisset. Sex ante eum mensibus natus est *Hebrone Zacharia*, muto ob incredulitatem facto, & *Elizabethæ* effœtæ, *Iohannes*, & ut antea motu salutavit, quem voce non potuit, ita tunc vocem patri suæ retulit. Gratulari sibi de hoc regis & Servatoris sui adventu debebant *Judæi*: sed illi tum toti erant in jugo servitutis externæ à suis cervicibus depellendo,

& varias contra *Herodem* molitiones, contra *Romanos* seditio-
nes instituebant. Illis itaque
non accurrentibus *advenere Ma-*
gi ab Oriente, & adoraverunt
eum, ac muneribus oblati hono-
raverunt. *Herodes* verò licet, ut
Idumæus, à prima origine *Iu-*
dæorum frater, & à *Iudaismo* an-
te seculum ab ejus gente susce-
pto, veri *DEI* cultorum tabulis
inscriptus esse volebat: tamen
cum rescisceret ex *Magorum* il-
lorum percontationibus, esse na-
tum illum *Regem*, in quem ab e-
jus domo regnum *Judæ* transfe-
rendum esset, insidias ejus vitæ
struxit, & cum in ipsum illum
infantulum incidere non posset,
bimulos infantes omnes in illo
Judææ tràctu occidi jussit. Sci-
licet monitus ab *Angelo Iose-*
phus secessit in *Agyptum* cum
infante & matre ejus, nec re-
diit donec *Herodes* dominatio-

nem cum vita desereret: idque factum est biennio illo, quod vulgata *Christi ætæ* deest, nondum finito. Quid postea Dominus egerit, ad xxx. ætatis annum, ignoratur, nisi quod *anno xii*, quo tempore *lxii. Septimana Danielis* ex *Septuaginta* illis effluxerunt, *disputatione cum doctoribus in templo inita*, sapientiæ suæ divinæ specimen edidit. Anno vero xxx. completo, qui erat *Tiberii XV*, cepit *Iohannes* Baptismo instituto *V. T.* abrogare, & præsentiam Domini omnibus annunciare. Hunc secutus est *Salvator*, & ministerio suo *in quintum annum* peracto, *passus, mortuus & sepultus est*, ac *tertia die resurrexit à mortuis*, inde *quadragesima die ascendit supra omnes calos*, missis *in universum mundum* *Apostolu*, in quos ideo *proximo die*, *visibili specie*, *Spiritum Sanctum* effu-

effudit. Secundum hæc gesta sunt deinceps ordine intra xxv. annos ad quartum usque Neronis annum ea quæ in Actis Apostolicis describuntur. Nero vero anno Domini LXIV. incendii Romæ petulanter excitati infamiam in Christianos innocentes transtulit, & excitavit primam persecutionem in illis, quas Draco ille antiquus decem in primitivam Ecclesiam concitavit. Horribilis vero fuit illa, cum, tanquam incendiariis, non modo inter moriendum ludibria adderentur, sed etiam in usum nocturni luminis tanquam incendiarii ustularentur. Et certè tum exordium suum habuit prima Mulieris Apocalyptica in solitudinem fuga, quam comitatum est illud decem persecutionibus nobilitatum prælium Draconis in cælo: & quæ tempus, tempora, & dimidium temporis, si-

ve cccxlv. annos durare debuit,
& revera duravit.

C A P V T II.

*De statu Ecclesie sub tribus
ex Flavia Imperatoribus.*

A Prima persecutione ad *Domitianum* usque creverat multum Ecclesia, & fuit *Hierosolymis* post *Iacobum* Episcopus *Simeon* uterinus ejus frater & filius *Cleophæ*: *Antiochia* agebat *Euodius*, *Alexandriæ* *Anianus Marci Evangelistæ* successor, *Ephesi* *Iohannes Evangelistæ*; in *Creta* *Titus*, *Romæ* *Cletus*. Viguitque hic ita Evangelium, ut à *Domitiani* quoq; cognatis, *Flavio* nempe, *Clemente* & *Flavia Domitilla* ejus uxore, reciperetur. *Domitianus* vero secundæ persecutioni subjecit Ecclesiam, quæ anno Christi 91. non tantum *Romæ*, sed & in omnibus Imper-

rii locis exercita, *Cletum* inter
ceteros sustulit. Hoc vero adhuc
vivente missus est *Romam* ex *A-*
sia vincus *Ioannes Evangelista*,
&, ut *Tertullianus* refert, in o-
leum igneum demersus, cum il-
læsus evasisset, relegatus est in
insulam *Patmon*: ubi, post quin-
quennium ferè exactum, scripsit
sub finem imperii & vitæ *Dom-*
tiani *Apocalypsin*: in qua primò
in *Epistolis ad v 11. Asiaticas Ec-*
clesias scriptis, typum cum illius
ævi, tum omnium alias *Ecclesia-*
rum exhibuit: deinde revelavit
ea qua post illa tempora in *Ec-*
clesia secutura erant, partim per
sigilla, partim per tubas, partim
per phialas, & ubivis septena-
rium usurpat numerum. Hinc
videtur tres post se secuturae *Ec-*
clesiæ periodos constituere, &
Danielis exemplo, singulas se-
ptem annorum septuagenis defi-
nire. Et certè non ineptè pro-

phetiæ singulorum, sive sigillorum, sive tubarum, sive phialarum, singulorum LXX. annorum Historia successivo ordine numerata respondet.

C A P V T I I I.

De statu Ecclesie sub primo sigillo.

Nerva imperante cæpit ea Ecclesie periodus, quæ non modo sua habuit fata, sed etiam solidum pignus sequentium periodorum secum tulit. Ideo ejus articuli vocantur *sigilla*. Fuit autem fatum illius Ecclesie tale, quale in fuga, in solitudine, in prælio, non nisi sanguine declinando, esse potest. Primi tamen LXX. anni sequentibus tribus lætiores fluxerunt. Scilicet *equus albus: um prodiit, & sessor in eo cum arcu & corona, qui prodiit vincens & ut vinceret.*

Trium-

Triumphavit itaq; tum læta veritas : sed prius constantia quam oratione piorum Imperatores mitigati sunt. Et *constantia* quidem contra *Trajanum* & *Hadrianum* opus erat. *Trajanus* superstitiosus fuit, & cum *Iovi* ficticio acceptum referret, quod primus ex peregrinis ad *Imperatoriam dignitatem* pervenisset, ut gratiã ei referret, in imperii ingressu retulit ad *Senatum* de prisca religione conservanda, ac prohibuit edicto, ne essent sodalitates. Et si vero isthoc mandato non injuncta fuit persecutio Christianorum; tamen quoties conventum habuerunt, varia pericula incurrerunt. Itaque tertiam persecutionem tum sustinuisse creduntur. Neque obstat *Plinii* alterius, *Plinii* ex sorore nepotis, in eos quasi commiseratio, quam, cum proconsul in *Bithyniam* mitteretur, & magnam

multitudinem Christianorum opera, inprimis *Iohannis Euangeliste*, qui nuper *Ephesi*, rogatu Episcoporum *Asiae*, Euangelium contra *Ebionem* & *Cerinthum* scripserat, ac C. annos natus terris valedixerat, collectam videret, ostendit. Scripsit enim ad *Trajanum*, se ex resipiscentibus Christianis eam tantum errorum summam cognoscere, quod soleant stato die ante lucem convenire, carmenque Christo, quasi DEO, secum invicem dicere, & quod se Sacramento non in scelus aliquod obstringant, sed nefurta & alia flagitia committant, quodque iis peractis discedant, & rursum coeant ad capiendum cibum, eumque promiscuum & innoxium; & propterea consuluit eum, an non satius foret minis & similibus modis ad desertionem adigere, quam porro persequi. Sed *Trajanus* nihil amplius rescripsit,

scripsit, quam non esse eos inquirendos: Si tamen deferantur & arguantur, ita puniendos, ut, qui negaverit se Christianum esse, idque re ipsa manifestum fecerit, quamvis in præteritum suspectus fuerit, veniam ex pœnitentia impetret. Etsi igitur tum publicus persecutionis æstus non nihil subsedit: tamen magna nocendi privatim occasio piorum hostibus est relicta. Corripuit autem ista persecutio præcipuè *Orientem*, & *Simonem ultimum Apostolorum*, annos cxx natum, multiplici cruciatus, *Ignatium* verò *Antiochenum Episcopum* bestiis, objecit. Prodiit ergo *seffor ille equi albi*, vincens quidem, sed nondum ad victoriam, cujus gratia prodiit, pervenit. Certè *Adrianus* tertix persecutioni adjecit quartam, donec in sua illa peregrinatione in *Graciam* deferretur, ibique

Athe-

Athenis diu moratus, à *Quadrato* Episcopo, & *Aristide* Philosopho., libros pro religione Christiana scriptos acciperet. Tum enim, cum, sapientia divina ita disponente, eodem tempore *Serenius Granus* legatus iniquitatem Christianæ persecutionis contestaretur, impetraverunt, ut non clamore vulgi, ut antea, condemnarentur, sed criminum obsectorum prius convincerentur. Sed ista quidem victoria parva fuit præ hac, quæ secuta est sub *Antonino Pio*. Huic enim, *Adriano* adhuc ægrotante, *Iustinus Martyr* apologiam pro Christiana religione obtulit, & licet tum nihil egerit, tamen cum paulo post eam duplicaret, *Deo* cooperante, effecit, ut publicis edictis sanciretur, ne quis Christianis eo nomine, quod Christiani essent, molestiam exhibere; si quis negotium

gocium facessere pergeret, delatum liberum & absolutum iri ab accusatione, etiamsi talem deprehensum; delatorem verò pœnæ subjiciendum esse. Tunc ergo demum redimita corona triumphavit veritas, & arcu prostrati jacebant persecutores. Interim crescebant cum Ecclesia hæreses. Nam *Papias Chiliastarum* sectam invenit, *Marcion* duo principia pariter æterna, unum boni, alterum mali, obtrusit. *Valentinus* denique, *Gnostico- rum* author, sua semina *Roma* clanculum disseminavit.

C A P V T VI.

De statu Ecclesie sub secundo sigillo.

Secundum sigillum sub duobus *Veris* aperiri cæpit, & prodiit aperto *sessor equi rufi, sustulitque pacem è terra, ac alii alios.*

lios mactabant. Apparet id non
 tantum ex conjuratione in *Com-*
modum Severi, Nigri, atque *Al-*
bini bellis, *Caracalla* in fratrem
 & ejus fautores crudelitate, *Ma-*
ximini Thracis imperio, *Valeria-*
ni fato; sed & Ecclesiæ condi-
 tione. *Marcus* enim quintam
 persecutionem à *Philosophis*,
 quos impense amabat, instituit;
 in qua *Iustinus* & *Polycarpus*
 periere, quamque nec *Melitonis*
Sardium, nec *Apollinaris Hie-*
rapolis Episcopi apologia sistere
 potuit. *Sextæ Plantianus*, ab-
 sente *Severo*, nil Apologetico
Tertulliani & *Saturnini* Pro-
 consulis cæcitate territus, ini-
 tium fecit: post edictum verò
Severi ita in *Aphrica* sævitum
 est, ut fideles ad DEI cultum
 non nisi noctu tutò convenire
 possent. *Septimam Maximinus*
 excitavit: In octava *Decius Tra-*
jani virtutum æmulator ita sæ-
 viit,

viit, ut multi deficerent, nec pauci eremum peterent, *Novatianus* denique erroris sui ansam arriperet, & apostasiæ sistendæ lapsis omnem remissionis spem denegaret. Nonæ *Valerianus* author erat, in eaque *Laurentius* & *Cyprianus* Coronam martyrii acceperunt. Semper tamen recreata est aliquo modo inter has turbas Ecclesia. Nam *Marci* sævitiam *Marcomannicum* bellum stitit, & sub *Commodo* non tantum *Roma* *Britanni* se fidelibus aggregaverunt, *Pantenusque Indis* Euangelium prædicavit, sed etiam *Apollonius* cum rationis suæ fidei coram *senatu* reddere discuperet, ad finem auditus est. *Alexander* autem non tantum *Christum* noverat, sed etiam in larario inter *Apollinem*, *Orpheum* & *Abrahamum* mira Superstitione colebat. Quin sub *Gallieno* crudelissimo

simo alia pax, edicto emisso, data est Ecclesiis.

C A P V T V.

*De statu Ecclesie sub tertio
& quarto sigillo.*

Tertio sigillo aperto non modo ex mutuis Principum lanienis, sed etiam ex fame, quæ tot bella & tam atrocem pestem non potuit non sequi, confirmatæ sunt de veritate eorum, quæ postremis seculis expectanda erant Ecclesiæ. *Cyprianus* utique non tantum hanc inde certitudinem hausit, sed etiam *Demetriano* occasionem Christianos calumniandi inde sumentem respondit, contemptum & obstinationem Ethnicorum hujus mali causam esse. Alias notandum diligenter, quod, quamvis tria illa mala, bellum, pestis, fames, fideles juxta cum
cæte.

cæteris affixerint, multo amplius tamen in infideles grassata sint, ut testatur *Dionysius Alexandrinus*, apud *Euseb.* l. 7. c. 22. Videturque hic illud innui, quod in Apocalypsi sessori *Equi nigri*, habenti *stateram in manu sua*, dicitur, *triticeam quidem & hordeum*, sed non *oleum & vinum*, ladendum esse. Tempore istius sigilli apparuit *Constantino*, in expeditione contra *Maxentium* de mole & eventu belli anxio, circiter meridiem in cælo, lucidissimæ crucis *Symbolum*, quam multi characterem nominis Christi, qualis in multis antiquis numismatis *Constantini*, & aliorum Christianorum imperatorum cernitur, fuisse putant, cum inscriptione, *ΕΥ ΝΙΚΗ* *VIKΘ*, in hoc vince: Cujus sententiam nocturnum visum per quietem plenius aperuit. Non tantum igitur *Symbolum* illud in ve-

S

xillis.

xillis militaribus circumferendo, sed & religionem Christianam ab illo tempore discendo mulierem illam, quam Nero in solitudinem compulerat, in lucem aspectumque communem revocavit. Prius verò quam læta hæc reductio solenni festivitate perageretur, apertum est quartum sigillum, & vidit Ecclesia mortem Equo pallido insidentem trucidare gladio, & fame & morte, & per terrestres feras quadrantem terra. Nam in Oriente cum Maximinus persecutionem exemplo Diocletiani truculentam urgeret, ac veram incolumitatem, quæ tum contigerat, de astris suis adscriberet, omnia illa mala, ac imprimis canes aut ferae miseros Orientales vehementer vexabant, ut refert Euseb. l. 9. Histor. Eccles. cap. 8. Huc pertinet tum Constantius, qui Alexandria crudeliter per exercitum

scivit; *Syrmi* voci ὁμοίᾳ pro
 ὁμοίᾳ subscribere nolentes,
 tormentis coëgit, tum *Geor-*
gius, qui summani crudelitatem
 exercuit, tum *Macedonius*, qui
 ob multiplicem cædem famo-
 sus est. *Solennem* verò mulie-
 ris *Apocalypica* per *Constanti-*
num factam revocationem quod
 attinet; peracta illa post trium-
 phatum *Licinium*. Tum enim
 præ foribus regiae suæ tabu-
 lam in sublimi collocandam cu-
 ravit, in qua depictus *Draco*
 transfossus telo jacuit, sub suis
 suorumque pedibus. Tum igi-
 tur projectus est ille *Draco Ma-*
gnus, qui hætenus CCXLV
 annos in celo praliatus est, è
 celo in terram. Ad hoc tem-
 pus, *Donati* factiones, *Arrii*
Technæ, *Nicanum Concilium*,
Constantis, sede imperatoria
Roma Constantinopolin trans-
 lata, remotio, *Iuliani Apo-*

stata persecutiones referri debent.

CAPVT VI.

De statu Ecclesie sub quinto sigillo.

Sub *tertia & quarta imperii* divisione apertum est *quintum sigillum*: & nata est Ecclesia inde à *Valentiniani* morte triplicem prophetiæ sibi commissæ approbationem. Prima fuit ex præterito tempore, cuius memoriam cum repeteret, vidit, ad satietatem & nauseam usque sævitum esse ab Ethnicis imperatoribus. Ideo enim *Iulianus* noluit amplius gladio infideles sævire, sed stylum & varias technas ad abolendum Evangelium adhibuit. Ideo etiam *Draco ille antiquus* non jam amplius cum Christi nomine præliari sustinuit, sed satis habuit

buit Ecclesiæ consensum persequi. *Valentinianus* quidem inter religionum diversitates mediis stetit : sed malitia *Valentis* tantum sumere incrementum hæreses , quantum facilitate *Constantii*. *Arrianam* quippe amplexus , excepto *Athanasio* & *Epiphano* , Orthodoxos Episcopos pepulit in exilium omnes : & *Athanasio* defuncto substituit *Lucium* , hominem *Nerone* & *Domitiano* atrociolem. Adhæc *Gothis* minoribus , *Romanum* imperium paulò post eversum , Episcopum postulantibus , non Orthodoxum , sed *Vulfilam Arrianum* misit. Itaque ex præsentis temporis surgebat altera Ecclesiæ approbatio. Si quo enim tempore , hoc maximè , videbatur æquum , ut non jam suspiriis , qui hætenus mos fuit , sed clamore ad iudicium & vindictam

sanctus & verax Despota excitaretur. Et certè non defuit iste clamor, ut ex scriptis ejus seculi, & velex *Basilii Magni Epistolis* apparet. Tandem & futurum tempus fuit piis instar *Sigilli*. Nam ista quidem divisione adhuc durante, non est secuta ultio, sed sequens divisio plenis eam, ut ita dicam, velis, invexit. Requiescebant sub hac divisione *anima illa ultrices, & stolas albas nacla*, suam innocentiam, cum per varia Doctorum, qui tum erant florentissimi, scripta, tum per imperatorum favorem & edicta mundo testatam fecerunt. *Gratianus* utique Episcopos à *Valente* in exilium missos revocavit, & damna eis pensavit. *Valentinianus* verò etsi à matre instigatus *Valentis* exemplo *Arianis* favit, & ideo *Ambrosium* exagitavit: tamen à *Theodosio* restitutus, mutavit.

*Symmachumque, pro Ethnicismi
restauracione intercedentem,
ex voto & suasu Ambrosii &
Prudentii frustra esse iussit. Theo-
dosius interea non modò Catho-
licos diligenter promovere stu-
duit, sed & divortium, quod
Pneumatomachi in Ecclesia fece-
rant, tollere, Concilio Oecumenico
Constantinopolin indicto, voluit.*

C A P V T V I I .

*De statu Ecclesie sub sexto
sigillo.*

S*extum sigillum inter irru-
ptiones Gothorum & Hunno-
rum apertum est. Tum enim
fuit motus terra, &ror solis, & re-
liqua creaturae perturbatio, qua
incolas terra in speluncas & pe-
tras montium compellere poterat.
In Italia Veneti, motu imminen-
tis Attila, locum in vicino ma-
ri occuparunt. Reliqui Itali de*

S * patria

patria deserenda consilia agitant. In *Gallia* perfugium quaesitum est apud *Francos*. Rex enim *Meroveus* illorum in *Gallis* sedem stabilivit, & nomen primæ *Francicorum* in *Gallia* regum familiae, quæ *Merovingorum* esse dicitur, dedit. *Britanni* verò à *Romanis* deserti, *Anglos*, *Saxonia* populum, contra *Scotos* & *Pictos* accesserunt. Alii populi alios montes & petras rogabant, ut super eos caderent, ac eos absconderent à conspectu ejus, qui tum vindictam exercebat, *Domini*. Atque hæc perturbatio non solum prophanos homines, sed etiam *Ecclesiæ* antistites perculit. Itaque *Prosper* ejus ævi *Synchronus* in illis, quæ primo *Marciani* anno subnotavit, conqueritur, quod valdè miserabilis *Reip.* status tum apparuerit, & non modo ne una quidem absque barbaro cul-

cultore fuerit provincia, sed etiam nefanda *Arianorum* hæresis, quæ se nationibus miscuit, *Catholica* nomen fidei, toto orbe diffusa, præsumserit. In *Orientem* tamen descendit *Angelus* ille, qui veros *DEI* cultores obsegnavit. Pax itaque civilis ibi tanta fuit, ut *Ecclesiastici* homines non possent ejus commoda æqua mente tolerare. Vnde *Chrysostomi* & *Epiphanii* discordiæ, illius propter *Eudoxiam* exilium, *Orientalis* Ecclesiæ cum *Occidentali* dissidia, *Pelagii* turbæ, *Nestorii* de *Communicatione idiomatum* errores, ejusdem tam in *Concilio Ephesino*, quam *Congregatione Chalcedonensi* condemnatio, *Eutychis* de *naturæ unitate* deliria, ejusdem in *Ephesina* II, *λειτουργικῆ* dicta, absolutio, & in *Concilio Byzantino* condemnatio. Interim in hoc *Concilio* positum vide-

tur fundamentum infelicis illius dimicationis, quæ tandem in Ecclesiasticam tyrannidem, & ut Apocalypsis loquitur, in *ortum bestia septicipitis & decemcornis ex mari erupit*. Certè *Leo Pontifex Romanus*, cum *Flaviano, Constantinopolitano Episcopo*, secundas à se ibidem decretas fuisse videret, aliis *Concilii actis probatis*, hoc tamen caput ultimum, quod ei erat instar panni, purpuræ assuti, improbavit.

CAPUT VIII.

De statu Ecclesie sub sigillo septimo.

I*ustino imperium incunte a-*
perum est Septimum sigil-
lum, & silentium in calo fa-
ctum per semihorium. Tum enim tanta felicitate fruebatur Ecclesia, quanta vix sub *Constantini* fuit

fuit imperio. Certè *Eutychniana* hæresis, Synodo *Constantinopoli* adversus eam celebrata, & *Severo*, illius promotore, *Antiochia* fugiente, imminui cæpit: *Arianis* tam angusti sunt præscripti cancelli, ut *Theodoricum Italia Regem* contra *Anastasium* & subditos illi *Catholicos* incitarent. *Occidentalis* Ecclesia rediit cum *Orientali* in communionem. In *Persia* *Manichæi* funditus deleti sunt; & vicinus *Colchorum Rex Iathus* sacra Christiana accepit. In *Aphrica* *Huldericus* post *Thrasymundi* mortem omnes *Orthodoxos* exules revocavit. In *Gallia* *Clodovæus*, cum in bello *Alemannico* summis premeretur angustiis, ad Christum confugit, & tandem, precibus *Clothildis Burgundæ* expugnatus, baptismi accipiendi consilium expediit. *Iustino* extincto impleta sunt sub *Iustinia-*

no, Tiberio & primis Mauritiū
 annis illa quæ de *thuribulo*, *al-*
tari, *fumo* & *terramotu* adj-
 ciuntur. *Iustinianus* enim instar
 summi sacerdotis *Ecclesiæ*, oc-
 cupata *Africa*, devictis in *Italia*
Gothis, pœnas à veteri & per-
 secutrice *Roma*, tam innocentis
 sanguinis effusi, quam veritatis
 cœlestis spretæ, sumsit, & sic
 piorum precibus & desiderio,
 qui *Gothorum* & *Vandalorum*
 jugo eximi petierunt, satisfecit.
 At quia ideo damnationem
 trium capitulorum (in Concilio
Constantinopolitano, quod inter
Oecumenica est quintum), actum
 est, cum de *Origenis* erroribus à
 Monachis ex *Agypto* in *Pala-*
stinam effusis, renovatis, tum de
Theodoro Mopsuesteno, & de *Theo-*
doreto, qui olim cum *Nestorio*
 fenserat, & duodecim *Cyrelli*
 capitulis se opposuerat, & *Iba*,
 qui scripserat epistolam ad *Ma-*
 rin

rin *Persam* hæreticum, pro *Nestorio*, & ideo propositio illius, trium capitulorum nomine, circumferebatur) tum per edicta, tum per *Universale Concilium*, toti Ecclesiæ obtrudere voluit; magno fervore *Constantinopolitanum Patriarcham* propugnavit; à *Vigilio P. R.*, ut primo loco sibi relicto, secundum *Constantinopolitano*, inter sacerdotes ab ejus prædecessoribus præfracte negatum, concederet, impetravit, ad *Apartodocitas* descendit: ut illa re ignem de altari deturbasse, sic hoc secundi loci stabiliendi conatu tonitrua & fulgura immisisse videtur. Certè *Ioannes Menæ* successor, qui *Iejunator* à sobria vita est dictus, non contentus secundo loco, primum imo *Oecumenicum* primatum affectavit, nec vel à *Pelagio I I.* vel *Gregorio M.* ejus successore, *Antichristi* præcur-

cursorem hac nota insigniente,
ab ea infania abduci potuit.

CAPVT IX.

De statu Ecclesie sub prima tuba.

SECUNDA Ecclesie periodus
initium habuit sub *Mauri-
tio*, extenditque se usque ad
Henrici I V. tempora: & licet
singuli ejus articuli tanquam
classico indicentur, tamen mi-
nores plagas priore sui parte
complectitur potiùs, quam poste-
riore. Ac sub *Mauritio* quidem ad
*clangorem primi Angeli & præ-
cedentium tonitruum & fulgu-
rum strepitum*, sequi grando &
ignis mistus sanguini capit. Nam
Mauritius, qui impediit quo mi-
nus *senioris Romæ* Episcopus E-
piscopum *novæ Romæ* deprime-
ret, cruenta satis interfectus est
à *Phoca*. Et *Phocas*, tantum abest
ut

ut diras *Romani Episcopi* incur-
rerit, ut mutuis beneficiis inter
se invicem certaverint. Vnde &
Cyriacus, qui *Constantinopoli* post
Iohannem sedit, titulumque *Oe-*
cumenici à Mauritio concessum
retinuit, in odio apud *Phocam*
fuit, & *Bonifacius* titulum illum
à *Phoca* nullo negotio impetra-
vit. Cæterum quia, *Heraclio* à
militibus imparato, *Perse* in
Armenia, *Cappadocia*, *Syria*,
Egypto & *Africa* duodecen-
nium grassabantur, *Mahometus-*
que Mecha occupata novum re-
gnum fundavit, & *Saraceni* suc-
cessorum illius auspicio *Syriam*
totam & *Palistinam* sibi subje-
cerunt; videtur *tertia pars ter-*
ra, *Asia* nimirum, tum exusta
fuisse, & non solum *tertia pars*
arborum, sed etiam *omne gramen*
viride, adeoque pabulum & pa-
trocinium *Ecclesiæ* in illis locis
exustum esse.

CAPVT X.

De statu Ecclesie sub secunda & tertia tuba.

Secunda tuba sub Heraclii familia clangente, cecidit quasi mons ardens in mare, & fecit tertiam ejus partem sanguinem, non tam sub Constante, cum ex ingenti illa in porta Phœnicæ clade, Christianorum sanguine ruberet, quam sub Constantino, cum Concilium, quod inter Oecumenica sextum, Constantinopoli in penetrali, quod Trullus dicebatur, celebraret. Quia enim tum *Cæsar*, immoderato in sedem Romanam ardore, correptus, non modo pecuniam pro confirmatione ab illa mitti solitam remisit, sed etiam in confirmatione *Benedicti II.* jus confirmationis à *Iustiniano* quondam ad Imperatoriam majestatem
rela-

relatum, clero *Romano* indul-
sit; mare status *Ecclesiastici* in-
degenerem & sanguineam na-
turam est mutatum, ac periere
non *pauciores in eo naves &*
nauta ac in obsidione urbis &
expeditione *Saracenorum* se-
cunda, quæ fuit in initio impe-
rii *Leonis*. Gratia tamen Deo,
quod tertia tantum eorum pars
ardore illo abusa est. *Tertia tuba*
clanxit eo tempore, quo *Leo*
controversiam de imaginibus
à *Philippico* inchoatam repeti-
vit. Quamquam enim illi ea-
rum demolitione nihil aliud ni-
si idololatriam destruere quæ-
rebant: tamen, ut solet, excessit
medicina modum. Scilicet non
tantum acrius in opposcentes
se animadversum à *Leone* est;
sed etiam post prohibitum à
Constantino in Concilio *Constan-*
tinopolitano VII. omnem imagi-
num usum atrox executio in

T repu-

repugnantes, & præcipue in *Monachos*, quorum exlibatus quoque periclitatus est, secuta fuit. Post vero in *Synodo Nicana* II. rebus ita instructis, ut nemo disputare nedum turbare aude-
ret, intra x x. dies debellatum est & pronuntiatum, sacras imagines non ad usum tantum *Historicum* alicubi haberi posse, sed ex mandato divino in templis necessarias, imò venerandas, salutandas, osculandas, colendas, adorandas, suffitu, cereis, & similibus honorandas esse. Verè igitur stella illa è cælo in flumina delapsa arsit velut fax, & nomen *absinthii* habuit. Interim quantum amator in doctrinam publicam, & ejus antistites ex altera quoque parte sit ortus, quam mortem ex talibus aquis homines biberint, apparet ex scriptis *Ioannis Chrysostomæ Damasceni*, & ex subdivisione imperii

perii occidentalis nova aut certè
evidentiore.

CAPVT XI.

De statu Ecclesia sub quar-
ta & quinta tuba.

S Eptimo post Synodum Ni-
ceæ ab Irene convocatam an-
no, convocavit aliam Syno-
dum Carolus nondum Imperator
Francofurtum ad Mænum. ubi
ccc. ferè Episcopi, præsentibus
etiam Adriani legatis, mediam
viam in iconomachia invene-
runt. Nam & Synodum Constan-
tini, quatenus abolitionem ima-
ginum decrevit, & Synodum
Irenes ex aduerso adorationem
earum statuentem damnave-
runt, suo quodam honore ima-
ginibus relicto. Tum igitur
clanxit quartus Angelus, &
percussa ac obscurata sunt ter-
tia sui parte luminaria in cælo

Ecclesiastico, tertiaque pars tam diei quam noctis fuit sine luce. Elapsis autem sub *Ludovico* II. LXX. ab hoc concilio annis, cæpit posterior semissis periodi secundæ Ecclesiasticæ. Neque enim tam Christiani persecutiones, Orthodoxi hæreses in posterum sibi metuendas habuerunt, quam *incolis terra varii cruciatus* erant formidandi. Seculari quippe statui se eximere illi, qui stellarum in cælo munere fungidebebant, ab eo tempore incæperunt, cumque deinceps sibi subjecerunt. *Platina* sanè author est, *Nicolaum* tentasse illud institutum, quod paulo post *Hadrianus* III. magno animo urisit, cum in initio sui *Pontificatus* statim ad *S. P. Q. R.* referret, ne in creando Pontifice Imperatoris authoritas expectaretur. *Hadrianus* quoque II. ex factione *Photii Patriar-*

triarcha arrepta occasione *Concilium* tale celebravit, quod non *Photii* solum *Laicismum*, sed omnium *Laicorum* etiam potentissimorum authoritatem deprimeret. *Iohannes* vero IX. Imperatores eligere sibi arrogavit. In *Formoso* denique qui post *Stephanum* V. *Adriano* III. successit, ait *Platina*, virtutem & integritatem *Pontificum*, æque ac *Imperatorum* *Caroli* posterorum defecisse. Verè ergo tunc puteus abyssi est apertus à stella è calo in terram cadente, & prodiit inde sumus qui peperit locustas, quæ laderent homines, signum DEI in frontibus suis non habentes. Quis enim tam immune genus vitæ non apprehenderet?

CAPVT XII.

*De statu Ecclesie sub sexta
& septima tuba.*

Secundo Theophylacti Patriarchæ Constantinopolitani anno incidit initium sexti Apocalyptici clangoris, ad quem solutus quatuor Angelis ad Euphratem vinctis, secuti sunt equites duum generum, alii nempe, quorum numerus tantum auditus est, alii ad quorum contemplationem peculiari quadam mentis intentione ac visione opus fuit. Et certè tum Theophylactus ille, utpote filii Imperatoris Romani filius, imperatoris spiritu retento, non modo liberius vixit, sed & equos bis mille aluit quotidie: ita ut eo tempore non modo Oriens juxta ac Occidens à Saracenicis, Russicis, Hungaricis & Sclavonicis Equitibus nume-

numerosa multitudine vexatus sit: sed etiam ministri ejus domini, qui a sino *Hierosolymam* invehctus est cum summa gloria, equis invehcti ac ferocire inceperunt. Alias & in *Occidente* istum luxum fuisse, historia *Ottonis III.* præcipuè testatur. Sub initium imperii *Henrici Sancti* claxit VII. ex *Apocalypsi* Angelus, & in cælo quidem latitia fuit, quod duo *Va* præterierunt, & quod tertia periodus jam immineret, in qua tandem ira Dei in hostibus Ecclesie debellandis, bonorumque & malorum retributione manifestanda esset: sed atrium templi, ad dimidium illius periodi decursum usque, occupatum est à gentibus, & urbs sancta est ab iisdem calcata. Hinc duo illi testes, qui partim Ecclesie puritatem, partim ordini Politico suam majestatem sincere asserere conati sunt; in templo

interiori coque mensurati latuerunt. & quamvis instar olearum & candelabrorum essent; quamvis item magna potestate praediti, impunè non laderentur: tamen casi & inhumati jacentes in plateis Sodoma & Aegypti, exhilaraverunt hostes sua morte. Nimirum mysterium quod DEVS prophetis suis revelavit, consummatum est in diebus Angeli septimi, & imperium, quod ex mari doctrina tantum huc usque emerfit, in posterum ex terra potentia prodibit ense potens gemino. Inter memoratos testes voluit Berengarius esse; sed Nicolaus I I. cum palinodiam canere coëgit.

CAPVT XIII.

De statu Ecclesie sub prima & secunda phiala.

Circa Henrici IV. mortem prædicavit *Archiepiscopus Florentinus*, natum esse *Antichristum*. *Baronius* quoque agnoscit, tum celebrem fuisse famam, fore, ut brevi *Antichristus* reveletur. Imo scriptores ejus seculi jam sub *Hildebrando* eum, si non verbis, at reapse venisse dicunt. Ante eum enim neminem ajunt hoc juris in Cæsarem aut subditos ejus sibi arrogasse, quod ille usurpavit. In hoc itaque tempus incidit tertiæ illius periodi initium, sub cujus decursum *septem phiala excandescentiæ DEI in terram effundi debuerunt*. Certè eam *Henricus IV*, de quo abundè te docebit historia, sensit. Inprimis

vero illustris est in hoc seculo
 effusio *primæ phiala* in terram,
 ex qua natum est *ulcus cacoëthes*
ac noxium adversus homines, qui
 habebant *characterem bestia*, &
 eos qui adorabant *imaginem* ejus.
 Id enim non tantum *Henricus*
 pater, *Cunradus* & *Henricus* filii
 ostendere; sed & *Rudolphus*,
Principes Imperii, *Saxones* &
 alii sequentibus temporibus.
 Neque enim plaga hæc tantum
 intra *Hildebrandum* se conti-
 nuit; sed ut alias cupiditates
 frenari nequeunt, sic & hic æ-
 grè sisti aut circumscribi potue-
 runt. *Suevorum* ævo effusa est
secunda phiala, & *Mare* status
Ecclesiastici seu doctrinæ *ver-*
sum est in tabum. Non ergo er-
 ror unus aliquis leviter à natu-
 ra puri maris degener, sed crassa
 quæpiam errorum farrago in il-
 lud seculum incidere debuit. Et
 haud scio an non illa confluges
 vario-

variorum mysteriorum, quæ tandem anno 1215. ab Innocentio III. stabilita est, à Spiritu Sancto respiciatur. Ab eodem certe tempore cœpit *Philosophia secularis* inutili sua curiositate } *sacram Theologiam* fœdare, & postquam *Ioachimus Abbas Florentinus*, ob impugnatas *Petri Lombardi* sententias, damnatus est, nemo hiscere contra est ausus. Lacum Transubstantiationis quoque tam *asphaltiten* esse posse, ut etiam *animæ vivæ* ex eo pitissantes inficiantur, vel moderna secula testantur.

C A P V T X I V.

De statu Ecclesiæ sub tertiâ & quarta phiala.

EX scholasticis primæ ætatis fuit quidam *Cyrillus*, *Monachus Carmelita*, qui ex veteri *Origenis* errore in *Epistolam*
ad

ad Romanos novum excudit *Euangelium* : quod non tantum vehementer est approbatum, utpote omnia dogmata Scholastica, & superstitiosos R. E. ritus, ex Apocalypsi deducens: sed & *Euangelium æternum* est nominatum. Verum hunc errorem non tantum *Iobannes Valdo* civis Lugdunensis, qui *Euangelium Iesu Christi* in *Galicum* sermonem sibi fideliter verti curavit, confutavit: sed & *Albigenses*, quorum patronus erat *Raimundus*, Comes *Tholosanus*, & *Petrus Rex Arragonia*, se ei adjunxerunt. Sed quia tres illi dies cum dimidio resurrectioni duorum testium destinati nondum præterierunt; & decretum *Gratiani* nuper promulgatum, decretales à *Gregorio IX.* congestæ; sententiæ *Lombardi*, stigmata *Francisci*, prædicationes *Dominici* & tum
magis

magis valebant, & à *Cisterciensibus Monachis*, duce *Dominico*, ita sævitum, ut novus prædicatorum ordo exurgeret. Verè ergo tum *phiala tertia effusa est in fontes aquarum & flumina*: & quia ætas illa sanguinem piorum effundere non exhorruit, visum est vero & justo iudici *sanguineas aquas illi propinare*. Tum etiam *Albertus Magnus* DEI verbo *Aristotelis* scripta comparavit, quasi hæc demonstrationibus nitantur, illud vero probabili potius ratione teneatur. *Iohanne Duns Scoto, Thoma* impugnante dictamina, accessit illa *plaga, quam homines senserunt, sed non resipuerunt*. Soli enim sacrosanctarum Scripturarum conjuncta tum est *canicula* sophismatū & traditionum humanarum, ita, ut populus Christianus, qui hætenus Euangelica remissione peccatorum refocill-

focillatus, *calorem legis Mosai-*
cæ tolerare potuit, imposterum
æstuaret æstu magno, quem tem-
porarium, sive in altero seculo
esse suslinendum sibi persuade-
ri sinebant. Et hic demum æ-
stus, est propria *quarta phiale*,
his temporibus effusæ, *plaga*.
Hujus enim *causa non modo non*
dabant gloriam DEO, ac *fontem*
excandescentiæ ejus non obstrue-
bant homines, sed etiam æstu il-
lo correpti, *blasphemias & unâ*
eam intendebant & multiplica-
bant. Alias tempore *tertiæ phia-*
le, non tantum *Bonifacius VIII.*
fraudem; ambitionem & arro-
gantiam suorum antecessorum
auxit; sed & *Romani Pontificis*
sedes translata est Avenionem in
Gallias à Clemente V. mansitque
illic LXX. annis.

CAPVT XV.

*De statu Ecclesie sub quinta
phiala.*

ANtequam *phiala quinta* effusa est, nati sunt temporibus *Ludovici* finem ter septuaginta & triginta quinque anni; sub quorum decursu inde à Tyrannide *Hildebrandina*, duo illi testes latere in interiore templo debebant. Nunc enim resurrexissent eos per *Spiritum excitatos*, testantur acta *Ludovici*, ac mascula illa in conventu *Francofurtano* libertatis tam *Ecclesiasticae* quam *Politicae* assertio. Testatur idem parrhesia plurimorum ejus seculi scriptorum, qui contra receptas tum tam in foro quam in choro opiniones, multa faciebant & scribebant. Ex hoc numero fuerunt *Marsilius Patavinus*, *Dantes Aligerius*,

Iohannes de Polliaco, Martinus Patavinus, Iohannes de Gandavo, Michaël Cicerius, Guilielmus Occam, Scoti discipulus, & alii multi. Testatur idem progressus hujus regenerationis, qui fuit partim à Wiclefo, partim ab Husso, ejus sive discipulo, sive scriptorum lectore sequentibus temporibus. Prius enim in pedes erecti & stantes, timorem illis, qui eos spectaverunt, incutere debebant, quam in calum vocati cum terramotum ederent, ut decima pars urbis caderet, & multis interfectis reliqui terrerentur. Carolo IV. imperante effusa est phiala quinta in thronum illius animalis, quod antea tum ex mari, tum ex terra prodiit. Neque enim tantum supra nominati testes veritatis vanitatem illius regni detexerunt, & detestam sub hoc Carolo magis ac magis patefecerunt: sed etiam per schisma
sub

sub ejus successoribus tam crassæ tenebræ ei sunt offusæ , ut cum , an sit aliquis hujusmodi thronus , tum quis ille sit , & quis illius legitimus sessor per LXX. annos, dubitaretur. Et *dolebant quidem illi* , qui jam antiquitus ad se solos illam *Cathedram* attraxerunt, ac mandebant *linguas præ dolore* , ut patet ex illorum conatibus ac decretis : sed tamen quam nihil exinde resipiscentiæ hauserint , patet ex blasphemis , quibus innocentes homines in Concilio non modò *Constantiensi* , sed etiam *Basileensi* partim sustulerunt. Scilicet difficile erat desuescere ab eo in Ecclesias & imperia imperio, cui tam diu & tanto cum applausu assueverant.

CAPVT XVI.

*De statu Ecclesie sub
phiala sexta.*

SExtaphiala effusa siccatus est Euphrates seu Hellespontus, per quem Orientales quondam incedere amabant, quando pomœria ditionis suæ extra finem Orientem extendere cogitabant, ita, ut qui ab Oriente reges Ecclesie infensi erant, sicco pede in unam Imperii Christiani arcem & doctrinarum mirabilem sub multiplici confusione sedem, tempore belli cum Vladislao Rege habitæ, irrumpere possent. Est autem id eo certius, quo major spes erat, eum à Francisco Cardinali Veneto, classis Pontificiæ præfecto, ita esse obsessum, ut nulla vi transmitti posset: & nonnisi conjecturis hodieque assequi licet, qua Hellespontum

ductorum genus asseverat & describit. Ad hæc tam generatim locum, in quem seductos deducunt, exprimit, ut is non modò Har Megiddo bonis sinister, malis auspiciatus, sed etiam Hormageddom bonis initio asper, tandem lætus, intelligi possit.

CAPVT VII.

De statu Ecclesie sub septima phiala.

I*mperante Maximiliano primo, effusa est septima phiala in aërem. Nam & terra & mare, quæ ille æqualiter ambit, ita ævo eo sunt affecta & disposita, ut ad novum & nunquam auditum terra motum fuerint idonea. Asia & Africa omnis est mota partim à Turcis partim à Lusitanis, Europa partim à bellis, partim à disputa-*
tio-

tionibus, Colloquiis & Conciliis. Nec novus orbis quietem, quam inde ab ultima hominum memoria habuit, conservare potuit. Et certè si per *urbem illam magnam* licet *Europam* intelligere, disrupta est illa in tres partes; ac aliis cum *Oriente*, aliis cum *novo orbe*, aliis *inter se* invicem fuit negotium. Immo intra *Europam* solam, & in negotio quidem tam *Ecclesiastica* quam *Civilis reformationis*, alii excessu, alii defectu laboraverunt, alii modum servaverunt. Est, inquam, modus servatus, & venit magna illa *Babylon* in memoriam Dei, ut propinaret ei ex poculo indignationis iræ suæ. Itaque etsi *Ludovicus XII.* nomen *Babylonis*, ut in nummo *Neapoli* cuso minabatur, non perdidit: tamen *DEVS* per alia & longè contemptibilia organa, *vinum indignationis suæ* ei bibendum

310 *Hist. Ecclesiastica.*
dum tradidit. Mare deinceps
purum ab insulis, terra libera
montium eminentia est reddit.
Etsi verò grandine illa in homi-
nes cadente *lis Sacramentat*
anno 1524. inchoata, & anti-
sequente furor rusticus & An-
baptisticus, ac secuta deinceps
quorundam *imaginosorum* *de-*
via, materiam blasphemandi
calumniandi præbuerunt homi-
nibus, quibus *grando illa ve-*
mentem incussit plagam: tam-
ab illo tempore cœpit *damna*
mulier illa Coccinea, & tres *Angeli*
ruinam Babylonis indix-
runt, ac videtur illud *Halelu-*
esse cantatum.

F I N I S.

1. 17.

175





